



बोडो विद्यार्थी संघ  
केन्द्र १-बोडो विद्यापीठ  
मैसूरु रोड, शिलांग  
बोडो, असम, भारत

# अनजिमा

( 38थि बिसान )

ईसान मोसाहारी गोसोखां सान फालिनाय  
कक्राझार सरकारी फरायसालिमा बर' फरायसा थुनलाइ आप्नाद  
माइथाय : 2015-16



यसालिमा बर' फरायसा थुनलाइ आ

नप... इ ब... नाय



गाहाइ सुजुगिरि  
मुस्रि जोंसार अवारि

# अनजिमा

बोसोरारि लाइसि

दिहुनगा 38 थि बिसान

क 'क्राइर सरकारी फरायसालीमा बर' फरायसा थुनलाइ आफाद

माइथाय : 2015-16



35थि ईसान मोसाहारी गोसोखां सान फालिनाय

क 'क्राइर सरकारी फरायसालीमा बर' फरायसा थुनलाइ आफाद

थावनि : क 'क्राइर सरकारी फरायसालीमा , क 'क्राइर

जिला : क 'क्राइर, बि.टि.सि., आसाम

अक्ट' : 27, 28 आरो 29 जानुवारी, 2017

---

**अनजिमा** : क'क्राझार सरकारी फरायसालीमा बर' फरायसा थुनलाइ आफादनि 38थि बिसान बोसोरारि लाइसि, अक्ट' 27, 28 आरो 29 जानुवारी, 2017 आव खुंजानाय 35थि ईसान मोसाहारी गोसोखां सान फालिनायाव दिहुनजानाय।

---

सुजु आफाद "अनजिमा"  
माइथाय : 2015-16

थुनलाइ बोसोनगिरि  
मुस्रि बारहुंखा मुसाहारी  
मुस्रि गनेश बर'  
मुस्रि गौतम मुसाहारी

गाहाइ सुजुगिरि  
मुस्रि जोंसार अवारि

सुजुगिरि  
मुस्रि फुंजा मुसाहारी  
थरायना कनिका हाज 'वारी

बिखं महर  
मुस्रि जोंसार अवारि  
मुस्रि फुंजा मुसाहारी

साफायसालि : माइदां अफसेट प्रिन्टार्स, आर.एन.बि. लामा, क'क्राझार

---

## अनजिमानि राव

1. आंनि मुड अनजिमा ।
2. आं जोनोम जादोंमोन 1968 माइथायाव ।
3. आं बोसोराव खेबसेल' नुजायो ।
4. आंखौ क'क्राझार सरकारी फरायसालीमा बर' फरायसा थुनलाइ आफादआ दिहुनो आरो आंनि थैनाय थांनाय बिसोरनि आखाइयावनो ।
5. समजों लोगोसे खाब जाहोनानै आं आगान सुरो । बर' थुनलाइनि गोनांथि बादियै जोनोमनि गुदियाव असमीय, गेजेराव र'मान आरो दा 39थि बर' थुनलाइ आफाद जथुम्मनि थांखिनि उनाव देबनागिरी हांखोखौ आं आंनि बिखायाव जायगा होबाय ।
6. आंनि थांखिया जादों - बर' राव, थुनलाइ, हारिमु-सोदोमस्रि आरो माहारिखौ गोदान महर होनानै गुस्लायहोनाय ।
7. आंनि मुड अनजिमाब्लाबो आखुहा अनजिमा गैया ।
8. क'क्राझार सरकारी फरायसालीमा फरायसाफोरनि गेजेराव गोदान लिरगिरि सोरजिनायानो आंनि थांखि ।
9. आंनि बिखायाव राजखान्थिनि बाश्राया जायगा मोना ।
10. बर' थुनलाइखौ गेवलांसार होनायनि सोमावसारनायाव जालांनाय मुंख्लंफोरनि गोसोखांथि लाखिनायाबो आंनि थांखि ।

॥ गोजोनथों ॥

नोंथांमोननि अनसायजाथाव

थामजिदाइनथि

'अनजिमा'

माइथाय : 2015-16

## बाउनाय



नै मुख्लंफोर .....

नोंसोर हारिनि राव थुनलाइनि थाखाय गावसोरनि आगोमा जीउखौ बाउलांबाय ।  
हे बर' थुनलाइनि मुंख्लं जोहोलाव जोहोलावजोफोर बर' बिमानि गोर्बोनिफ्राय  
जोमोम मोन्नानै बिमानि राव थुनलायखौ सिबिनो अनसायनो रोंदोंमोन नोंसोर ।

नै हारिनि आगोमा बर' थुनलाइनि जोहोलाव जोहोलावजोफोर नोंसोरनि साव-  
गावनि थैखौ दै खालामनानै बर' हारिनि थुनलायखौ फोजाखांबाय गोथार जिउमाया  
सोर्गोआव आलो गोजोनै थाहैनो मोनथोंसै आरो नोंसोरनि बोर सारस्रिनायाव  
जोंनि बर' हारियाव नोंसोरबादि जोहोलाव जोहोलावजोफोर उजि फैफिनथोंसै ।

- |                   |                          |
|-------------------|--------------------------|
| 1. अमलाराम बर'    | 9. समबार मोसाहारी        |
| 2. शिब 'राब बर'   | 10. अनजालिस बाग्लारी     |
| 3. दिन' बर'       | 11. बिष्टुराम बसुमतारी   |
| 4. कान्तेश्वर बर' | 12. हाइथाराम बसुमतारी    |
| 5. मालसिं गयारी   | 13. नारायण बसुमतारी      |
| 6. बुधबार बर'     | 14. निदिराम बसुमतारी     |
| 7. खनसाइ बर'      | 15. आजेन्द्रनाथ बसुमतारी |
| 8. पानिराम बर'    | आरो मिथिमोनै गोबां ....  |

नोंसोरनि आफाडव जों बाउबाय बे नेहाद दिहुनगा थामजिदाइनथि

बिसान 'अनजिमा' लाइसिखौ

नोंसोरनि उनसंगिरि इयुन जोलैफोर

सुजु आफाद

'अनजिमा' दिहुनगा थामजिदाइन ।

GOVT. OF ASSAM



OFFICE OF THE PRINCIPAL  
KOKRAJHAR GOVT. COLLEGE, KOKRAJHAR  
P.O. & T.O. KOKRAJHAR  
Dist.- KOKRAJHAR, B.T.A.D.  
(Assam)

No. KGC/.....

Date 20/01/17

From :  
Dr. Binoy Kr. Brahma, M.A., Ph.D.  
Principal,  
Kokrajhar Govt. College, Kokrajhar.

সামস্কায়মি শকাব



সিম,

গাশপ সুজুগিহি,

"অনঞ্জিমা"

ক'ব্রজস্হাৰ সৰকাৰী ফ'ৰামসালিমমা ব'ৰ' ফ'ৰামস্হা

থুনল্লাহু আফাৰু ক'ব্রজস্হাৰ সৰকাৰী ফ'ৰামসালিমমা ।

গিৰিযাবনো গাৰ্হান ব'সোহনে সামস্কায়নাথৰো ব'য়নি

সিমস্কো বাবহুৰগোবাপ । ক'ব্রজস্হাৰ সৰকাৰী ফ'ৰামসালিমমা

ব'ৰ' ফ'ৰামস্হা থুনল্লাহু আফাৰু গুৰুন গুৰুন ব'সোহাল দিহু-

নব'বাপ থানাথ ব'ৰ্হিনো ক'ব্রজস্হাৰ "অনঞ্জিমা" ল'ডসিহু

দিহুননো ল'গনাথৰো মিথিনানে জ'ব'ৰ্হ গোব'ননাপ ম'ন'হো ।

ব'ৰ' থুনল্লাহুৰো ফ'ৰ্হ'নাথাব হো ল'ডসিহাব জ'প'গ ম'ন-

নাপ ফ'ৰ্হ'গিহি, ফ'ৰামস্হা আৰো গুৰুন গুৰুন লিহ'গিহি

ফ'ৰ্হ'নি লিহ'নাপ লিহ'বিহ'ফ'ৰ্হা ম'স্ব'জ'ব'ব' বিহ'মা হ'নো

হ'গ'ন হ'ননানে মিহ'থিনাপ জ'ব'ব' ।

ল'গ'স, "অনঞ্জিমা" ল'ডসিহ'নি অ'ৰাম গ'লাব

জিহু আৰো ব'য়নিহো অন'সাপনাপ ম'ন'বাপ থ'ৰ্হ'নো

হ'ননানে মিহ'থিনাপ ।

গ'ব'নন'হো ।

(ড° বিনয় কৃষ্ণ ব্রহ্ম)

গাশপ

ক'ব্রজস্হাৰ সৰকাৰী ফ'ৰামসালিমমা



**Pramod Boro**  
President

createbodoland@gmail.com

OFFICE OF THE

## दुलाराय बर' फरायसा आफाद ALL BODO STUDENTS UNION

H.O. : BODOFA HOUSE, BAGANSHALI, W/NO. 7, KOKRAJHAR, BODOLAND

PIN : 783370  
ESTD. : 1967

**Lawrence Islary**  
General Secretary

lawrenceislary@gmail.com

Ref. No

Date



### हामलायथि रादाब

आंगोनि फरायसा लोगो,


गिबियाव नोंथांसिम आफादारी गाहाम हामलायनायखौ जासिग्रोबाय। नोंथांनि लाइजामनि गेजेरजों क'क्राझार सरखारि फरायसालिमानि बर' फरायसा थुनलाइ आफादा गुबुन बोसोराव खुंबोनाय बायदि देग्लायबो 35 थि "ईस्वान मोसाहारि गोसोखां सान फालिनाय" खौ फैगौ 27, 28 आरो 29 जानुवारी 2017 अक्ट'आव सानथामनि मेहेरगोनां हाबाफारिनि गेजेरजों खुंफुनो लानायखौ मोनथिनानै गोजोन्नाय मोन्दों। लोगोसे क'क्राझार सरखारि फरायसालिमा बर' फरायसा थुनलाइ आफादा बिनि 38 थि "अनजिमा" खुगा लाइसिखौ सेबखानानै दिहुन्नो लानायखौ मोनथिनानै आरोबाव गोजोन्नाय मोनबावदों। फरायनायजों लोगोसे लिरनाय हुदानि गेजेरजों थुनलाइनि मान-दान्दाखौ फेहेरनायाबो फरायसानि गिदिर बिबान। मानोना दिनैनि फरायसायानो इयुननि सुंथागिरि। आथिखालनि जाखांफुनाय लाइमोन फरायसाफोर आरो गोदान-गोजाम लिरगिरिफोरनि बेसेनगोनां लिरबिदांफोरजों दिहुन्नो लानाय लाइसिया साबना-हामनायै ओंखारगोन आरो बेसेन गोसा थुनलाइ सोरजिनायाव बिहोमा होगोन होन्नानै मिजिं थिनाय जाबाय।

जोबथारनायाव खुंनो लानाय 35 थि "ईस्वान मोसाहारि गोसोखां सान फालिनाय" आरो क'क्राझार सरखारि फरायसालिमा बर' फरायसा थुनलाइ आफादनि 38 थि बिसान "अनजिमा" खुगा लाइसिनि थांखिया जाफुंसारनाय आरो बयनिबो अनसायनाय मोनगोन मिजिं थिनानै गाहाम हामलायथि हरनाय जाबाय।

गोजोन्थों।

सिम,

मुश्री जोंसार अवारि  
गाहाइ सुजुगिरि  
38थि बिसान "अनजिमा"

  
27/1/17

( प्रमद बर' )

आफादगिरि

दुलाराय बर' फरायसा आफाद।



Office of the  
**BODO SAHITYA SABHA**

বরং থুনলাই আফাদ

Registration No. 94 of 1972



ডঃ কামেশ্বর বরম  
আফাদগিৰি,  
বরং থুনলাই আফাদ

"ব্রাহ্মসংগঠিত সাধাৰণ"

গাৱাই সুখগিৰি, "অনঞ্জিমা"

আং গাৱাওনোম সৌন্দৰ্যৰে, কংকাসাৰ  
স্বীকৃতি প্ৰশাসনালৈমা বৰং প্ৰশাসনা থুনলাইথুগিৰি  
আফাদ আ দেৱলাভ ২০১৭ মাৰ্চতাই ৩০০০ গুৰুণ বীৰস্বী  
কৰ্মৰেণে বাৰোদি স্বৰ্গা ৩৫ টি হুঁসান সৌন্দৰ্যৰে  
গৌৰৱেণে সৌন্দৰ্যে প্ৰাৰ্থনালৈমা লৈব্বা লোনাৰে  
আফাদনি স্বৰ্গা লোৱসি "অনঞ্জিমা" স্বৰ্গে ৩৪ টি-  
বিশ্বন মৰুৱে ৭৬৬-নো লোৱাৱ-পাৱাৱ স্বাৰ্থাৰে।  
আং বিৰিণে স্বাৰ্থাৰে, আফাদনি বাৰাফাৰিয়া  
প্ৰাৰ্থনালৈমা আৰে 'অনঞ্জিমানে গৌৰৱেণে'  
প্ৰশাসনা কৰ্মৰ আ থুনলাই ৭৬৬-নো স্বাৰ্থাৰে  
মাৰ্থাৰে হুঁসানে। গৌৰৱেণে।

- ক. বৰম  
ডঃ কামেশ্বর বরম  
আফাদগিৰি  
বরং থুনলাই আফাদ



## सुजुगिरिनि रेबगनजों...



बर' माहारिया बेसेबां आबै-आबौमोननि दिननिफ्राइनो आबाद मावनानै, सावरि बादालि आरो समायना रमायना गान्नाय जोमनाय हरिमुजों बुंफबनाय। बर' माहारियाजे बेबायदि समायना रमायना हरिमुजों बुंफबनाय बेखौ जों बर' थुनलाइनि गेजेरजोंसो गुबुन माहारिनो फोरमायनो हायो। बर' माहारिया बर' राव रायज्लायो आरो बे रावा मोनसे समाव गोमा लांनायनिफ्राय सुथि मोनखांनानै दिनै भारत संबिजितनि डाइनथि फारियाव सोसन जाबाय। बर' रावा भुमनि गनायजानाय राव जाबाय। बर' राव दावगादों, गनायथि मोन्दों नाथाय बेखौ फोसाबनाय फेदेरनायनि बिबाना बांनायनिफ्राय बांबोगासिनो दं। मानोना बर' रावखौ फोथांनो लाखिनो हायाब्ला बर' रावा बेसेबां गोबाव थांनानै थागोन बेखौ जों साननांगौ जादों। बेनिखायनो जों बर' थुनलाइखौ जौगा होब्लासो, बर' थुनलाइनि मान दान्दाखौ फोलावबासो बर' राव आरो बर' माहारिखौ जौगाहोनाय राव आरो जौगानाय माहारि होनना जों गुबुन गुबुन माहारिनो सिगांआव फोरमायनो हागोन।

बर' थुनलाइनि फोथारखौ दावगादों होन्ना बुंनो हाया, नाथाय जों गासै बर' फरायसाफोरा बर' थुनलाइखौ सिबियाबा एबा जौगानायाव मदद होयाब्ला, दावगासारनाय एबा दावगाफुंजोबना थुनलाइनि महराव लाबोनो हानाय नझ। आमेरिकायाव थाग्रा आइजाक सिंगारा सा इउरपनि मोजोमसेल' इहुदिफोरनि गेजेराव

सोलिनाय, राइन, उपत्यकानि जामनि रावसा स्ल'भानिक राव आरो हिब्रु रावनि गलाय गथायाव सोमजिनाय गोथै राव (Dead language) यिदिस रावजों खन्थाइ, रायथाइ, सावरायथाइ, लिरबिदां, सल', सल'मा लिरनानै नबेल बान्था मोननो हादों। बेबादिनो इयुन जोलै बर' फरायसुला-फरायसुलि बिथांमोना बर' रावजों खन्थाइ, रायथाइ, सावरायथाइ लिरबिदां, सल', सल'मा लिरोब्लासो बर' थुनलाइखौ जौगाखां होनो हागोन। बेनिखायनो इयुन जोलै बर' फरायसाफोरखौ बर' थुनलाइ जौगानायाव मदद होनो आरो मान दान्दाखौ जौगाहोनो खावलायनाय जाबाय।

बोसोरारि लाइसि 38थि बिसान 'अनजिमा' खौ गाब-गोनां दिहुन्नायाव मदद होनाय क'क्राझार सरकारि फरायसालिमा बर' फरायसा थुनलाइ आफादनि थुनलाइ बोसोनगिरि मानगोनां मुस्रि बारहुंखा मुसाहारी, मुस्रि गनेश बर' आरो मुस्रि गौतम मुसाहारी मोननिसिम साबायखर जासिबाय। लोगोसे गिबिनिफ्रायनो मदद होबोबाय थानाय क'क्राझार सरकारि फरायसालिमा बर' फरायसा थुनलाइ आफादनि मानगोनां आफादगिरि ड° बिनय कुमार ब्रह्म, लेडाय आफादगिरि मानगोनां मुस्रिमा अनजालि बसुमतारी मोननिसिमबो गोसो गोर्बोनि साबायखर जासिबाय। जोबथारनायाव आरोबाव क'क्राझार

सरकारि फरायसालिमानि गासैबो  
फरायसाफोरनिसिम गोसो गोर्बोनि साबायखर  
जासिबाय । लोगोसे बे लाइसिखौ एसेल 'समनि  
गेजेराव सेबखांनानै हरनायनि थाखाय क 'क्राझारनि

माइदां अफसेट प्रिन्टार्सनि बिगोमा आरो  
मावथिफोरनिसिम गोसो गोर्बोनिफ्राय साबायखर  
बाउनाय जाबाय आरो आंनि गाहाइ सुजुगिरिनि  
रेबगनखौ एसेयावनो फोजोबनाय जाबाय ।

॥ गोजोन्थों ॥

बर' राव - गेवलांथों

अनजिमा - जिउ लावथों

क 'क्राझार सरकारि फरायसालिमा बर' फरायसा थुनलाइ आफाद - जिउ लावथों ।

जोंसार अवारि

गाहाइ सुजुगिरि

दिहुनगा 38थि बिसान

कःसःफःबःफः थुःआः

## नाइखां बिलाइ

	आयदा	लिसगिरि	बिलाइ
1.	थेबगां अजा	रिन्दावश्री नार्जारी	1
2.	फान्जारीनि दाव	गंगा बसुमतारी	5
3.	जिउनि राहा दानायाव सोलो फेहेरनायनि गोनांथि	बुहुम गयारी	8
4.	मिजिंनि इसारा	कैलाश नन्द ब्रह्म	11
5.	बालाबगासे खन्थाइ Debilina नि मुडव	देबिका बर'	12
6.	सोर नों अनजालि	सोरां ब्रह्म	14
7.	जाखांदो बर' फिसाफोर	भुजालि बरगयारी	14
8.	आइनि सिग्लाबनाय मोदै	समाइना बसुमतारी	15
9.	बर' हारि	रेमना नार्जारी	15
10.	मोजां मोन्नायनि फिथिखा	गोजोर कु. ब्रह्म	16
11.	बर'नि आर'नाइ	गोजोन बसुमतारी	17
12.	खोमसि जोमै	प्रनामी राणी ब्रह्म	17
13.	दोंबा लिमारिक	समल मसाहारी	18
14.	दावसा मावरिया	हिरेम्ब बसुमतारी	19
15.	सिमां	सानसोरां ब्रह्म	20
16.	सिमांनि अनजालि	बिलिफां दैमारी	21
17.	सेवालि बिबार	खोरोमसात ब्रह्म	21
18.	आंखौ मिथिया नों मानो ?	कनिका हाज'वारी	22
19.	निजोम हराव	बिलिफां ब्रह्म	23
20.	मुगैजानायानो आंनि बोर	उदांश्री ब्रह्म	24
21.	बै हायेनाव	बिदांसि हाज'वारी	25
22.	आंनि जिउनि थांखि	धनेश्वर नार्जारी	25

## आयदा

## लिरगिरि

## बिलाइ

23.	आय' सिख्रि-सिख्ला	फुलुं बसुमतारी	26
24.	जिउनि लामायाव	मिजिं नार्जारी	27
25.	बर'	बुहुम बसुमतारी	28
26.	गोरबोनि जांख्लायाव आंनि जिउ सायखं	सनाली बसुमतारी	29
27.	मानो ?	फुंबिलि नार्जारी	30
28.	आथिखाल बर'नि सोलोंथाइ आरो समाजारि बिथिं	ब्रजेन्द्र कु. ब्रह्म	31
29.	बर'नि दानाय-लुनाय आरो हारिमु	खनगिरि बरगयारी	42
30.	गोदान थुनलाइ सावरायनाय नोजोरजों कातिन्द्र सोरगियारिनि सानमोखाडारि लामाजों	फुकन चन्द्र बसुमतारी	43
31.	लाइमोन सम आरो बेनि बाहायथि	बिलिफां महिलारी	52
32.	नारजि कारि	तमसिं ब्रह्म	55
33.	गोजोन सुदेम	आलारी बसुमतारी	58





## थेबगां अजा

रिन्दावश्री नार्जारी,  
बेंतल फरायसालिमा

बुरै..... ओइ बुरै....

गामा खालिनि बायदि दिनैबो थेबगां अजाया फानबारि गामिनिफ्राय नखरनि सामानि होना दासो सौफैदों गावनि न'। साइकेल बोरायखौ बाज्रेथ-बाथेथ नारै नारै।

बबेनिफ्राइबा जौ फेना फैबाथाय थेबगां अजाया सानबाबो हरबाबो गावनि बिसि लुदुरगेखौ लामा ससेनिफ्राइनो गाबज्रि हरनाय हुदाया दंखासै। थामहिनबा बिबदिया थेबगां अजानि रुथिनखासै। दिनैबो बियो गावनि बिसि लुदुरगेखौ लांगोना मोनमारनो गाबज्रि हरदों।

सिजौगुरि। खोनाब्लानो एबा मोनथिब्लानो हमनो हाखागोन थेबगां अजानि गामिया बाथौआरिफोर होनना। नंमारगौ थारलायैनो बाथौआरिफोर। सम बोथोर गामियारि फुजा, नखरनि फुजा होनोब्लाथाय बे थेबगां अजा नंडाब्लानो जाथारलिया होनजासै। मानोना थेबगां अजानि खाथि खाला गामिफोराव रावबो अजा गैलिया। नखरफोराव फुजा फानि होनोब्लाथाय थारलायै थेबगां अजाखौनो होसो बोयो। थेबगां

अजायाबो आ होननाय गैया। रावनिबो रावजोंबो गाज्रि मोनजानाय आखलखौ मावनो हाया। सम बोथोरजों लोगोसे थेबगां अजानि गामि सिजौगुरि आबो फारि-फारि नखर-नखर सालामि फुजा होनाय जायो बेनि दायथ'आ थेबगां अजायानो लानांगौ।

फुजा फानि सम बोथोर फैयिनि दान मोनथाम मोनब्रै सिगां सिगांनो रादाय खाहै खायाबा थेबगां अजाखौ मोननांगौआ गोब्राबखा। मास मोनसे एबा दान मोनसे दान खावसे अक्ट' लानानैथ' दा थांखा थेबगां अजाखौ रादाय एबा जबान खानाय थाखायो। माब्लाबा माब्लाबाथ थेबगां अजाया दान मोनसे खावसे न'आवनो फैनो मोना बेनावबा बेनाव फुजा फानि होयै होयै। सिबाय थेबगां बेसेबां दाहा फिसा गैजायि। गावनि थेलेब लेब संसारखौ बेजोंनो बारहो हरनांगौ एबा सोलिनांगौ। थेवबो थेबगां अजाया दाहा गैयि बायदि उदां गोसो। गोदोनि मायनारायाव फास बांद्राय रेंद्रायि बुंबाबो बुंद्रायनाय जानाय नडा बिमा बिफा थैजानाय गोलो लोगोनो थेबगांनि

फरायनाया आद्रा जानाडे। बिबैयासो फेदेरो फोलोवो। बिबैजों मुलि देबाय देबाय हाग्रानि बिफां लाइफांनि मुलि नागिरफा नागिरफा थेबगाडबो रोंफाबोदों बिबौ बिबैनि उन-उन। बेनिफ्रायनो दिनै ओंखारदाव गाबोन ओंखारदाव जाबायै-जाबायै आथिखालाव बयजोंबो मिथि जासै थेबगां अजा महरै।

दिनैबो दासो सौफैदों थेबगां अजाया गावनि नआव हर थौलायनानै। गामा खालिनिफ्राय एसे बारासिन जाबोदों थेबगां अजाया। गावनि बोराय साइकेलखौ खुनु रुखुम इनजुराव सोनारना गावहा खामसालियाव खुग्लुबसोना थानांबाय। बिसि लुदुरगेयाबो मालाय हिनजावफोर बायदि नड। मोजांबाबो गाज्रिबाबो गावनि फिसाय। बोखांना लाना बस्था बना नडबा दारहा बना फुथुहैयो। गुबुन हिनजावफ्राथ' जौ फेनाय मानसिखौलाय मा जाखा बायदों होनना थागौमोन। गाव लोंसोदों गाव थेला मोन्दों होनना थागौमोन। नाथाय थेबगां अजानि बिसि लुदुरगेया बिबदि नड। एकम्बा फंनैल' बुडे औरै होनना दा मानोथो एफाग्राब लोंनांगौ होननानै। गुबुन हिनजावफोर बायदिबो खुगा दं होननानै रायलाबाया गावनि फिसायखौ।

हर गेजेर। मोगासे मोनबायमोन लुदुरगेया। नाथाय फिसाय थेबगाड गोदो गोदो उन्दुलांदों। एबो गैया उबो गैया। सिलहायाव सानैसोनि रायलायनाय राव आरो खोनाफा माबा

गावनि फिसायखौ गाबज्रिनाय राव-

“आदै..... ओइ आदै .....

“आयं ..... ओइ आयं.....

जानांगौ बिबथै आरो बिमायं सोमोन्दो जानाय गाबज्रिदों। लुदुरगेया खनसे खोनासंबावनो नाजादोंमोन, नंमारगौ सितलायाव सोरबा गाबज्रि मारदों। बे एखे रावखौनो खोनामार फिनबावदों। न' सिंनिफ्राय राव हरफिन्दों लुदुरगेया-

“सोर जाखो ? सोरखौ नांगौ .....

“जोंसो मादै। मैनागुरिनि।”

बे समावनो मोले ले जोंनाय लेमखौ स्रां खालामना दर खेवना ओंखार बोयो लुदुरगेया। नंमारगौ मैनागुरिनो सिनाय मारबाय लुदुरगेयाबो। फारि फारि खोनथा जोबनायसै जाहोनखौ। फिसाय थेबगांखौ साइकेलाव दैखोना लाना थानायसै। गावनि बोराय जलंगाखौ फाप्लिआव हरना मोना गुना। रायलाय रायलाय माब्लानो सौहैनायसै।

महन माहाजोननि न'। सिथलायाव गोबां सुबुं जिरायना दं आरो सिंडाव सोरबा खेंखायगासिनो खाबखाब गासिनो आयदै..... आयदै..... होनै होनै। थेबगां अजाखौ मोनफैनाय लोगो लोगो महन माहाजोना गावनि फिसालाया जानाय जाथायखौ खोनथाना बोराय बाथौखौ रायस्रानो खावलायबाय। बोराय बाथौआ बोराबदों खोमा होननानै। थेबगां आजायाबो नांगौ जिरादफोरखौ बिहरनानै आयथि आखाय सुस्रानानै

लथायाव दैसान्थि थुलुसि दालायसे मायरं गरबा सोनानै बोराय बाथौनि थानसालि मोखाडव जस्लं जस्लं रायस्रंनायसै । नआव सौफैफिनब्ला सोरांनो बारा गैलामोन जानांगौ । आन्दासाव सोरांनि इसारा होग्रा दावज्लाया घन्टा बुनो बारा गोबाव गैलामोन जानांगौ ।

अखा नायै मैनागुरि गामियाव दावराव । बयनिबो खुगायाव थेबगां अजाया महन माहाजोननि फिसालाखौ सायनानै जाबाय, थेबगां अजाया दायनासो । बेयो मोजां अजा नड । बेखौ बिसार खालामना बुथार नांगौ बायदि बायदि रावा बैनि खुगा बैनि खुगा बास्लाय बास्लाय खाथि खालानि गामिफोराव बास्लाय बोना सिजौ गुरियावबो गोसार फैबाय । बाश्राया लुदुरगेनि खोमायावबो हाबफैबाय । खोनानाय लोगो लोगो लुदुरगेनि खोमोनफोरा गसंख्रां जोबबाय । बाश्राया थेबगांनि खोमायावबो नांबाय दुखुबो मोन्दों थेबगांआ गावखौ दायना साजायनायनि । लोगोसे थेबगां अजाखौ बिजिरगोन होनना खोनानायावबो गोसोआ एसे मोजां मोन्दों हुरा हुरा रागाबो जोंदों मानो बिजिद जानांगौ आंलाय औरैनो होनना ।

सानसु सम । गामिनि फाखि बिफां सिडव सिजौगुरि आरो मैनागुरिनि सुबुं ज 'ज' । जाहोना थेबगां अजाया महन माहाजोननि फिसालाखौ रायना जानायनि बिसार । बिसार सामलायनो थाखाय ABSU नि आफादगिरि ABWWF नि आफादगिरि आरो आइजो अनसाय आफादिनि

रोंगोथि गोनां आरो गोबां मेलेम जिबि सुबुंफोर । मेला जागायलांबाय आरो बिजिर बिजिर मोनबाय ।

ABSU नि आफादगिरिया राइजोफोरनि सिगांडव बुंथिना होयो- सिबिनां राइजोफोर-जोंनि बर' माहारियाव दासिमबो खोमसि फोथायनाय दंबावो । महन माहाजोननि गथ'आ औरैनो थैआखै डक्टरआ खोन्थाहरदों- सिगां बियो हसटेलाव थाबा गोबां द्रागसजों गेलेयोमोन जाउनाव बिनि अंग'फोरा सेवलांबायमोन आरो बेखौ फोथांना लाखिनाया गोब्राबखासैमोननो । मैया मोनायाव थैबाय बे गथ'आ । नाथाय दुखु नांथाव गामियारिनि साय सालामि फुजा होग्रा समाजनि सुबुंखौ दायना होनना साननाया । राइजोफोर दायना गैया, मानसिया बान हरनानै बुथारनो हाया । दायनाया मानसि जायो होननाया गोरान्थि । बेयो खोमसि फोथायनाय । बेयो गाव गावनि गोसोआव सानना लानायसो बेनिफ्राय उदां जानाया मोजां राइजो राजाफोर । बिथांनि उनाव फारि फारि बिबुंथि लाखि लाडे ।

जोबथारनायाव बर' साहित्य सभानि आफादगिरिया लासै सिखारना बुंबावो- राइजोफोर नोंसोर मिथिगौना आसाम सरकारा दायना दायनि बाथुरनायखौ खोमसि फोथायना होनना फोसावबाय । मानोना बियो खोमसि फोथायनायसो । जायनो दायना दायनि साजायना बुथारो बेखौनो 7 बोसोर जेल जानायजों लोगोसे

5 लाख रां जुरिमाना फोनांसिगोन होनना फोसावबाय । बेल' नड जायनो बेबायदि आइन आब्रुथिखौ सोलिया बालानो बेबायदि अगेन हाबाखौ मावोबा 302 आइनजों बिजिरना साजा होगोन होननावो फोसावो । बर' हारिया दासिमबो वे खान्थिनिफ्राय जानगाराव थानो हायाखै । बेनिखायनो राइजो राजाफोर गावजोंगाव खोमसि फोथायनाय लानो नड । मदद होलायनांगौ ।

बिसार जोबनायनि सिगां थेबगांखौ थांखिना सिजौगुरि गामिनि गावबुराया सोडे-थेबगां दा नों मा खालामनो अजा जानायखौ नागारनो ना नागारा ? बिबदिनो होननाय लोगो थेबगाड सान्दों अजाखौ नागारबा जौ बेदरा गोमागोन नागाराबाबो गिनांगौ । गोसोआवल' सानना थाबाय..... समासो मिथि होसिगोन थेबगांआ मा बिजिरथाय होयो..... ।

। जोबबाय ।

ना:गो: खुंगा 34थि ईसान मोसाहारी गोसोखां सान फालिनायाव गावनो सुजुनाय सुंद' सल' लिरनाय बादायनायाव 1थि बान्था मोननाय ।





## फान्जारीनि दाव

गंगा बसुमतारी  
बिजनी फरायसालिमा

“बिबारि...ओइ बिबारि- सिथ्लाया सिबखांदोंना सिबखाडखै”?

“र’ आब ख’ना फारसे दंबाउओ। सिबखांनोसै।”

“दे थाब सिबनानै थोरसि लथाफोरखौबो थाबथां थिबथिं सुखादो दा बाबुआ सिखारबा हास्लाबनाय नड।”

-जागोन दे आब’। हंला माहाजोननि बिसि गालिया बेरे फुंजानि बारान्दानि सियारआव जिरायना आयना नायना खानाइ खान्नाइ फानैनो बखाली गथ’ बिबारिखौ खामानि फाथायगासिनो दं। बिबारीया हाखा दावरा सिबनानै हासिबखौ ख’ना फारसेथिं दोननानै ओंखाम संग्रा न’आव हाबना थोरसि लथाफोरखौ दैखरआव लाबोनानै मानजिनो लाबाय। बे समआवनो आरोबाउ गालिया बिबारीखौ गाबजिख्राव हरबाउबाय- “बिबारी बिबारी ..... लाइफैदो मानसिया सिरि मोनबाय।”

“र’ आब थोरसि सुखाडखैमोन।”

“बिख्लो रोजाया। गथ’ गाबनाया नॉनि

र’खौ नेयो नामा। लाइफै माबार सखि सानिफ्राइ गोल्गैगोन।” गावहा बिदि बुंना सियारआव गेम जिरायनानै थाबाय थाबाय गथ’ गाबनायखौ खोनानानैबो खोनायै बायदि। बिबारिया हाखु- दाखु आखाइखौ बालथिंनि दैजों सुनानै गथ’खौ बिसिनानिफ्राइ बामखांनानै लाइबाय। नाथाइ गथ’आ बोखांनानै लाबोबाबो सिरि थायाखिसै। सिखारनानै मुजि बायै गथ’आ बिमाखौ नागिरनानै एमब्रा एमब्रा बारासिनसो गाबनो हमबाय “फाग्लि बखालीयानो बिदि जाबाय, गथ’ बुरखाइनो रोड। नोमा नोमफाया बेथन लांनोबासो सिगां सिगां फैयो। मोनजारोडैनि जाथ। लाबो आहार दौनां।” बिबारिया गिबांसिननै गालिनि खाथियाव थांनानै गथ’खौ एंनानै हैबाय। सिबाइ 13 बोसोरनि जेबो बुजिस्लाबनो रोडै उन्दै गथ’ बिबारिया गालिनि बिदि बुंनाइ रावखौ खोनानानै उसुं ख’ना फारसे थांनानै थाहैथ’बाइ। उन्दै समनिफ्राइनो बुंनो थाडोब्ला दिनै बैसोआव उन्दैब्लाबो मावनाइ दांनानै आव उन्दै नंला। गाव थाबोनाइ माहाजोनफोरनाव गथ’ बानायजों

लोगोसे सिथ्ला सिबनाइ, थोरसि लथा सुनाइ, मैगं हानाय बायदि बायदि खामानिफोरखौ मावबोनांदों बिबारिया। दिनै बियो जेबो रेंथारै बखाली गथ' नंलिया। हंला माहाजोननि नखरावबो बे एखे खामानिखौनो मावफैनांदो बिबारिया गथ' बानायजों लोगोसेनो दावखि दन्द्रा सिनायनिफ्राइ लानानै गुबुन गुबुन खामानिफोरखौ। बेफोर खामानिफोरा बिबारीनि थाखाइ दिनै जेबो गिदिर खामानि नंला। नाथाइ गिदिर बाथ्राया जाबाय हंला माहाजोननि बिसि गालिनि सहायथावै खाब्रां-खाथां जेब्लाबो नंनाइआवबो नडैआवबो जानाइआवबो जायैआवबो गाज्रि गाज्रि राव बुंनानै रायखावबाइ थानाइआसो। बिबारिया सम सम गाबखोमा बायदों सिरि सिरि। बिबारिनि गोरलै गोसोआव साननाइ सोमजिदों। “आय' गलाम बैनायआ बेखौसो बुडे नामा?” सान्दों बियो गावदि एसेबां माहाजोनफोरनाव बखाली बैबोबाइ नाथाइ गाव थाबोनाइ बैफोर माहाजोफोरनिफ्राइ नैबे दा थानाइ माहाजोननि आखलआ जुदाथार। खुगायाबो लागाम गैथारा। एसे दाइ मोनबानो गाज्रि गाज्रि राव बुंनानै रायो.... सोनखारीयो।

“बिबारि, बिबारि- । गालिया बखालिखौ गाबज्रिहरो। नाथाइ उसुं ख'नायाव थानानै गावनि जिउनि बायदिसिना बाथ्रा सानहाबबाय थानाय बिबारिया गावखौ गाबज्रि हरनायखौ थाल मोनाखै।

“हा बबाउ थांखोसै बेलाइ। बिबारि नै जाखांबाइ लांफैदो।” खेबनै खेबथाम गाबज्रिबाबो बिबारिया सेडैआव गालिया रागा जोंखाउना आरोबाव होसिखाव सिनो-

“ओइ खोमा रोजा माथा फाग्ली बबे नोम्फानि खर'आव मा खालामहैखो, एसेबो खोनालायै।”

बे बारावसो बिबारिया गालिनि रावखौ खोनानै उसुं ख'नानिफ्राइ हाखु दाखु खारबोनानै गथ'खौ लाफैयो।

“- थां लामाथि दसे लांखार हैथ'।”

“- दे आब'।” “बिबारिया गथ'खौ बानानै लांगोना फारसे दैबाय हैयो। नै बेसोरनि सख्त' बख्त' देरबोनो लानाइ हौवासा गथ'खौ बिखुंआव लेर लेर बानानै अम्बासि मोखांजों न' सेरनि उदां फोथार फारसे नायहरदों बिबारीया।

थेबगां आरो सोमस्रिनि फिसाजो बिबारि। थेबगांआ नेहाद गलाम आरो जौ फाग्ला। जौ लोडै लोडैनो नआव जा एसे हा-हुफोर दंमोन गासैखौबो फानजोबना दा उन्दै उन्दै फिसाजो सानै मोनबारी आरो बिबारिखौ मालाइफोरनाव बखाली दोनै दोनै जायो थेबगांआ। सामफ्रामबो अखा नायब्लानो जौजों थाग्रा जेबगांआ माहाजोनफोरनाव बेथन जाग्रोखानानै फिसाजोफोरखौ थाहैनो गोसो गैथारैखौनो बखाली दोनहरदों। बिसि सोमस्रिआ जेबो राहा नागिरनानै मोनैआव गोसो गैयाब्लाबो जाखानाय दाहारखौ

सुख 'नो उन्दै उन्दै फिसाफोरखौ मालाइनि गलाम  
 बैहोनांदों । जाय समआव गुबुन गथ 'फोरा  
 बिखुंआव बेक बानानै स्कुलआव थाडे नाथाइ  
 बे समआव बिबारिया लेर लेर बिखुंआव गथ'  
 बानानै लानांगौ । आरो जाइ फुं आरो मोनाबिलि  
 समआव गुबुन गथ 'फोरा खाता फावथेन लानानै  
 लेखा फरायो बे समआव बिबारिया थोरसि सुनांगौ  
 सिलहा सिबनांगौ । हाय..... !! बिबारिनि  
 खाफालआ बेनो नामा ?? बिबारिया दिनै सोरखौ  
 दुसिनो गावनि खाफालखौ ?? ना बिमा-

बिफाखौ ?? बियो दिनै हंला आरो गालिनि  
 बान्दि । बिफा थेबगांनि जाखांनाय दाहारखौ  
 सुख 'नो दिनै बिबारिया बखाली बैनांदों । बियो  
 दिनै फान्जारीनि मासे दाव । जाय दावआ उदां  
 अखोरांआव उदाडै बिबबायनो राहा गैया । जाय  
 दावआ अराइसम फानजारीआव जोबजानानै  
 थानांगौ । बेनिफ्राइ बेहा बारगनायनि जेबो  
 राहायानो गैया । जेब्लासिम बिफानि जाखानाय  
 दाहारखौ सुख 'नायनि सम जाया अब्लासिम  
 बिबारिया हंला आरो गालिनि फान्जारीनिफ्राइ  
 बारग 'नो राहा गैया ।

ना:गो: खुंगा 34थि ईसान मोसाहारी गोसोखां सान फालिनायाव गावनो सुजुनाय  
 सुंद' सल' लिरनाय बादायनायाव 2थि बान्था मोननाय ।

## जिउनि राहा दानायाव सोलो फेहेरनायनि गोनांथि



बुहम गयारी

बेतल फरायसालिमा

सुबुं माहारिया जे समनिफ्राय जिउ खुंनो रोजेनदोंमोन बै समनिफ्रायनो गोबां सोलो आदब खायदा बाहायनानै जिउ राहा दानायाव बाहाय बोदों। आथिखालनि सुबुं माहारियाबो गावनि जिउ राहाखौ माबोरै गोजौ थाखोनि खालामनो हायो बेखौ साननो गोनां बाथ्रा जानानै फैबाय। मानोना साफ्रोमबोनि जिउ खुंनायाव सोलो फेहेरनानै लानाया गोनांथार आथिखालनि सुबुं माहारिखौ जिउ खुंनायाव सोलो खांथि बाहायनाय नुनो मोनसै।

आथिखालनि Science and Technology मुगायाव साफ्रोमबो सुबुं माहारियाबो साफा साफा सुबुंसम्फद। गावनि रोंगौथि आरो सोलौनानै मोननाय गियान आरो आदब खायदाजों गावनि इयुन जिउखौ दानायाव सोलो बांहोनाय आरो फेहेरनानै लानाया साफ्रोमबो सुबुं माहारिनि जोबोद गोनांथि जानानै फैबाय। गावबा गावनि जिउ राहाखौ दानानै लानाया गावनिनो मावनो गोनां हाबा। मा सोलो बाहायब्ला एबा नागिरबा

फेहेरनानै लाबा नौनि जिउ राहाया गोजों जागोन। सोलोखौ सुबुं माहारियाव पण्डितफोरा सुबुंखौ मोनब्रै खांथिजों सोमोन्दो गोनां होन्ना फोरमायो।

- (1) उन्दै सम (Infancy)
- (2) गथ 'सा सम (Childhood)
- (3) लाइमोन सम (Adolence)
- (4) बोराय सम (Maturity)

जौनि जिउ राहा दानायाव नों सासे सुबुं सम्फद जाबायब्ला नोंहा गिदिर बिबान दं होनना गोसोआव लाखादो। नौनि जिउखौ नौनो दानानै लानाया नौनिनो मावनांगौ बिबानखा। थेवबो नौनि जिउखौ दाना लानायाव नोंहा माखासे सोलो फेहेरनानै बा बुथुमनानै लानांगोन। साननो गोनां बाथ्रा- नों सोलोखौ माबोरै जिउ दानायाव फेहेरनो आरो बुथुमनो एबा माबोरै सोलोखौ मोननो। सौलु सिखारदों नंडना। गाहायाव जिउ राहा दानायाव सोलो फेहेरनायनि मोनथाम गोनां खांथि होनाय जाबाय-

1. बिमा बिफानिफ्राइ एबा नखरनिफ्राइ मोन्नाय सोलो ।
2. गावनो गाव आरजिना लानाय सोलो ।
3. गुबुननिफ्राइ एबा मिथिंगानिफ्राइ मोननाय सोलो ।

सेथियाव, नखर एबा बिमा बिफानिफ्राय मोननाय सोलोआबो मोनसे जोनोमजों मोननाय सोलो खान्थि । बिमाया नोंखौ आहार दौनानै फेदेरो फोलावो आरो उनाव गेदेर गोलाव खालामो आरो नोंखौ सासे सोलो गोनां सुबुं जाजानो लुबैनानै सोलोंथाइ (Education) थिलियाव गियान आरो सोलो सोनो थाखाय क, ख, ग, आरो से, नै, थाम, फोरोंनानै बिमा बिफाया गिबि सुबुंनो सोलो आरो इयुनाव गावनि जिउ राहाखौ दानायनि सोलोखौ आरो गियान आदब खायदाखौ लामा दिन्थिना होजेनो ।

नैथियाव, नों सासे सुबुं सुम्फद महरै बे संसाराव गावनो गाव गावनि जिउखौ फसंनानै लानाया गावनि मोनसे गिदिर मावनो गोनां हाबाखा । नोंनि जिउ राहाया मा बायदि जिउ थासारिजों आगान सुरगासिनो नों बेखौ हमादांनो मोन्नो आरो नोंनि जिउ दावहायाव माबोरै देरहासाथनि गोदै बिदै मोनलोंगोन नों सोलो खान्थि नागिरना लानांगोन । जाहाथे नों इयुनाव गोदाव सोराव जिउ दावहायाव बुसोम जानाड । थेवबो नों गावनि जिउ राहाखौ दानानै गोजोन

गुसु सुदेम बार बारहोना लानांगोन । इंराजिआव फंसे बाथ्रा दं- Failure is the Failure of Success थामहिनबा जेननायासो जुफुंसारनायखौ सुफुंग्रा । गमामायै बाथ्राया नंखाय नंमारा मोनसे जेन्नाया मोनसे बेराम बारनायनि थुलुंगा । मानोना बबेबा मोनसे सोलो जों माबामोनसे खामानि मावनो थांनायाव फेलें जायोब्ला आरो गुबुन मोनसे सोलो गागिरना लानांभावगोन । बिबादि होननानै गाज्जि सोलोखौ बाहायनाया मोजां नड मानोना सोलोआ मोननै बाहागोनि जेरै-

(क) मोजां सोलों आरो (ख) गाज्जि सोलो । आथिखालाव गियान थाबाबो जिउ राहा दानायाव सोलोनिबो गोनांथि- जाबाय । बिनिखायनो सोलो फेहेरनानै लानाया जोबोद गोनां ।

थामथिआव, गावखौ सासे सोद्रोम समाजाव मिथि जोनो लुबैबायबा एबा साफ्रोमबो सुबुडानो गावबा गाव जिउ राहा दानो थाखाय गोबां सोलो मोनाखैबा नोंनि जिउ राहा दानायाव नों गुबुननि जिउ राहा लामा आरो आबहावाखौ नायनानै आगान सुरफाना बैसोरनि सोलो आदब खायदाखौ सोलोंनांगोन ।

सुबुंनि जिउआ जोबोद बेसेन गोनां । साफ्रोमबो सुबुं माहारिया आथिखालनि सुबुं सम्फद । बिनिखायनो आथिखालाव गावखौ फसंन एबा गावनि जिउ राहाखौ दानायाव माखासे

सोलो फेहेरनानै लानाया गोनांथार बिबान ।  
आधिखालनि Globalization आव Science  
and Technology बादाय लायनायनि मुगायाव  
ओरैनो समखौ हगारना लानाया जोबनो गोयै  
खहा । गावनि जिउखौ गावनो दानो सोलोंनांगोन ।

मानोना नोंहा नोंनि जिउ राहाखौ दानानै लानांगोन  
सोलो नागिरनानैबाबो । बिनिखायनो साफ्रोमबो  
सुबुडनो गावनि जिउ राहाखौ दानायाव सोलो  
फेहेरनानै लानाया गोनांथार ।

ना:गो: खुंगा 34थि ईसान मुसाहारी गोसोखां सान फालिनायाव गावनो सुजुनाय  
रनसाय लिरनाय बादायनायाव 1थि बान्था मोननाय ।

## मिजिंनि इसारा

कैलाश नन्द ब्रह्म

बड'फा इउ.एन. ब्रह्म फरायसालिमा,  
दतमा

फैलाव अखोरां बिखायाव  
लाइमोन हाथासि जोमैफोरा  
बोदोरबावलि, बेसे रंगिना  
गावजों गाव होसोलायदों,  
मोसादों बिसोर लाथिख 'याव  
हाइला-हुइला, मिनि-रंजा  
खोनानो मोनै देंखो हगारनानै ।  
हरखाब आंनि गोरबोयावबो -  
मिजिंनि इसारा र 'जेनि!  
बैसागुनि मिलौदो हांख्राइनाय,  
बोसोर गोदान, बोथोर गोदाननि ।  
बैसागुनि लोमसावनाय बानायाव -  
र 'जेनिसिम थांनो हाया जायो !  
दैसानि हरै बारै ।  
हाबिलानि जाइराबसे आन्दोयाव,  
सानबोलावरिनि मोजोमसे हनथायाव  
हगारबाय आं दुखुनि देंखो ।  
हाब्रां सेरनि खासि बिबारा  
मोसायाखिसै आय' ग 'मामा

आंनि बे दुखुनि देंखोयाव ।  
दुखुनि बे थरायनाय गाराड  
थारैनो नॉनिसिम थाडखिसै रजे  
दैसानि हरै मारुआव ।  
संगालि बेमाया फुदुंदों -  
जोहोलावनि थै आंनि,  
फायखनदों आखाय गले-गले  
लोगोयाव थांफानो गावजों ।  
नाथाय फैमाल, गोरान्थि सैथोनि  
सैथोया जुगामि बिदिन्थानि ।  
बुब्लिनि नाथ्रोदनायाव,  
बिदिन्थानि थिननायाव -  
उनफिनबाय आंगो देरायाव -  
लानानै गोसोयाव खालिबोल'  
मिजिंनि इसारा गोरबोयाव ।  
दैसा सेरनि अनथाइ थाफाया  
आंखौ मेहेरना खावलाइदों,  
उन बुब्लिखौ नेनाइनि  
रजेनि फिन हांख्राइनाइ ।।।

ना.गोनां : खुंगा 34थि ईसान मोसाहारी गोसोखां सान फालिनायाव 1थि बान्था मोननाय ।

## बालाबगासे खन्थाइ Debilina नि मुडव

देबिका बर'

क 'क्राझार सरकारि फरायसालिमा

बालाबगासे खन्थाइ नॉनि मुंआव

Debilina नॉनि मुंआव;

आंनि मोदोम, सोलेर, बेगें, जिउमा,  
मेलेम, हां, गासैबो नॉनि

Debilina गासैबो नॉनि .... ।

हां सरथेफैयो नॉ गलांनायाव

मोदोम, सोलेर, बेगें, जिउमा,  
गासिबो ज्रय सिरिलाडे

फुंबिलिनि सेफालि बिबार बायदि ।

नॉ जायखारलांनायाव

मेलेम आंनि

बुधुवा जालांबाय Debilina

थोर-थोर खमफियो

आंनि रेबगना

नॉनि अन्नाय मोनैयाव .... ।

जिउनि मोनफ्रोमबो बुब्बियाव

नॉखौ गोसोखांथिफ्रा

स 'ल-स 'ल बोहैबोयो

मेगननि मोदैजों .... ।

मोदै नड बे Debilina

आंनि गोरबोनि थैसो ।

सोरगोनि अपस 'रा नॉ

गोरबोखौ आंनि खामग्लि होयो

दोहो दोहो .....

बिबारनि राणी नॉ

मुहिहाब होयो

आंनि जिउ सोलेरखौ ... ।

सोरगोनि दाहा बिदांखौ

गोरबोआव लुसुम हरनानै

नॉ बहा बिरलांखो Debilina ?

नॉ बहा बिरलांखो ?

मा फाव, मा थांखि,

बे नॉनि.... ?

गोलोम बोथोरनि खामग्लिनाय सान्दुं

आरो थोर-थोर खम्फिनाय

गोजां बोथोरनि रोजा खुवाखौ

एब्रे-एब्रे आं नॉखौ

नागिरबायो Debilina

आं नॉखौ नागिरबायो..... ।



जिजिरि दैसानि बालाबारियाव  
 नुदोंमोन आं नोंनि आगान  
 फैयै-फैयै गोमाफैबाय  
 फुथिमरि दैसानि गाथोन सेराव  
 बे मा फाव Debilina ?  
 बे नोंनि मा फाव ?  
 आहार जाज्लिंनाय गथ' गोरलैबायदि  
 हाजासे सोगाबबाय  
 नों आंखौ .....,  
 दोहो दोहो खामगिल  
 होबाय आंनि  
 गोरबो बिखाखौ ।

Debilina..... !

खामगिलनाय सोलेरखौ लानानै  
 आं दिनैबो नोंखौ नागिरो ....  
 बे फैलाउ गुवार बिखानि बालाबारियाव,  
 खिजानि फिन खेबसेबाव  
 आं नोंखौ लोगो मोनफिनो.....

▲ ▲ ▲

ना.गोनां : खुंगा 34थि ईसान मोसाहारी गोसोखां सान फालिनायाव गावनो नआव सुजुना  
 लाबोनाय खन्थाय बादायलायनायाव 2थि बान्था मोननाय ।

## सोर नों अनजालि

सोरां ब्रह्म  
आरिमु जालिया, नैथि बोसोर

गोसोया हास्थायदों,  
सोंदोंमोन सोर ?  
मिथिनो लुबैनानै ।  
गोसोखांदों सिगांनि जाथायखौ  
जेब्ला नों सोंदोंमोन आंखौ,  
बै सानाव ।  
मा केसेत लादों आदा  
सिनायस्लाबै बुंदोंमोन आं,  
सोर नों अनजालि ?  
लाजिनानै थांदोंमोन सिख्लाया ।  
सान्दोंमोन आं बुंफिननो  
केसेतनि नामखौसो बुंदों  
सोर नों अनजालि ?  
सान्दोंमोन आं लक्षीमा  
गोनो गोथो सोरमोन अब्ला  
सोर ?  
सोर नों अनजालि ?

▲ ▲ ▲

## जाखांदो बर' फिसाफोर

भुजालि बरगयारंग  
आरिमु जेरजालि, 1थि बोसोर

जोंनि बर' हारिनि रंजालु गथफोर  
गावनि हारिखौ गोजौ  
जांख्लायाव दिखांनायनि हाबाया नोंसोरनि  
आथिखालाव सुबुडा गावजों गाव  
एना-एनि जाना सुथुर जालायो ।

बर' हारिनि बर' फिसाफोर  
गोसोखौ दाद खालामना  
सिगांदो नोंसोर आखायाव दाहाल, थुंग्रि लाना  
जोहोलाव आरो जोहोलावजो जाना  
गावनि हारिनि मानखौ लाखिदो ।

जोहोलाव जालिया गथ 'फोर  
समखौ जों नेना थायो  
नाथाय समा जोंखौ नेना थाया  
बोथोरा माला थाडे आरो  
माला फैयो बेखौ जों मिथिस 'वा ।

सुथुरखौ गावनि आंगो खालामना लायोब्ला  
गावनि सानाय जेआवनो गावनो गाब्र 'गोन,  
बेनिखायनो बुंदों दानो जाखांदो  
लैहोर लैहोर बर' फिसाफोर  
गावनि हारिखौ फोथांना लाखिनो ।

## आइनि सिग्लाबनाय मोदै

समायना बसुमतारी  
आरिमु जेरजालि, 1थि बोसोर

आय' अनसुलि बिमा,  
नोंनि गुवार अनसुलि बिखायाव  
जोनोम मोन्नानै जों बर' फिसाफोरा  
अराय गोजोन आइ,  
दुखु दाजासै आइ नों  
मेगनाव नोंनि मोदै दालासै आइ  
नोंनि दुखुखौ जों सहानो हाया आइ  
दागाबसै आइ दागाबसै,  
नों दुखु जायोब्ला जों बर' फिसाफोराबो  
अराय दुखुथिया जागोन आइ।  
दाखाबाय जों आइ नोंनि फालि ....  
एरफबदों जों आगर बर' हारिनि खौसेथिनि  
आरो जौगानायनि।  
नोंनि सिग्लाबनाय मोदैखौ रानहोगोन जों सानसे  
होगोन आइ जों नोंनि मोखाडव मिनिस्तुनाय,  
खुसिजों बुंफबहोगोन नोंनि गोरबोखौ जों आइ।  
दाजासै दुखु आइ, दासुरसै हांमा आइ,  
खालामगोन जों आइ बर' हारिखौ अराय खौसेथि।

▲ ▲ ▲

## बर' हारि

रेमना नार्जारी  
आरिमु जालिया, 1थि फरायसम

सिखारदो दे बर' हारि  
साना ओंखारबाय बहुमा सोरां जाबाय,  
उन्दुबाय थानायनि सम गैला  
फैदो फै गावबागाव हाबाखौ मावहैदोनि।  
हनै मालाय आवगाय लांबाय  
गावबागाव हाबायाव गोसो होबाय,  
जोंल' मानो उन जानो  
थांदोनि माबार बिसोरजों समान।  
थाया जों बिसोरनि उनाव  
थांफागोन जोंबो बिसोरजों लोगोसे,  
सम थानायावनो जों  
मावहैदोनि गावबागावनि हाबा।  
सम थानायावनो जों  
लाखायाब्ला मावनानै हाबाखौ,  
बेलासि समाव  
जिउनि हिसाबा बिदै गला।  
समा रावखौबो नेयैबादि  
गुबुन हारियाबो जोंखौ नेनानै थाया,  
फै बयबो बिदिन्थाजों गोरोबफाना  
गुबुन हारिजों फेर फाथिनि।

▲ ▲ ▲

## मोजां मोन्नायनि फिथिखा

गोजोर कुमार ब्रह्म

(1)

बे बुहुम फैसालियाव,  
भाव दिन्थिनो आगान होनायाव,  
लोगो मोन्दोंमोन आं,  
नोंखौ लामा ससेयाव ।

(2)

दावबायारि जिउनि बे लामायाव,  
जों सानैजों लोगोसे हान्थिनायाव,  
सुजुदोंमोन बेसे मिजिं गोरबोआव  
दिन्थिलांनो बे बुहुम फैसायाव ।

(3)

सानजा अखाडव जोंथिदोंमोन  
जों सानैनि मोजां मोनज्जायनाया,  
बेनिनो गोथार नेरसोनमोन  
जोहोलाव सानजारां आ ।

(4)

बे गुवार संसारनि बालाबारियाव  
जों सानैजों आगान होनायाव,  
बेसेबां रुजु-रुमु, हालो-दैलो,  
जिउखौ बाबेनहोदोंमोन आलो-आलो ।

(5)

जिउनि लामा दथायाव  
नों आंनिफ्राय जानगारलांनायाव,  
हारसिं आं गोदाव-सोराव,  
नागरिबायदोंमोन आं खाराव-माराव ।

(6)

गोरबोनि दाहाया बुखारलांदोंमोन  
बेसेबा गुवार दुखुनि लैथोआव,  
हालाय-हाफाय आं सानसिबायदोंमोन  
गैयामोन गोहो-बोलो गोसोआव ।

(7)

बायग्लिनाय गोरबोनि थुखाया  
बोसोमबोदोंमोन आंखौ  
दुखुनि लैथो सिडव  
अब्बलानो मोनलोंदोंमोन आं  
“मोजां मोन्नायनि फिथिखा” ।

▲ ▲ ▲

## बर'नि आर'नाइ

गोजोन बसुमतारी  
आरिमु जेरजालि, 2थि बोसोर

उजिदोंमोन नों गोथार गोसो  
बर' बिमानि आखाइनिफ्राय  
दाउहारु बर' जोहोलावनि  
गोहोखौ देरगाहोहोनो लोगोसे  
बर' हारिनि मुझिनि सिनायथि होनो ।  
गोमो, गोथां, बाथ'गां  
निला गोजा बायदि बायदि लोगोसे  
आगर, हाजो आगर, दाउथु आगर  
आगर गिदिर, फिसा बायदि बायदिजों  
समायफ्लेनानै अनजालि महर लाना  
बर' हारिजों अराय थाफायो ।  
बर' हारिनि नेरसोनथि महरै  
बर' बिमाजों गोरोबनानै  
बर' हारिनि गुदि महर जानानै  
सिनायथि होयो नों बर' माहारिखौ  
आलासि सिबिनाय, मान होनाय,  
मोसानाय थुनलाइ आरि  
बायदि बायदि हाबायाव बर'नि  
नेरसोनथि महरै थाफायो नों ।  
बर' हारियाव उजिनानै  
बे हारिनि गाहामनि थाखाय  
गोबां हाबा मावबोदोंमोन नों  
दाबो मावबोबाय थादों आरो  
इयुनावबो मावबाय थागोन अराय  
बर'नि आर'नाइ नेरसोनथि महरै ।

▲ ▲ ▲

## खोमसि जोमै

प्रनामी राणी ब्रह्म  
आरिमु जेरजालि, 2थि बोसोर

आंनि दानसोरां गोसो न'खराव  
बबेनिफ्राय फैखो दखरसे गोसोम जोमै  
आं मिथिस्लाब हायै गोसो गोरबोआव  
खोमसि जोमैनि सेर-सेर  
दाउसिन-दाउलाफोरा गाबदों  
हसिखाउ-हसिखाउ रिन्दाव-रिनसि  
गोसोआ आंनि मानोबा गिखांनाय मोन्दों ।  
फागुननि जाउलिया बारा बुखारलांबाय  
आंनि बेसेबा गोबावनिफ्रायनो थिखानाय  
मिजिं स'नानि साननायफोरखौ  
हां खनसेआवनो खालामलांबाय थेर-बेथेर ।  
सान्दोंमोन आं जाउलिया बारा  
जेबो खालामनो हाया  
हान्थासे बोलोजों हामथानो  
नाथाय हायाखिसै आं हमथानो ।  
आंनि सान्नाय गासैबो थाजोबबाय  
गोसोआवल' थैसाम जाना  
जाफुंहोनो हायाखिसै आं  
आंनि मिजिं मोखथां जिउआव  
जानांबाय दिनै आंनि गोसो न'खरा फैमाल ।

▲ ▲ ▲

## दोंबा लिमारिक

समल मसाहारी  
5थि फरायसम

(1)

हाबाब! सोर जाखो नों?  
मा एसे समायना  
मा एसे रमायना  
गावदां अखाफोरनि महरबादि।

(2)

सोर होखो नोंनि बे  
फामि बिबारबादि महरखौ,  
हसारनाय खानाय रुम्बां  
सेफालि बिबारनि मोदोमनाय।

(3)

जावलिया खालामबाय नों आंखौ,  
जेब्लाबो नोजोरा गोग्लैबाय  
अरायबो नोंनि फारसे  
बावनानै थांनाय नंड।

(4)

माब्लाबाबो नों अनजालिखौ,  
लांदां लांदां आंनि गोरबोनि  
लांगोनाया नागिरो  
नोंखौनो अराइ समाव।

(5)

अलंबार हाथरखि बादि  
जोंथि महरनि जोंनानै  
थाबाय थागोन आंनि  
गोरबो गोसोआव।



▲ ▲ ▲

## दावसा मावरिया

हिरेम्बा ब्रह्म  
आरिमु जेरजालि, 2थि बोसोर

रुगुं गैजायै बुहुमाव            दिदोंथि गैयि महराव  
नागिरदोंसै आं दान्दिसेल' साया,  
मेंग्लिनाय सोलेरखौ            गोख्रों खालामफिननोल'  
दान्दिसेल' समनि सुदेम सायाजों ।  
रोमै बेरखाडे गोसोआव            नुजानाय बै दुब्लियाव  
आंनि जिउनि दिन्थिनाय थार महर,  
थाइनै मेगनखौ फेदेरना            अननाय गुनखौ नेवसिदों  
सोरगिदिं थारखौनो मोन्दोंसै ।  
थाद'नाय गैयि सुसिदों            मोनथाइखौ सेख'ना लादों  
नोरजिया खालामदों आंनि जिउखौ ।  
अन्थाइ बिखानि संसाराव            आगोर गोमाबाय आंनि जिउआ  
जानांबाय आं दावसा मावरिया ।  
नडा सोरां अखराडा            दाखिनाय बै जोमैनिफ्राय  
होथेदोंसैल' रोजा-रोजा जोमैफोरा ।  
सोरां मोनहां मोनाखै            दावगानो हाहां हायाखै  
सौग्राव सौसिल' खोमसि बैखनाव ।  
दावगानो सानो सिमांआव            जाफुंनो हाया थारजों (मोकथांजों)  
माब्लाबादि सोरांगोन गुवार अख्रांआ  
सोराडे जेब्ला नख्रां            फैगोन उननि समफोराव  
जागोन आंबो जोंब्लाव माब्लाव ।  
रंगिना-संगिना गाबै            दाफुंगोन जिउनि सिमां  
थांना थानो अराइ बैसोमुथि बिखायाव ।

## सिमां

सानसोरां ब्रह्म  
5थ फरायसम

सिमांसो नामा!  
बै देंखोफोरा,  
नडा,  
थारैनो मोखथां  
गासैबो मोखथांआव  
जानाय जाथाइ।  
बावनो सानबाबो  
बावनो हाया  
फराया नंब्लाबो  
थानो हाया।  
नोंनि बै  
मोजां मोन्नायनि  
बिदै बहरा  
मिलौदो देंखोनि  
गोदै खन्थाइफोरखौ।  
  
दाबोनो सिमां-सिमां  
बायदिसो मोनो  
मोखथांआवदि नों गैला  
फोथाइनो हाया-हाया मोनो,

जोंनि गेजेराव  
दाबोनो दं-दं  
बायदि मोनो  
नोंनि सोरजि  
स'नानि माला  
आरो  
फामे बिजाबखौ  
बोद्गयोब्ला।

नोंनि रैरुब आखायनि  
बिलिरनायाव जोनोम मोन्नाइ  
बिदै बहरा  
मिलौदो देंखोनि  
खन्थाइ बिजाब गांनैखौ  
बोद्गुबानो,  
नोंनि रैरुप महरा  
मोखथां महराव  
साया-माया  
नुफा-माफा  
हमनो हाया-हाया  
सिमां-मोखथां  
नुजाफैयो।





ईसान मोसाहार्शिनी जीसे बोसोगरि जोनोम बोसोर फालिनायाव गिब्रिये मेबरखांजानाय ईसान मोसाहार्शिनी सावगारि ।

ईसान मोसाहार्शिनी जीसे बोसोगरि जोनोम बोसोर फालिनायाव सावगय मेलाव हांखायहरजानाय आलासिफोर ।



ईसान मोसाहार्शिनी जीसे बोसोगरि जोनोम बोसोर फालिनायाव बिबार बाउनाय ।



क 'क्राइमर सरकारी फरायसालिमानि बर' फरायसा धूनलाइ आफादनि मायफुं मोश्रमाफोर ।



ईसान मोसाहार्शिनी जीसे बोसोगरि जोनोम बोसोर फालिनायाव 37थि बिसान 'अनजिमा' लाइमि बेछेबनाय ।



ईसान मोसाहार्शिनी जीसे बोसोगरि जोनोम बोसोर फालिनायाव राणी हेलेन अव्यारीआ ईसान उनरगिगि बांध्या गथायर्दा ।



ईसान मोसाहारीनि जौसे बोसोरारि जोनोम बोसोर फालिनायाव  
जौसेथा आलारि बाथि सावनाय नुथाय



ईसान मोसाहारीनि जौसे बोसोरारि जोनोम बोसोर फालिनायाव ईसान मोसाहारीनि  
नखरनि सोद्रोमाफोराबो बाहागो लाफैदों ।

# कःसःफःबःफःथुःआःनि मावफुं सोद्रोमाफोर,

माइथाय : 2015-16



ड॰ बिनय कु. ब्रह्म  
(आफादगिरि)



मुस्रि लकनाथ गयारी  
(ले. आफादगिरि)



मुस्रिमा अनजाली बसुमतारी  
(ले. आफादगिरि)



मुस्रि गनेश बर'  
(थु. बोसोनगिरि)



मुस्रि बारहुंखा मुसाहारी  
(थु. बोसोनगिरि)



मुस्रि गौतम मुसाहारी  
(थु. बोसोनगिरि)



मुस्रि मानेक नार्जारी  
(नेहाथारी)



मुस्रि सोलेर नार्जारी  
(ले: नेहाथारी)



मुस्रि जॉसार अवारि  
(गाहाइ सुजुगिरि)



मुस्रि फुंजा मसाहारी  
(सुजुगिरि)



थरायना कनिका हाज 'वारी  
(सुजुगिरि)



मुस्रि रैमालु ब्रह्म  
(सोद्रोमा)



मुस्रि कनकेश्वर ब्रह्म  
(सोद्रोमा)



मुस्रि अलकेश ब्रह्म  
(सोद्रोमा)



मुस्रि कौसिक ब्रह्म  
(सोद्रोमा)



मुस्रि मिजिं ब्रह्म  
(सोद्रोमा)



मुस्रि दैथुन इसवारि  
(सोद्रोमा)



थरायना दिबियानिथा मुसाहारि थरायना निबिदिथा बसुमतारी  
(सोद्रोमा)



(सोद्रोमा)



मुस्रि मनिस बसुमतारी  
(सोद्रोमा)



मुस्रि गोगं आफं बसुमतारी  
(सोद्रोमा)



मुस्रि थुलुंगा बर'  
(सोद्रोमा)



थरायना दामिनि बसुमतारी  
(सोद्रोमा)



मुस्रि दानसोरां बसुमतारी  
(सोद्रोमा)



थरायना चन्दना बसुमतारी  
(सोद्रोमा)

ईसात दोन हजार जेथे जेथे जाणोम  
खुगा 34थे ईसात मोस गोसोखां सान फालिनाय  
खालार: 7 नोव्हेंबर, 2015  
थावनि: क'क्राझार सोरखारि फरायसा थुनलाइ आप  
खिन्थिगासे गद बादायनाय



## सिमांनि अनजालि

बिलिफां दैमारी  
आरिमु जेरजालि, 1थि बोसोर

## सेवालि बिबार

खोरोमसात ब्रह्म  
आरिमु जालिया, सेथि फरायसम

जेबोला हरनि सम जायो,  
अब्ला आं बिखौ नुयो  
उन्दुलांनाय समाव बियो अराय;  
गेलेयो आंजों नुफा-माफा।  
नागिरबायो बिखौनो सोरगिदिं आं  
नाथाइ नुनो मोना बिखौ आं,  
बियो आंनि सिमांनि अनजालि  
मोननो लुबैयो बिखाया अराय बिखौनो  
आंजों अराय साखाथियाव।  
सुजुदोंमोन आं लानानै बिखौनो  
मोनसे गोदै सिमां,  
नाथाइ बायस्राबाय आंनि दिनै  
सुजुनाय बै सिमाड,  
हास्थायदोंमोन आं गोरबोजों  
नाथाइ नागारलांबाय बियो आंखौ,  
बायस्रालांबाय आंनि गोसोआ  
मानोना बियो आंनि सिमांनि अनजालि।

▲ ▲ ▲


सेवालि बिबार आं  
हरनि खोमसि गाबआव  
नुजाफैयो आं....  
गुफुर गावदां जोंथि महरै  
सोरबा जोहोलावनि अननाय  
मोनगौबा मोनगौबा।  
नाथाय माथो रावबो जोहोलावआनो  
आंनि फारसे नोजोर गैलिया।  
हाया-हाया रावबो जोहोलावआ  
आंनि रैरुब महरखौ आजावनो।  
सोरबा जोहोलावनि अननाय  
नेयै-नेयै हनै माथो  
सानजाहा जारां साना  
नुजाफैगौलाय अब्ला माब्लाबानो  
आंनि रैरुब महरा रानज्रिनानै  
ज्रय सो सिरिलांबाय।

▲ ▲ ▲

## आंखौ मिथिया नों मानो ?

कनिका हाज 'वारी  
आरिमु जालिया, बाथि फरायसम

आंखौ मिथिया नों मानो ?  
आंदि नोंखौ बेसेबां मोन्नो हास्थायो रजे,  
आंदि नोंखौ खाथियाव मोन्नो थाखाय बेसेदि लुबैयो,  
नोंनि थाखायनो जेब्लाबो मोदै हुगारो  
आं इसोरनाव आर 'ज गाबो ।  
आंनि मोजां मोन्नाय अन्नायखौ फोरमायनो सानो,  
गोरबो सिंङव हाबहाबनानै थानाय  
मोजां मोन्नायखौ आर 'ज गाबो ।  
नाथाइ हाया जावलिया गोसोया,  
अराइबो नोंखौ लोगो हमनो,  
फोरमायनो गोसो गोरबोनि बाथ्रा  
नोंनि सिगांडव फारियै बेखेवना होनो ।  
खुद्रियो आंनि गोसोआल' हारसिंडै जेब्लाबो  
बाथ्रा फंसे राइज्जायनो नोंजों,  
नाथाइ नोंखौ लोगो मोनबोला,  
आंनि गोसोआ हारसिंडै  
गिखाडे, लाजिनाय फैयो ।  
नोडे आंनि मोजां मोन्नायखौ  
हमदांनो हाबायबोला,  
आं हास्थायनाइखौ सुफुंदो नों रजे,  
दड आंहा गोसोआव गोबां दखु-हांमा,  
मोन्नो फंसे गोदै राव नोंनि खुगानिफ्राय ।



हांमाल' दोनलांगोन नामा नोंलाइ रजे  
आंखौ बे जोनोम आवलाइ,  
दिनैसिम बेसेबा गोबाव जाबाय  
आं नोंखौ मोजों मोन्नाया,  
नाथाइ आंखौ मिथिया नों मानो दाबो ?

▲ ▲ ▲

## निजोम हराव

बिलिफां ब्रह्म  
आरिमु जालिया, बाथि फरायसम

बेसे गोजोन बेसे निजोम  
बे हरालाय !  
खोलो-खोलो बार बारनाय  
रिथि-रिथा हाथरखिजों  
जोंथा-माथा सांग्रेमा जोंनाय ।  
आय खोमसि बुहुमाव  
अम्बासि हरनि बे हराव  
गोजोननि दोंसे मिलौदो मेथाइ  
रोजाबनो रोंनायमोनब्ला !  
थारैनो फैगौमोन अनजालिया  
आंनि रानस्रावनाय बिखायाव  
आयलि-जायलि खानायजों  
मोदोमफ्रु मोदोमनायजों  
थारैनो आंखौ बोदोर खालामनानै  
उन्दुनाय रायजोआव  
आंखौ गोजोनै दोनहैगौमोन ।  
नोंनि रैदोब आसिजों  
बिलिरनायाव आं गोजांस्रिवनानै  
सिरि मोनखांगौमोन ।  
मेथाइ आ नोंनि  
देखो आ आंनि

अब्ला रिखांगौमोन रजे  
गोजोननि दोंसे मेथाइआ  
आंनि रानस्रावनाय बिखायाव  
नाथाइ बे गलाव  
बिबारनि मम आ  
निजोम हर ससेनि सिमाडावनो  
आस 'खान्दा बायलांबाय ।

▲ ▲ ▲



## मुगैजानायानो आंनि बोर

उदांश्री ब्रह्म

आरिमु जेरजालि, 1थि बोसोर

मुगैजानायानो आंनि जिउनि  
 इयुनाव दावगानायनि थुलुंगा ।  
 सानाखै आं जेबो  
 बेफोर खैफोदखौ सहायनांगोनखा,  
 जोनोम मोनबाय आं जेबोला  
 बे निखावरि नख 'राव,  
 सानाखै आं बेखौ  
 आंनि फापनि साजा  
 नाजानायासो आंनि थांखि ।  
 मानसि महरै बहुमाव,  
 नुजाथिफैदों आं जेब्ला  
 दिन्थिलांगोन आं इयुन जोलैनो,  
 फोरोंलांनो नाजागोन आं  
 निखावरिनि गुनखौ लानानैबो ।

बहुमावदि नड आंल' निखावरि  
 दड आरोबाव गोबां  
 थेवबो आं उनफिनाखै,  
 निखावरियाबोदि दं गेदेर थांखि  
 मोन्थाय दं दिन्थिलांनयनि  
 मुगैजानाय नासयजानायानो  
 आंनि दावगालांनयनि बोर,  
 लुबैयाखै आं धोन-दौलद  
 गियानआसो आंनि धोन,  
 रोंग 'थियासो आंनि दौलद ।  
 सैथोजों जेब्लाबो आं हान्थिगोन  
 रेबगननि गोहोजों दावहा नांगोन  
 मुं गालांनो नाजागोन आं बहुमाव,  
 सुबुंनि मुगैनाय नासयनायानो  
 आंनि इयुनाव जाफुंसारनायनि  
 बेसेबांबा फोरमायख 'हायै बोर ।

▲ ▲ ▲



## बै हायेनाव

बिदांश्री हाज'वारी  
आरिमु जालिया, थामथि फरायसम

## आंनि जिउनि थांखि

धनेश्वर नार्जारी  
आरिमु जेरजालि, 2थि बोसोर

बेसेबांदि समायना-रमायना  
नायबाबो फोजोबनो हाया  
गोसोआ मानिया नायख्लेनो  
गोरबोआ साना नागारना  
थांनो, बिफां-लाइफां सारि-सारि  
हाजोनि सेरजों दैसा जिरि-जिरि  
बेसेदि गोजोन, सुदेम, निजोम  
बै हायेनाव ..... ।  
दावसिन-दावलाफोरा आमाय-जुमाय  
गेलेदों बिरहां-बाहां  
मिथिस्लाबा जासे आंबो  
बिसोरजों गोरबहैदों ।  
बिफां-लाइफांनि बिलाइफोरा  
मोसादों हायला-हुइला  
बायदेमग्लाइ-सिदेमग्लाय  
आय' बेसेबा हायना गोनां  
बै हायेनाव ।

▲ ▲ ▲

बे उजिगासे जिउआव दड आंहा  
मोनसे गोथार थांखि ।  
दड गोनां जिउनि फोथाइनाय,  
दोरोदसुला बुब्लिजों लोगोसे खारफानानै,  
दुखु खस्थ' सहायनानै,  
खालामगोन आं सुथुरखौ फैमाल  
आंनि जिउनि थांखि ।

थागोन लामायाव जेंसि, हाखर,  
दड लामायाव फैमाल,  
जुजिगोन गोथार जिउनि फोथाइनायजों  
खालामगोन आं गेवलांसार  
आंनि जिउनि थांखि ।

दड जोंनाव सौसिनो हानाय गोहो  
दड जोंनाव गोथार जिउनि फोथायनाय  
जागोन आं देरहासात  
आंनि जिउनि थांखि ।

▲ ▲ ▲

## आय' सिख्रि-सिख्ला

फुलुं बसुमतारी  
आरिमु जालिया, थामथि फरायसम

जेरैबो हाजो हालाजों बुंफबनाय  
आलावरि-बिलावरि दाउ गाबानाय,  
सनालु मोख्रानि बास्लाय-बास्लाय आदार नागिरनाय,  
बेसे समायना आय' सिख्रि-सिख्ला ।  
सारि-सारि अन्थाइजों दाजानाय  
देब-देब'थाफोरनि थानसालि बेसे मोजां  
आंलाय बुंस हाया ।  
बिफांनि बिफां, गयनि गय, आरो  
थालिरनि थालिर जेनिबो  
जोबनो गैया, आय' सिख्रि-सिख्ला ।  
हाजोनिफ्राइ बोहैबोनाय बै दै बाञ्जुमा  
आंनि गोसोखौ बोनानै लादों  
बै निजोम नुहरसयै जायगायाव  
आय' सिख्रि-सिख्ला ।  
नोंनि बे हायनारि महरा  
आंनि गोसोखौ बोगथाबना लाखिनो हादों  
अराय समनि थाखाय ।



## जिउनि लामायाव

मिजिं नार्जारी

आरिमु जालिया, सेथि फरायसम

रुगुं गैयै संसाराव  
 दावबायलाडे जिउनि लामायाव,  
 सान हर सानै सानै  
 गसायनि हेफाजाब बियै बियै ।  
 हास्थायनाय लाना बिखायाव  
 माबा मोनगोन सानना गोसोयाव,  
 दुखु-दाहा नागारना  
 गोसोयाव गिदिर थांखि लाना ।  
 दैया बोहै लाडे जिरि जिरि  
 गावनि आंगो बिमाखौ लोगो हमनो,  
 सुबुंनि जिउया दावबायलाडे सिरि-सिरि  
 गावनि जिउनि थांखिखौ मोननो ।  
 सुबुंनि जिउ लैथोनि गंसे दिड  
 हर समाव हाथरखि नायनानै  
 साननि समाव दिग लानानै

जावलाडे अराय गोसोआव थांखि लानानै ।  
 जेथो जेंनाजों जानाडे जिउयाव दावहा  
 गोसोयाव जानाडे जेब्लाबो उन-दाहा,  
 अब्लाबो जुजिगोन आरो सोरखिगोन जिउयाव  
 जिउनि लामा हान्थिनायाव ।  
 जिउनि देरहासादनि फिरफिलाखौ बिरहोनो  
 समाजनि अनसायनाय मोननो  
 गसायनि बिखायाव बोजब जानो  
 जोबथा बुब्लिसिम नाजागोन आं ।

▲ ▲ ▲

## बर'

बुहुम बसुमतारी

आरिमु जालिया, 1थि बोसोर

बेसेबांबा गेदेर बे हारिया  
 नडा रावनिबो गेजेन नडा निखावरि ।  
 गैथारा हिंसा-हिंसि अगेन आखु,  
 थायो अनलायना बयखौबो नखरसे सानना ।  
 बोरो गोदै बे हारिया मा जाखो ?  
 दिनै गावजों-गाव गुलाइ-गुजाइ,  
 हारिनि राव, हारिमुआ मानो गोमानो हमखो ।  
 बोरो जोंनि कासार-माइबंनि राइजोआ,  
 बिर-जोहोलाव दैमालु, सोमदोननि थैआ ।  
 मानो बर' फिसानाव सासेनिआवबो गैला,  
 सोरबा सानफेरदों दा हारिनि फारसे ?  
 गावजों गाव नांलाय-खमलाय  
 आखल-आखुआ बर' हारिनिआव जायगा लाबाइ ।  
 आथिखालनि बुब्लिआव बे आखल-आखुखौ  
 गारनानै गोदान-जुगजों फाथिनो थियारि जायाब्ला ।  
 बर'आ गुबुनारिनि आखायाव मोनथिना लाखा,  
 गोरबोआव जाउरिखांनाय बर' बिमानि,  
 आलादा-राइजो बड'लेण्डनि गोथौ थांखिआ  
 नडाब्ला सिमांआवनो मिमां जाहैसिगोन ।  
 फैदो बयबो बुहुमनि बर' सुबुंफोलेर  
 बिर-जोहोलाव दैमालुमोननि दाहाल-थुंग्रिखौ  
 बुथुमनानै, खनखांफिननानै रोहो-रोहो उनफिनदिनि  
 बर' हारिखौ बे मुलुगाव गेरेमसा हारि गायसननि ।

▲ ▲ ▲

## गोरबोनि जांख्लायाव आंनि जिउ सायखं

सनाली बसुमतारी  
आरिमु जालिया, सेथि बोसोर

जोंनि ननि उखुम मुदायाव  
बाफैनाय दाउस्रि जराया  
आंजों फिसिजानाय नडा,  
रोजाबफैयो  
गोदै गोदै मेथाय उरायलायनाय  
बेसेदि देंखो मिलौहाबनाय  
आंजों गानजानाय  
सना, रुपा, गहेना  
जोमग्रा दखना सेन्देलआबो  
आंजों दाजानाय नडा  
रंगिना संगिना खालामहोबायो  
मानसिफोरनि मेगनाव नायनो  
बेसेदि हायना सारफावना  
आंनि मावनाय-दांनाय, थांनाय-फैनाय  
हान्थिनाय लामाया जेथिंबो  
जोबनाय गैया  
जिउनि थांखिनि लैथोमायाव  
जावलांनाय जिउनि दिडया  
अराय सम गोजोन गैया।

आं दा-  
गोरबोनि जांख्लायाव दं  
गोरबोया माब्रैबा फैनानै  
गेवसारलाडोब्ला  
आंबो गोग्लैगोन  
आंनि जिउमायाबो उरायलांगोन  
उदां अखांनि जोमै साजों  
लोगोसे  
आंनि सोलेरा थालांना  
सह' जाना हाथ 'फ्ला जालांगोन  
आंनि दोनखानाय मुडा  
अराय सम  
आंख्रौ मिनिबाय थागोन।

▲ ▲ ▲

## मानो ?

फुंबिलि नार्जारी

आरिमु जालिया, बाथि बोसोर

हारसिं थानायनि मोन्दांथिखौ दिनै आं मोन्दांदों,  
 गोरबोनि खुद्रि-खुद्रि गाबनायखौ दिनै आं सहायनांदों ।  
 मोदैनि गले गले सोंथि सोंनायखौ आं सिरियै खोनासंदों । जाहोना मानो ?  
 मानो, दिनै आं जायखौ लाना मिनि रंजा  
 थानाइ थारैनो बेयो गाबोनबो ?  
 गोबां सिमांखौ लाना दिनै जिउनि लामायाव  
 नाथाइ थारैनो बेसिम आं सहैगोन ?  
 जायखौ आं दिनै आफा होन्ना गावज्जिदों  
 मा थारै आं बेजों अराय जिउ गेलेफानो मोनगोन ?  
 मोना होन्ना बुजिबाय, नाथाइ मानो ?  
 सोंबायनो गोनां जादों आं लिरनाय रेबगननाव  
 हुगार हुगार मोदैखौ थगायना दोन्नायाव,  
 फिन्नाय होनो जाहोन आंनावबो गैया ।  
 मोनसेल' लामानि बे जिउआ मानो अराय नड गोजोर,  
 दुखुनि बानायाव गोजोमहोना दान्दिसेनि थाखायल  
 मानो बेयो थाडे बिलिरना..... ?  
 फारियै बे बानाजों दिनै गबनांबाय आंगोसिन आफा,  
 फैगोन गाबोन आंगो आइ  
 संफोर जिउनि सासे आदा ।  
 आरो साफा-साफा गोजावलांना  
 बेनिफ्राय बान्दोजों बुख्रेबसिनजागोन आंबोदि सानसे ।  
 मिथिनायबो नड आंजौल'  
 बेनो जिउनि खाखानाय खान्थि ।  
 नाथाइ अब्लाबो मानो ?  
 फिन्नाय मोन्नो आं खुद्रियो  
 हज्जि-हज्जि आं लुबैयो सोंबायनो  
 मानो ?



# आथिखाल बर 'नि सोलोंथाइ आरो समाजारि बिथिं

ब्रजेन्द्र कुमार ब्रह्म

सोलोंथाइया माखौ बुडे, बेनि सोमोन्दै साफ्रोमहाबो एफा-एनै माबा मोनसे साननाय (idea) दंखासै। अब्लाबो जों नुयो लेखा-फरा रोडै सुबुंनि अनजिमाया जेराव बांसिन, गाहाइयै बर 'नि गेजेराव, बिसोरनि बांसिनआनो फरायसालि-कलेजआव मोननाय गियानखौनो सोलोंथाइ होननानै बुजियो। नाथाय गोरों-गोरा पण्डितफोरनि बादियैब्ला थार सोलोंथाइया जादों- “Knowledge and abilities, development of character and mental powers” (गियान आरो मावनायनि गोहो, आखल-आखु आरो गोसोनि गोहो गेवसारनाय) आरो गुबैयै सोलोंथाइया बेनोखाबो।

दा जों सावरायनो लानाय आयदाया जादों- ‘आथिखाल बर 'नि सोलोंथाइ आरो समाजारि बिथिं। आयदाया जोबोद गुवार आरो जेथोबहा। बेनि अनगायै दुलाराय भारत एबा आसामनि सोलोंथाइयारि खाथाम 'निफ्राय बर 'नि सोलोंथाइखौल' बोखलनानै सावरायब्लाबो सावरायफुंनो हानायनि खाबु गैया; दुलाराय हादरनि फुरा सोलोंथाइयारि सावगारिखौ नोजोराव

लानानैनो सावरायनो गोनां। नाथाय बे रायथाइयाव बर ' समाजजों लोब्बा थानाय माखासे बिथिंखौल' गुसुडै सावरायनो लानाय जादों।

जायनि थाखाय दुलाराय भारतारिजों लोगोसे आथिखाल बर 'आ नोरजिया जादों, बेयो जाबाय गिबियावनो मुंख 'नो गोनां बृटिसफोर खालामनानै गालानाय साम्राज्यबादी सोलोंथायारि खाथाम', जायनिफ्राय जों दासिमबो बरग 'नो हायाखै। बिसोरनि सोलोंथाइ खाथिया बान्दा-गोसोनि लेखागोरों मानसिसो सोरजिदों, जायनि जाउनाव कारिकरी गियान बाहायनानै गावनि आथिंआव गसंनायनि सायावबो जोंहा फोथायनाय गैया। बान्दागोसो लानानै सोरनिबा सिडाव सथबनानै थांना थानायनिखुइ उदाडै गावनि आथिंआव गसंनाया गोब्राबसिन हाबा, बेयो नंगौ। नाथाय गोसोआव लाथिनाया गाहाम दि, सुबुं-सोदोमस्रिया गेवसारदों आरो जौगादों नैथि लामाजों आगान सुरनानैसो। बेजों फरायसालि-कलेजनिफ्राय लानाय सोलोंथाइ आरो राडरि बिथिंखौल 'बुंनाय जायाखै, मोननाय गियानखौ मोगथांआव बाहायनानै गोदान बिथिं दिहुनानै

सुबुं-गियानखौ बांसिन फेरेहनायनि बाश्राखौनो हमफानाय जादों। हारि जौगानायनि माखासे सर्तफोरनि मादाव बेबो मोनसे। आगुआवनो बुंबोनाय जादों दि उनबिगुमा (heir) जानायनि फारियै मोननाय बृटिसनि सोलोंथाइ खान्थिया जौखौ बान्दागोसोनि लेखागोरों महरैसो दादों। बे बादि मानसिया मोगथां जीउनि जेंना-हेंथाजों जुजिनायनि गोहो गैयै जायोखायनो बांसिन सेंग्राफोरा कलेज-मुलुग सोलोंसालिनि गोजौ डिग्री लाखांनयनि उनावबो जीउ खांनयनि राहा दिहनुनानै लानो रोडै जायो। जाउनआव दा जौनि बेकार-जेंनाया गिलुबालु बोस्रांख'हायै जानानै थाबाय। बावैसो अंखारनाय मोनसे सानसरथुम (Statistics) बादियैब्ला आथिखाल आसामाव लाखथामजि बेकार सेंग्रा दं; नाथाय साख्रिया ओंखारो बोसोराव हाजारबाल'। गिथाव-बाथाव सावगारि बेयो।

गोजौआव बुंनाय बाश्राजों रुजुनानै नायब्ला बर'नि थासारिया गुबुन गुबुन हारिनिख्रैरै दुखु नांथावसिन; आरो आथिखाल बर'समाजआ बे बादि थासारिनि सायावनो थोथोर-बोबोरै गसंनानै दं।

फरायसालि-कलेजनि सोलोंथाइखौ आखान्थिथाम (triangle)जों रुजुनाय जायो। सोलोंथाइनि आखान्थि मोनथामआ जाबाय-बिमाफा, फरायसा आरो फोरोंगिरि। आखान्थिथामनि आखान्थि मोनसे गैयाब्लानो जैरै

आखान्थिथाम जानो हाया, बिमाफा, फरायसा आरो फोरोंगिरि- बेफोरनि मोनसे गैयाब्लानो एबा लोरबां जाब्लानो सोलोंथाइया आबुं जानो हाया। गुबुन हारिनि बाश्राखौ आं बेयाव बोदेरनो सानाखै, बर'नि बांसिन बिमाफायानो गावनि गावनि गथ'खौ फोरोंगिरिनि आखाइयाव गथायनो हाब्लानो बारग'बाय सानो, गथ'आ सम हमनानै मोजाडै फरायदों ना फरायाखै बेनि जेबो उदिस लाया। बिमाफानि गोख्रों दिथा आरो जोथोन गैयैलाय गथ'फोराबो उदां उदां, फरायनायाव गोसो होआ होआ जालाडो। बे आयदायाव फोरोंगिरिफोराबो दायनिफ्राय फुरायै बारग'नो हाया। गोबां फोरोंगिरियानो जेबो गनायथाव जाहोन गैयाजासे गावनि मावनो गोनां हाबाखौ मावनायाव गोसो होसारा; फरायसालियाव फैनाय आरो बेनिफ्राय थांनयनि थिग समखौ हमा; जायनि जाउनआव फोरोंगिरि आरो फरायसानि गेजेराव सोलोंथाइ होनाय-लानायाल' नड, आखल-आखु दानायावबो सुफुंख'हायै खहा जायो। जों मिथियाजासे बेनि गाज्रि गोहोमआ समाजनि सायाव गोग्लैगासिनो दं, जायनि जाहोनखौ जों गोरोंन्थियै गुबुन होननानैसो साननानै लागासिनो दं।

गोजौआव बर'नि सोलोंथाइया आथिखाल मा थासारियाव दं, बेनि सोमोन्दै जैरै बादि बिजिरनाय जादों, बेयो गोरलैयै सजा (Simplified) खालामनायल' जादों। बेनि



गुदियाव गुबुन मोनसे जाहोन दं- जाहोननि जाहोना, जेथोबहासिन, गोथौसिन। बेयो जाबाय राजखान्थियारि सोमावसारनायनि गुथार। इं 1967 माइथाइनिफ्राय PTCA (Palins Tribal Council of Assam) आ 'उदयाचल' मुंनि आलादा राइजो दानो राजखान्थियारि दाबि लानानै सोमावसारनायनि हाबाफारि आखाइयाव लायो। बे सोमावसारनायखौ गोख्रों खालामनो थाखाय 'इयुथ कंग्रेस'नि स्टाइलये 'इयं पिटिसिए' दानानै सेंग्रा हानजाखौ बोदेरनानै लानाय जायो। आखामनि ट्राइबेलफोरनि थाखाय आलादा राइजोनि गोसै सिमां लानानै सेंग्राफोराबो गोसो-मोदोम होसोमनानै सोमावसारनायाव अंखारो। मुंख'नो गोनां दि बे हानजायाव फरायसानि अनजिमायाबो इसेल' नडामोन। गुबुनखौ मा बुंनो, गोवां फोरोंगिरियाबो बेयाव रेजेरफानाया जोंनि मेगनजोंनो नुनाय जाथाइ। बेखौ नायनानै बर'नि सोलेंथाइनि थासारिया मा बादि जानो हागौ, बेयो हमनो गोरलै बाथ्रा। बेनि बिस-फिथाइखौ जों लोगो लोगो मोनाखै जानो हागौ; मानोना बेयो जागायजेननायनि फारिल' हमदोंमोन।

बेनिफ्राय हानजानि गौथुमारि फारागखौ लानानै PTCA निफ्राय गावनानै PPTCA (Progressive Palins Tribal Council of Assam,) UTNLF (United Traibal National Liberation Front) आरो UBNLF (United Tribal National Liberation

Front) जालांबाय। बिसोरजोंबोथ' सेंग्रा हानजायानो सिथावफानानै दंमोन। राजखान्थियारि जाहोनखौ लानानै हारिनि गोहो-फुंखा 'दुलाराय बर' फरायसा आफाद' एबा ABSU (All Bodo Students' Union) आबो खावनै थुबसा जाबाय- ABSU (U) आरो ABSU (R)। जोबोद दुखुनि बाथ्रा बेयो। राजखान्थियारि हानजा गावनायनिखुरै ABSU गावसानाय जाथाइया बर' हारिनि गोबोआव जोबोद गोसा जखमनि थौसिन दागो गालांदों, आरो बेयो दाबो गानो रोडखैसै।

बेनि उनाव आरो मा जाबावखो नायदो। जाय ABSUआ मोनसे समाव राजखान्थियारि हानजा PTCAनो इसिबां फोथायनाय होदोंमोन बेनो उनाव दैदेनगिरिफोरनि सायाव फोथायनाय गोमानानै मदद होनायखौ बोखांना लानानै फुरा राजखान्थियारि दाबि 'बड'लेण्ड' मुंनि आलादा राइजोनि थाखाय सोमावसारनायनि बिबानखौ गावनि आखाइयाव दैखांनानै लानो गोनां जाबाय- "We have no doubt about our direction. Irresistible is our move towards our destiny. It is the formation of Bodoland which is our cherished destiny and it is only a separate state that the hearts of the Bodos strive for." Voice of ABSU on Justification of Bodoland (a separate state for the Plains Tribals of Assam).

ABSU-BPAC नि बोसोरद' सोमावसारनायनि उनाव बर' गोरोबथा (Bodo

Accord) जाबाय 1993 माइथाइनि 20 फेब्रुवारीयाव । 'बड'लेण्ड'नि जायगायाव जों मोनबाय सिमागैजायै मोनसे काउन्सिल - Bodoland Autonomous Council. राजखान्थियारि Strategy आनो जा एबा गुबुन जायखियानो जा, थेवबो जों बेखौबो नाजावबाय- जों मिजिं थिदोंमोन मोजाडै सोलियोब्ला बेबो जोंनि गांनाय- उखैनायखौ इसे सुफुंनो हागोन । फरायसाफोराबो फरायनायाव गोसो फज 'हांबायमोनबो, सोलोंथाइनि मोनसे आबहावा सोमजिहांबायमोनबो ।

नाथाय शाव जानानै फैबाय बर' गोरोबथाया । सिमागैजायै काउन्सिलनि सिमानि बाथ्रायानो गमामा मोनसे गेदेर जेंना जानानै नुजानायसै जोंनि गेजेराव । बे सिमा-जोंनाखौ लानानै BPP (Bodoland People's Party) आ जानायसै खावनै स्रा- BPP (P) आरो BPP (S) । बेनि समरा-समरि जोनोम जानायसै PDF (People's Democratic Front मुंनि आरोबाव मोनसे राजथान्थियारि हानजा । PTCA आरो UTNLF आबो मिरौ-जिरौ दाबो थानानै दं । बे बादि गावस्रानायनि थाखाय दैदेनगिरिफोरानो बांसिन दायनिगिरि । दैदेनगिरिफोर गावस्रानाय माने राइजो-राजा गावस्रानाय । जाउनआव खौसेनि सुफुंख'हायै आंखाल, गावजों गाव एना-एनि आरो लोरबां जानानै मोनफ्रोमबो हानजायानो सोमावसारनो थाखाय बोलो फोरानो हाया जाबाय । बर'फोरनि (ट्राइबेलफोरनि?) बे

लोरबांथिनि खाबु लानानै राइजो सरकार एबा मिरु सरकारआ बोसोरथामहा लागैबो जेब्ला बर' गोरोबथानि आयदाफोरखौ मावफुंनो इसेबो गोसो होयाखैसै, अब्ला बर'फोरनि गोसोआव फोथायनाय गोमायो; आरो बेयो उनाव एसेसिमबो सौहैबाय दि काउन्सिलजों जेबो जानाय नंलिया दाबिखौ दैखांफिननानै सोमावसारनायनि हाबाफारि लाबाय ।

गोरलै गेबें गोसो-मेलेमनि सेंग्राफोरनि अराजखान्थियारि गौथुम दुलाराय बर' फरायसा आफादआ । बे बादि आफादआनो राजखान्थि बादि जेथो बहा आरो गिलिर बिबानखौ लानो गोनां जानायाव दिनै बर'नि सोलोंथाइया बेसेबांदि खहा जादों, बेनि जाउनआव बर' समाजआ थेर-बेथेर जानानै, खौसे गोमालानानै दिनै बेसेबांदि लोरबां जादों, बेखौ फोरमायख' हाया । नांगौ जखानि बोलो फोराग्रोआजासेनो हाया हाया भीमनि गदाखौ दैखांनो लानाय बादि जादों अनथाव-बाथाव । फरायसाफोरा दि राजखान्थियारि सोमावसारनायाव बाहागो लाथारनो नाड, बे नड । आथिखाल बुहुमनि जारिमिनआ देरगाथाव फरायसा सोमावसारनायनि गोजों नेरसोरजों आबुं । नैजि जौथाइनि नैथि मुंजिनि जोबथा बाहागो फारसे सोमावसारनायाव चीननि गिनोरोडै फरायसाफोरा दि ओंथिगोनां बाहागो लादोंमोन, बेनि जाउनआवनो महर लादों गोदान चीननि गोजों जारिमिन । जाय जोहोनफोरनि थाखाय आमेरिका जथायहायुंआ

भियेटनामनि इनाय दावहानिफ्राय फासयनानै फैनो गोनां जादोंमोन, बेफोरनि मोनसे मुंख 'जाथाव जाहोनआ जादों बे अगेन दावहाखौ बन्द खालामनांगौ होननानै आमेरिकानिनो फरायसाफोरनि गोख्रों बिग्रायनाय। बृटिस साम्राज्यबादिनि बेरेखायै भग्तारि सुबुंनि गेदेमा सोमावसारनायाव बै समनि फरायसाफोरा जोबोद ओंथिगोनां बाहागो लादोंमोन। बे बादि गोबां बिदिन्थि होनो हायो।

नाथाय बेफोर जाबाय हादद एबा हारिनि मोनसे गोनां एबा अलखद समाव फरायसाफोरनि गोख्रों मदद होनाय। गुबुन फारसे ABSU बादि मोनसे अराजखान्थियारि गौथुमआ गावनि गुबै गौथुमारि हाबाफारिखौ नारथ्रोदनानै बोसोरनि उनाव बोसोर आलादा राइजो दाबिनायनि राजखान्थियारि सोमावसारनायाव मुखुब थानो गोनां जायोब्ला बर 'नि सोलोंथाइया खोमसिथिडैसो लामा लागोन होननानै आंनि गोसोआव गिखांनाय फैयो। PTCA आ सोमावसारनो लाजेननाय बोसोर इं 1967 माइथाइनिफ्राय दिनैसिम बोसोर 30 जाखाबाय; आलादा राइजोनि सिमांआ मोगथांआव जाफुंनो आरो बेसे बोसोर नांवावगोन? जीउखौ महर होनायनि बयनिखुइबो साबसिन सम फरायसा समआनो। 'छात्रानाम अध्ययनं तपः।' बेयो थार बाथ्रा। नाथाय बबे आबहावायाव थानानै तपस्या खालामनो बर ' फरायसाफोरालाय? आंनि गिनायआ सैथो जायोब्ला, बर ' समाजआ बबे

बिथायाव गसंनानै थागोन? सोरखौ लानानै थानानै थागोन? मानोना बर ' सेंग्रा एबा फरायसा जोलैयानो जॉनि जीउ, बर ' हारिनि जीउ; बिसोर मोजाडै थानानै थानायनि सायावनो जॉनि आवै, बर ' हारिनि आवै।

बे जेंनाखौ बोस्रानो मोनसेल' राहा दं होननानै आं सानो। फोथायजाथाव आरो सोनारथाव मोनसे राजखान्थियारि हानजा दानानै राजखान्थियारि दाबि सुबुंनो सोमावसारनायनि बिबानखौ बे हानजानो गथायनानै होनांगौ आरो सम सम नांगौ जायोब्ला फरायसाफोरा मदद होगोन। अब्ला फरायसाफोरा गाव गाव एखुथायै एबा फरायसा गौथुमनि गेजेरजों गोसो होसारनानै सोलोंथाइ लानायनि मोनसे आबहावा सोरजिनानै लानो हागोन।

गोजौआव बुंबोनाय जादों दि बर 'नि गेजेराव सोलोंथाइनि मान (Standard) गोग्लैसोनायनि थाखाय फोरोंगिरिफोराबो दायनिफ्राय बारग 'नो हाया। मानोना ABSU-BPAC नि बड'लेण्ड सोमावसारनायाव गुबुन बिफाननि बर साखिआवलानिखुरै बांसिन फोरोंगिरियानो गोबां समाव थोंजोडै एबा खेंसालियै बाहागो लानो गोनां जादोंमोन गाव गावनि फरायसालि-कलेजनि आवथानि सिमा-हांखोखौबो बारनानै। बे बिथिंखौ सावरायनायाव सोमावसारनायनि मददगिरि महरै ABEF (All Bodo Employees' Federation) आरो AATWWF (All Assam Tribal Women's

Welfare Federation) एबा दा बेनिनो गोदान महर मोननाय ABWWF (All Bodo Woemn's Welfare Federation) - बे गौथुमफोरखौ बिदिन्थि महरै मुंख 'फानांगोन। मानोना बे मोननै गौथुमआवबो आफादगिरि, नेहाथारि गिलिर बिबान लानानै एबा सोद्रोमा जानानै गोबां फोरोंगिरिफोरानो बांसिन नांफानानै दंमोन आरो दाबो दं। बेनि दाहारआ थोंजों राजखान्थियावबो हाबदों। गोबां फोरोंगिरियानो मोनसे नड मोनसे राजखान्थियारि हानजानि माबाफोर गोनां बिबानगिरि एबा सोद्रोमा जानानानै दं। जाइनआव सोलोंथाइनि सायाव बेनि गोहोमआ मा बादि जानो हागौ, बेयो गोरलैयैनो हमनो हानाय बाथा।

बे बादिनो बिमा बिफा आरो फोरोंगिरिनिफ्राय नांगौ रोखोमनि दिथा आरो जोथोन मोनैजों, थिग समाव थोजासे बिजाब मोनैजों, फरायसाफोरनि फरायनायाबो मोजां रोखोमै जालिया। बेबादियैनो बोसोर जोबनाय फारसे खासा-खावरा गियान लानानै आनजाद होनो जनानै मोनदाडे दि बिसोरनि बांसिनानै आनजाद होनो हाथाव थाव जेबो रोड। अब्लाबो पास जानो लुबैनायाथ 'इसेल' नड। जेबो राहा गैयैलाय नकल लानाय एबा खालामनायनि अगेन लामाखौनो लायो। आथिखाल आनजादफोराव बेनो दुहुम सोलियो। अबश्य बेयो बर 'निल' जेंना नड, बयनिबो। बे बादि राहायै पास जालांनाय फारायसाया दि इयुनआव समजनि, हादरनि

बाइदिसिना गोनां बिबानखौ माबोरै बाननो हागोन, बेयो साननो गोनां बाथा। जेंना बोस्रानो नागारनानै गावसोरनो जेंनानि जाहोन जायोब्ला, बे समाजआ अगेन गुबुंले जाखागोन। बे जेंनाखौ बाइजोनि गोहोजों बोस्रानाया गोब्राब; फरायसा समाजनि गोसो सिडव मोनसे जांखिखांनाय फैब्लासो बेयो गोरलैयैनो जोबगोन होननानै आं सानो।

सोलोंथाइनि सोमोन्दै जाय जेरैखि सावराया मानो, फरायसानि सोमोन्दैनो बांसिन बुंनो गोनां जायो। गोजौआव बुंबोनाय जादों दि फरायसा समआनो जीउखौ महर होनायनि बयनिखुरैबो साबसिन सम (most formative period) बे समाव बिसोरहा आग्लाय-बिग्लाय गोहो (energy) थायो। गावनो नांगौआव बाहायनानै आग्लायनाय गोहोखौ मोजाडै बाहायनो खाबु मोनाब्ला बेखौ समाज-बेरेखा हाबायाव आद्रियै बाहायनायनि सुलुं थायो। बेनि थाखायनो फरायसालि कलेज एबा मुलुग सोलोंसालिया बिजाबारि गियान सर्सानिल' जायगा जानो नाड; बोजों लोगोसे सोरजिलु गोहो समायना मोनदांथि गेवलांसारनायनिबो जायगा जानांगोन। बे थांखियै बिश्वभारती आरो शान्तिनिकेतन फसंगिरि रबीन्द्रनाथ ठाकुरआ गाहायाव होनाय बादि माखासे राहा होदों, जायखौ मावफुंनो हायोब्ला गमामायै सोलोंथाइनि गुबै थांखिया जाफुंगोन आरो आरो मान (Standard) आबो जौगोन-

1. सोरजिलु गोहोखौ सोलोंथाइजों लाफानानै सावगारि आरिमु, मेथाइ, मोसानाय,

फावथिना, खनथाइ

बाइदिसिनाखौ गुबै सोलोंथाइनि एंगारथावै  
आंगो आयदा महरै गनायनाय ।

2. सोलोंथाइनि फसंथानफोराव मिथियैखौ  
मिथिनो लुबैनाय आरो रोडैखौ सोलोंनो  
लुबैनायनि हाबिलास  
सोमजिहोनाय, आरो फोरोंगिरि आरो  
फरायसाफोरनि गेजेराव अनलायनाय-  
सिबिनायनि गोथौ सोमोन्दो  
लाखिनाय । बेनि थाखाय फरायसालिफोरा  
(residential) जायोब्ला गाहामसिन जायो ।
3. सोलोंथाइनि गेजेरजों फोरोंगिरि आरो  
फरायसानि गोसोआव समाज सिबिनायनि  
बद सोमजिहोनाय ।
4. सोलोंथाइनि गेजेरजों बुहुम-हायुंसानि बद  
(Sense of world-citizenship)  
सोमजिहोनाय ।

नाथाय दुखुनि बाश्राया जादों- बेफोर  
गासैबो खोनासंनोल' मोजां, सावरायनायखौ  
मुजिनां खालामनोल' साबगौ; जोंनि हादरनि  
आथिखाल सोलोंथाइ-खान्थियाव बेफोरखौ  
मोगथांआव मावफुंनायनि जेबो खाबुआनो गैया ।

सिगांआव जों जेरैबादि सावरायबोबाय,  
बे हिसाबै खालि फरायसालिनि बिजाबखौल'  
फरायनानै मोननाय गियानखौल' जों सोलोंथाइ  
होननानै बुंनो सानाखै; गुबुन गुबुन राहायै मोननाय  
गियाननि अनगायैबो बाइहा बिजाब फरायनानै  
मोननाय गियानखौबो हमफानाय जादों ।

सोलोंथाइनि बे बिथिंखौ सुफुंनो लानाय जायो  
बिजाबखुलि एबा लाइब्रेरी बिफान लाफानानै ।  
नाथाय सोलोंथाइ फसंथानफोरनि दि लाइब्रेरी,  
बेफोरनि बांसिनखौनो गुबै ओंथियाव लाइब्रेरी  
बुंजाया ।

बे आयदायाव बर'फोरनि थासारिया  
आरो जोबोद दुखु नांथावसिन । गैया गैया  
होनब्लाबो असमीया, बांला आरो हिन्दी रावारि  
फरायसाफोरनि थाखाय बाइहा बिजाबनि आंखाल  
गैया । नाथाय बर' फरायसाफोरनि थाखाय मोजां  
बर' बिजाबनि आंखालखौ गोसोखांब्लानो खर'  
साखाडो । गावनि राव-थुनलाइया राफोद  
जासान्दि, थोजासे बिजाब दिहुननो हासान्दि गुबुन  
जौगानाय रावखौ सोलोंफानानै बै रावनि  
बिजाबफोरखौ फरायनो हानायमोनब्लाबो  
खहाखौ द्दाम सुफुंनो हागौमोन । बेनि खाबुखौनो  
खालामनानै लानो जोंनि मेलेमआ सौहायाखैसै ।  
बेफोरनि अनगायैबो ओरैनो बर'फोरहा बिजाब  
फरायनायनि हुदाया गैखाथारा । जायनि जाउनआव  
बांसिन बर' फरायसानि गोसो-फैसालि (mental  
horzon) आ अरनो खाबु मोनाखै । आरो बेनि  
एंगारहायै गोहोमआ बर' समाज एबा हारिनि  
सायाव जेरै बादि गोग्लैगासिनो दं, बेयो इसेबो  
गोजोनथाव नड ।

जेब्लाबो फरायसा आरो सोलोंथाइनि  
सोमोन्दै सावरायनो लायो, अब्लानो जोंनि  
फरायसानि आखल-आखुखौ मुंख'फायो ।  
फरायनाय-लिरनायाव आखा-फाखा जानायजों

लोगोसे साफ्रोमबो फरायसानि आखल-आखुआ मोजां जानायखौनो बयबो लुबैयो । नाथाय बेनि थाखाय गुबुन गुबुन समाव फसंनाय कमिसनआ बोसोन होसेयावबो जॉनि सोलोंथाइ-खान्थियाव दासिम आखल दानायनि मोनसे आयदा (moral lesson) सोनानै होनाय जायाखै; बेखौ थारला नेवसिगारनानैसो दोननाय जादों । फरायसालियाव माखासे नेम-खान्थिनि गेजेरजों सोलिनो गोनां जायो होननानै फरायसाफोरा फोरोंगिरिखौ एबा गावनि देरसिनखौ मानिनाय, सोद्रोम राव बाहायनाय बाइदिसिना एफा-एनैखौ सोलोंनो हागौ । नाथाय बे बादिजोंल' बोसोनखौ बिसोरनि गोसोआव गो हाबहोनो हाया । मानोना फरायसालिनि आबहावायाव फरायसाफोरा घन्टाब्रै घन्टाबाल' थायो, दिननि बांसिन समावनो बिसोर फरायसालिनि आवथानि बाइजो समजानि आबहावानि गेजेराव थानानै मोननाय गियान-रोंगथिजों गावसोरनि आखल-आखुखौ बे रोखोमै महर होनायनि बांसिन खाबु मोनो । बेनिखायनो दुलाराय समाजआवनो फरायसालिनि आबहावा थानांगौ; आरो बे बादि आवहावाखौ सोरजिनानै होनांगोन समाजनि बयबो सुबुंआनो-फोरोंगिरि, बिमाफा, बिदा, बिब' बयबो ।

आथिखाल SEBA (Board of Secondary Education, Assam) आ आगोलनिफ्राय थाखानाय Scholastic area जों लोगोसे गोदाना non Scholastic area खौ गेवसारहोनानै फरायसानि आखल-आखुखौ

दानायनि थांखियै मोनसे हाबाफारि लादोंब्लाबो बेयो फोलोमनो हाजोबनाय नड ।

जॉनि बांसिननिनो नोजोर एरायबाय थानाय एबा नोजोराव गोग्लैब्लाबो खेयाल लाजायै बर' फरायसाफोरनि सोलोंथाइ लानायाव गसंथेनाय मोनसे गेदेर हेंथाखौ बेयाव मुंख 'वाब्ला जानाय नडा । बर' गथ'फोरा गुदि फरायसालिनिफ्राय थाखो जिसिम इंराजी आयदानि अनगायैबो गासैबो आयदाखौनो बर' माध्यामजों फरायो; बेनि उलथायै मेट्रिक पास जाखांनायनि उनावनो बिसोर हाइयार सेकेण्डारी आरो दिग्री थाखोआव बर' आयदानि अनगायैबो गासैबो आयदाखौनो इंराजी माध्यामजों फरायनो आरो लिरनो गोनां जायो । फोरोंगिरि जानानै जायफोर सोलोंथाइजों गोबाव बोसोर नांजाबफानानै दं, बिसोर मोजाडैनो मिथिगौ दि साफा-सानैनि अनगायै बांसिन फरायसायानो इंराजीयाव दुखु नांथावथाव जोबोद लोरबां गियान लानानैसो गोजौ फरायसालिनिफ्राय अंखारनानै हाइयार सेकेण्डारी एबा कलेजआव हाबहैयो । बे बादिनो इंराजी रावनि सायाव नांगौ रोखोमनि दखल गैथारैनि थाखाय गोबां बर' फरायसायानो आयदानि गियान थाब्लाबो इंराजी रावजों मोजाडै फोरमायनो हाया आरो बेनि जाउनआव बिसोरनि गोबांआनो आनजादआव उथिनो हायैनि गेजेर ससेयावनो सोलोंथाइ लानायखौ नागारनो गोनां जायो ।

बे जेंनाखौ इसेब्लाबो बोस्रानायनि राहा

हिसाबै बेखौनो बुंजायो दि दानि कारिकुलामआव जैरै दं, बेखौ लानानैनो इंराजी रावआव मोजां गियान थानाय (Competent) फोरोंगिरि थिसननानै, गैथाराब्लाबो फरायसालि एबा थाखो-खथायाव इंराजी सोलोंनायनि आबहावा सोरजिनानै फरायसाफोरनि गोसोखौ मोजाडै इंराजी सोलोंनो थुलुंगा होनांगौ। जॉनियाव, गाहाइयै गामि ओनसोलआ, गुबुन राव सोलोंनायनि आबहावा गैया, बेयो नंगौ। अब्लाबो इसे नाजायोब्ला बेनि फिथाइया आथिखालनि बादि गोसो बायथावथाव जानाय नड होननानै आं सानो।

गोरों-गोराफोर गोबां सावरायनानै बोसोन होसेयावबो जों गोसो होबाडै, नाथाय बुंनो थाडेब्ला बयनिखुरैबो गुदि आरो गोनांसिन मोनसे बाथ्राया जाबाय हिनजावफोरनि सोलोंथाइ। हिनजाव हारि माने बिमा हारि। बिमाया सोलोंथाइ गोनां, आखल-आखु गोनां नडब्ला फिसाखौ मानसि खालामनाया गोब्राब। जोनोमनिफ्रायनो फिसाया बिमाजों बांसिन गुलि गुलि थायो होननानै बिनि आखल-आखुखौनो लाग्रयो, आबो बेनि गेजेरजोंनो महर लायो गथ'आ मोजां एबा गाञ्जि मानसि जानायनि गिबि बिथा। जायनि सायाव इयुननि हायुंसा (Citizen) सासे गथ'नि मोजां जीउ दानाया इसिबां सोनारो, बि बिमानो मोजां सोलोंथाइ होनाया जाबोद गोनां आरो गाथार हाबा। मोनसे हारिखौ सोद्रोम खालामनाय आरो जौगाहोनायाव बिमा हारिया इसिबां

गोनांखायनोथ' बहुमनि गेदेमा सानसुमैफोरा ओरै बुंदों-

- (i) Give me ten good mothers, I shall shake the world. - Napoleon
- (ii) Men are what their mothers made them. -Emerson
- (iii) Education commences at the mother's knee, and every word spoken within the hear say of little children tends towards the formation of character. -Hosea Ballon
- (iv) For the hand that rocks the cradle Is the hand that rules the world. - William Ross Wallace.

गुवार गोथौ गबेषणा आरो सावरायनायनि गेजेरजों बेयो रोखायै फोरमान जाबाय दि हिनजाव हारि एबा बिमा हारिया मोजां सोलोंथाइ मोनाब्ला जायखि जाया हारि एबा समाजआ जौगानो हाया। नाथाय भारतआव सोलोंथाइ मोननाय हिनजावफोरनि हारआ जोबोद इसेल'थार; बेनि गेजेराव बर'निया आरो दुखु नांथावसिनबाव।

मोनसे हारिनि सोलोंथाइया बे हारिनि रांखान्थियारि हालोदनि सायावबो दूम सोनारो। बर'नि रांखान्थिया बुंनो थाडेब्ला फुरायैनो आबादनि सायाव सोनारनाय। लासैनो हानि हासार जामलांनाय, आबादथिलियाव दै सोनायनि मोजां राहा गैयै, दैनि थाखाय मौसुमीखौ नेनानै थानांनाय,

बिगियाननि राहा बाहायनो रोडै- बेफोर जाहोननि थाखाय आबादफोरा मोजां जालिया, जायनि थाखाय बर 'फोरनि रांखान्थियारि हालोदआ लोरबांनिफ्राय लोरबांसिन जाबोगासिनोदं । बेनि अनगायै बर 'नि खारलुं आखुआबो दायनि गिरि । साबसिन आरो बांसिन हा-हु मोननायनि मिजिं लानानै गावनि थाखानाय हा-हुखौ फाननानै गुबुन दाबसेयाव थांनानै हजोंबो खायदा-बुद्धि सौहायैलाय लाय-लथर खामाजोबना लानानै सिलिंखार जानाय जाथाइया दाबो जोबाखै । बेफोरनि जाउनआव रांखान्थियारि थासारिया गाज्रियै गोग्लैसोनायलाय गोबां बर ' गथ 'आ ससेयावनो फरायनायखौ नागारनाडे एबा मेलेम थासेयावबो गोजौ थाखोनि सोल्लोथाइखौ लानो हाया । बे बादि थासारियाव गोग्लैनानै आद्रि जालांनाय गोबां बर ' गथ 'फोर दं । बोसोर बोसोर बे बादि जालांबाय थायोब्ला बेयो बै गथ 'फोरनिल' नड हारि आरो समाजनिबो गेदेर खहा खालामगोन ।

जौजों लोगोसे बर ' हारिनि मुंआ गोदो-गोदायनिफ्रायनो सिथाबनानै दं । खाइसे बेखौ बर ' हारिमुनि एंगारहायै मोनसे हाबागो होननानैबो बुंग्रा जाबाय । नाथाय अगेन हारिमु (अपसंस्कृति) होननाय मोनसे बाथ्रा दं । बे बादि अगेन हारिमुखौ लानानै बुहुमनि रावबो सोद्रोम (Civilized) हारि होननानै गनायजायाखै । खाइसे जुगथि होनानै बुंनो हागौ दि बुहुमनि गासैबो हारियानो जौ लोडे । बाथ्राया नंखाय नड । अब्लाबो बारहावा, बोथोर,

सम, जायगा आरो माथ्रानि बाथ्रा दं । बर 'निया माथ्रा बारो । जायगा मिथिया, सम मिथिया सावरि-बादालिनि मुडै जौ लोडै लोडै फेनानै सान मिथिया हर मिथिया बुं-बुं रायलायनाय, हगदाउ-हसि दुम-दाखाल खालामनाय- बेफोर सानफ्रोमबो नुनाय बर ' नखरनि सावगारि । बेनि एंगारहायै जाउनआ समाजनि आबहावाखौ गुबुंले खालामनाय; गथ 'फोर फरायनायनि सम आरो खाबुखौ नड-फाड नष्ट खालामनानै होनाय ।

बांसिन बिमाफायानो गावसोरनि खामानि-दामानियाव मदद मोननो लुबैनानै गथ 'फोरखौ बाहायो । बे बादि खालामनो थांनायाव बिसोर गथ 'फोरनि फरायनाय सम (फुं आरो मोनाबिलि), एखनबा फरायसालियाव थांनाय समनि फारसेबो नोजोर होया । बेनि जाउनआव नांगौ रोखोमै फरायनो मोनैलाय बिसोर सोल्लोथाइयाव मोजाडै आवगायनो हाया, आरो खाइसे फरायसालिखौनो नागारनो गोनांसिमबो जाहैयो । बे बादि जाथाइया गामि ओनसोलआवनो बांसि जायो । बर 'फोरा गामियावनो बांसिन थायो जेब्ला, बे जाहोननि थाखाय जानाय खहायाबो बर 'खौ सोल्लोथाइयाव जोबोद उन खालामदों ।

बिगियाननि सोमो नांथाव जौगानाय आरो गोसारनायनि थाखाय दिनै दुलाराय सुबुं-समाजनि गोसोआव सोमावसारनायनि गोदान गुथाल फैदों । बेनि जाउनआव जीउनि फारसे आगुनि नोजोर आरो बेसेन-मोनदांथिया सोलायनानै गोदान महर लानो हमदों । गोजाम आरो गोदाननि गेजेराव



जायगा सेलायनायनि सौग्राव-सौसि जादों । गोदानआ गोजामखौ फुरायै नेवसिनानै जायगा लानो हमनायावनो सुबुं-सुमाजआव दिनै एसेबां गुलाय-गुजाय । देनि जराल गोहोमनिफ्राय बर' समाजआबो बारग 'नो हायाखै । जाय जेरैखि बुड मानो, जों बावगारनानै थानो गड दि गोजामखौ बिथा खालामनानैसो गोदानआ गसनानै थायो । सुबुं-सोदोमसिनि बेलायाव गोजामखौ नागारजोबनानै गोदानखौ गोदानै फसंफिननाया फारि-बेरेखाल' नड, बेयो मोगथांआव जाफुंनोबो गोब्राब । गैया गैया होमब्लाबो गुबुन हारिफोरनि बादि बर'नियावबो गोदोनिफ्राय सोलिबोनाय समाजारि फारि एबा खान्थि (Social order) दं । नखरनि गाहाइखौ मानिनानै सोलिनाय, गामिबोराइ (गाँवबुरा) आरो हालमाजिखौ मानिनानै गामि खुंनाय, बिसार-आसार खालामनाय बाइदि बाइदि- बेफोराव दिनै गागियैनो गुन सुनो हमबाय ।

गियान, रोंगथि आरो गोहो-बोलोनि जखायै हाबा मावफुंनायनि बिबान होनाय खान्थियानो समाजारि फारि एबा खान्थि । बे फारिखौ मानिनानै हाबा मावब्ला हाबाया मोजाडै जायो आरो समाजआव गुलाय-गुजाय फैनो हाया । मानोना बेयो बिगियानजों गोरोबनाय खान्थि

(Scientific order) । बैदिक मुगानि बर्ण-खान्थि बादियै सुबुंखौ ब्राह्मण, क्षत्रिय, वैश्य आरो शूद्र- बे मोनब्रै बाहागोआव राननायाबो बे खान्थिनि सायावनो फसंनायमोन । बे फारि एबा खान्थिखौ बिसोर लादोंमोन मिथिंगानिफ्राय । मोस्रोम आरो उरिनि समाजारि फारिया सोमो नांथाव, सोलोंथाव । अखांमानि ग्रह-नक्षत्रफोराबो बे फारि एबा खान्थिखौ लानानैनो गावजों गाव हमथालायनानै दं । नोजोर होनो गोनां दि बे बादि फारि एबा खान्थि जाय जाय समाजआव गैया, बिसोरनि गेजेराव गुलाय-गुजाय सोमजिनानै सोरजिनि बिखानिफ्राय बिसोर लासैनो जोबसांलादों ।

गोजौआव जेरै बादि सावरायनाय जाबाय, बेखौ नायनानै जाय जाय जाहोन, दाय-दस एबा गेना-खान्थिनि थाखाय जों सोलोंथाइ आरो समाज जौगानायाव गोग्लैसोनानै दं, बेफोरखौ बोसांनो थाखाय जों गावखौनो गाव बिजिर बिजिर नायनाय (Self criticism) नि जोबोद गोनां जानानै फैबाय । अब्लासो जों सांग्रां जानो हागोन । गावखौनो गाव, गावनि दाय-दस आरो गेना-गोरोन्थिखौ बिजिरनानै सांग्रा जानोरोडै हारिया जौगानो हाया ।

## बर 'नि दानाय-लुनाय आरो हारिमु

खनगिरि बरगयारी

आरिमु जेरजालि, 2थि बोसोर

बर' हारिनि गेजेराव फंसे बाश्रा दं "जाय हिन्जावा दानाय-लुनायाव आखाय गैया बे सिख्खाखौ रावबो हावा खालामा।" बाश्राया नंखाय नडामोन। गामिनि नखरफ्रोमावबो इसानसालि थाजोवनायमोन। दैज्लां बोथोरा थांखांनायनि उनाव मेसें बोथोरा सफैनाय लोगो लोगो नखर-नखर सि-सौनाय, नो खन्नाय, बेनि उनाव गान्दैयाव खुन्दुंखौ फान्नानै सालआव दानायमोन। गामियाव इसे हावब्लानो खाल्थां-खुल्थां माखु गाबनाय खोनानो मोन्नाय जायोमोन। आबै-आबौमोननि खुगानिफ्रायबो बे बाश्राखौ मिथिनानै मोनो। गोदो गोदाय खुन्दुंफोरखौ गाव गावनो बायदि रोखोमनि मुवाफोरजों गोमो-गोथां, गोजा-गोमो, गोमो-दाउदै बायदि रोखोमनि गाब गायोमोन। बेजोंनो गोदोनि बर'फोरा गावसोरनि हारिमुखौ सिनायथि होबोदों।

आथिखालनि जौख्लाबनाय मुगा एबा समाव बर' सिख्लाफोरा गावसोरनि दानाय लुनाय आदब खायदाखौनो बावलांजोबबाय। मानि थाखाय बर' आइजोफ्रा सि दानायखौ नागारबोखो बेखौबो गोथौयै सान्नांगौ जाबाय। दानि बर' आयजोफोरा हाथाय बाजाराव मोन्नाय गोजा, गोथां, गोमो बायदि गाबनि सि जोमखौसो

बायनानै गानसै। बेनि अनगायैबो हाथायाव मोन्नाय मनिपुरि, काश्मीरि साल बायदि बायदि सिफोरखौसो बायना जोमनायखौसो बांसिनै नोजोराव गोग्लैसै। बेफोर जेखियानो जायामानो माहारिनि हारिमु आरो आरिमुखौ फोथांना लाखिनायनि लामाखौबो लानांगोन। फालांगि बिथिंआवबो सि दानाया हेफाजाब होयो। सिनि फालांगि खालामनो माखासे आइजोफ्रा सिगांबोनायखौ नुनो मोन्नाय जादों। बायदि रोखोमनि उइथिं सेन्टाराव दखना-जोमग्रा बायदि बायदि सि दाना हाथाय बाजाराव फाननो लाबाय।

नाथाय आथिखाल गामिफोरनि सुबुंफोरनि हालोदा गाहाम थासारिनि नंलिया। जानाय लौनाय आरिखौनो जगायनो हायाबोला गान्नाय जोमनायखौ माबोरै जगायनो, जेरैखि जाया थांनानै थानायनि राहाखौ BTC नि दैदेनगिरिफ्रा गामिनि सुबुंनो होनांगोन। बेजों लोगोसे माहारिनि हारिमु आरो आरिमुखौबो फोथांनानै लाखिनांगोन। दासान्दि Bodoland Area फोराव हेन्डलुम एक्सप'नि बायनाय-फाननाय मेला जायो आरो बेनि गेजेरजोंबो गामिनि दानाय लुनायखौ फान्नायनिबो खाबु मोन्दों।

▲ ▲ ▲

## गोदान थुनलाइ सावरायनाय नोजोरजों कातिन्द्र सोरगियारिनि सानमोखाडरि लामाजों

फुकन चन्द्र बसुमतारी

लिरनाय आदबा थासारि गाहाइ । थासारिनि सायाव सोनारना जेब्ला फोरमायनाय जायो एबा लिरनाय जायो, अब्ला फोरमायथिया बै बै थासारिखौ एरखांनो नाजायो । थासारिखौ फोरमायनो एबा एरखांनो नाजानायाव रावा बायदिसिना महर लायो, बेखौ नांगौ जायो फराखौ खहाबगोनां आरो फरायथाव खालामनो । गमामायैनो मा बादि सोदोब एबा बाथ्राखौ लिरग्राया एबा फोरमायग्राया सायखना गावनि सोरजिखौ खहाबगोनां खालामगोन बेयो गाहायै सोनारो लिरग्रानि एबा फोरमायग्रानि राव बाहायनो हानाय गोहो आरो रोंगथिनि सायाव । लिरनाय आरिमुनि सोमोन्दै सावरायना सानथौगिरिया सानथौनि नोजोरजों गोबां थांखिनि बाथ्रा बुंदो-

1. बे आरिमु सानथौवा लिरग्रानि एबा फोरमायग्रानि थुनलाइ सोरजिनि आखु आरो महरखौ संजिरना दिन्थिनो नाजायो । बेखौ “discourse peculiarity” बुंनाय जादों । बे बिथिन्फ्राय नायोब्ला सानै लिरगिरिनि लिरनाय आदब थामहिनबा आरिमुवाव फारागथि महरखौ नुनो मोनो ।

2. जायखिजाया आरिमु सोरजियाव रंजानाय एबा रंजाहोनाय आखुखौ महर होनोब्ला फोरमायथियाबो बे बादि थाखोनि जानांगोन । बेनिखायनो लिरनाय आदबखौ गनायथाव एबा बाख्जायथाव खालामना फरायग्रानि गोसोआव गोसार होनो नाजानांगोन ।
3. समाज, सानथौ आरो थासारिनि आदबखौनो आलादा आखुथाइजों महर होनोबो हायो । बेखौ बिजिरना नायनाया लिरनाय आरिमुखान्थिनि थांखि ।

दानिया नुगोन, मोनफा बा थुनलाइ सोरजिनि फोरमायनाय रावखौ रावसानथौनि आदबजों बिजिरना नायब्ला लिरनाय आरिमु थामहिनबा आदब आरो थुनलाइ सोरजिनि थांखिखौ मिथिना मोनो । गोजौवाव मुंखनाय जादों, थुनलाइनि लिरनाय आरिमुनि सावरायनायाव राव बाहायनायनि फारसे नोजोर होनाय जायो आरो बे बाहायनाय रावखौ रावसानथौनि राहाजोंबो सावरायनाय जायो । नाथाय बेनि थांखिया बेयो जानो हाया जेराव

गासै दाथायखौनो रावबिगियाननि नोजोरजौल' संजिरगोन । गुबै थांखिया जादों, थुनलायाव रावनि गोहोमगोनां बाहायथिखौ बिजिरा नायनाय । गुबुन मोनसे बिदिड जादों थुनलाइनि लिरनाय आरिमुवा थुनलाइ बिजिरनाय आदबजों गोरोबो । थुनलाइनि आयदा एबा थांखिनि बाथ्राखौ एंगारना लिरनाय आरिमुवा गाहायै राव बाहायनाय एबा फोरमायनाय आरिमुखौसो बांसिन नोजोर होना बिजिरनो नाजायो । रावनि समायना बाहायथिनि गेजेरजों माबौरै थुनलायाव मोखथांखौ फोरमायनो एबा एरखांनो हायो बेनो बेनि सावरायनो गोनां मिरु आयदा ( focal area ) ।

गले गले बुंनाय जादों लिरनाय आरिमुवा लिरगिरिया सायखना लानाय आयदा, थांखि आरो थासारिनि सायाव सोनारो । बेनिखायनो थुनलाइ बिजिरिगिरिफोरा बुडे, "style as choice" । गिबियावनो बे बिथिंखौ कातिन्द्र सोरगियारिनि सानमोडरि लामाजों मुंनि सल 'मानि फोरमायनाय आरिमुखौ नोजोर होना बिजिरनो नाजानि । सल 'मानि सल 'बिथा (plot)नि फुंखाया सालबारि ओनसोल । सल 'नि फुंखाया नोजोम जादों सिमलिगुदि गामिनिफ्राय । सासे सेंग्रा देरफुनाय आखला गावनि उन्दै समनि नुबोनाय, मावबोनाय, थासारिजों मोगा-मोगि जाबोनाय उन-सिगां गासै जाथायखौ गोसोखांनायनि गेजेरजों सल 'मानि सलवा दावगादों । बे आखलनि मुड गेमसार । गेमसारनि गोसोनि

सानखांथिखौ फारि फारि फोरमायदों लिरगिरिया गाव मिथिखानाय बादि ।

सल 'मानि जागायनाय आयदानि राव खन्थाइनि खबामजों रिमोनला जादों । बुंनो हायो, बे रावा खन्थाइनि बाथ्रा ( ) । बे बादि रावा आबेगजों सोमोन्दो गोनां । आबेगा बांद्राय फुवा-फुवा निच्रायोब्ला, मिजिडारि सानस्रिया साग्लोबोब्ला फोरमायथिनि रावा खन्थाइनि रावजों आबिर गायो । सल 'मानि जुरिजेन्नायावनो सिमलिगुदि गामिनि सेंग्रा देरफुनाय गोमसार मुंनि आखला गावनि गामि खाथिनि धेमसि बिलो सेराव जिरायना सोनाब अखांथिं मोखां जाना मिथिंगानि सोमखोर सावगारिखौ नायहरनाय फोरमायथि होदों । बे थासारियाव सेंग्रा देरफुनाय आखला गावनि उन्दै बैसोआव रोमै-रोमै नागारबोनाय जिडनि बाथ्रा गोसोखांदों । लिरगिरिया आखलखौ बिफाव लाहोदों उदां गोजोन मिथिंगानि बेंखनाव । बेनिखायनो सलमागिरिया बे थासारिजों गोरोबनाय रावखौ सायखना लादों । सल 'मानि गिबि आयदानिफ्राय मोनसे फराखोन्दो (paragraph) सायखना बेनि रावखौ सावरायनो हायो ।

"..... अब्ला अखांनि सानजानिफ्राय सोनाब फैसालिथिं जोबोद लासै लासैयै बिरलांबायदंमोन फुदलुन दख्ला-दख्लि गुफुर आरो जारांब्रोम दाका दाका जोमैनि हानजाफोरा" (2002:1)

दैज्लांनि अखांनि सावगारि एरखांनो  
सलमागिरिया मोनसे फोरमायथि होदों,

“.....दैज्लांनि अखांन्लाबो थांनाय  
साननैया बोतोरा स्रां आरो सोरां । जाख्रिसेबो अखा  
हायाखै । सानन समाव हाव-हाव गुदुं आरो हरनि  
समाव हब-हब गरम । जिउआ गोजोना गोजोना  
खालौ-बिलौ मोनो । ख्लां-ख्लां दै गाडो’  
(2002:1)

गोजौनि बुंथिफोराव बाहायनाय गोबां  
सोदोबानो रिसारथि गोनां सोदोब, खबाम गोनां  
सोदोब । बेनि जाहोना जादों फोरमायथिया  
सावगारि आखुनि, आयदाया मिथिंगानि  
फोरमायथि होनाय । दैज्लांनि अखा हायि गुदुं  
थासारिखौ फोरमायनो बाहायनाय सोदोब हब  
हब गरम, खालौ-बिलौ, ख्लां ख्लां बायदिसिना  
सोदोब जथाया थासारिनि दाबियाव सायखना  
लानायसो ।

बे बादिनो सल 'मागिरिया आयदासेयाव  
जिबि आरो मिथिंगानि गेजेराव थानाय  
एंगारलायनो हायि आंगौ सोमोन्दोखौ दिन्थिनो  
मोनसे थासारि सायखना लादों । बे थासारिया  
धेमसि बिलोखौ मिरु खालामना महर मोनदों ।  
दैज्लांनि धेमसि बिलो जेराव दं उरि माइ, गोजौ  
गोजौ मेथेंगा । सोनाब अखांनि साननि सोरांजों  
बिलोनि दैया रुफा बादि ख्लाब-ख्लब मोदानदों ।

बिलोनि थासारिखौ रोखा फोरमायनो बेजों  
गोरोबनाय सोदोबबो सायखना लानो गोनां जादों ।  
गाहायाव दिन्थिनाय फोरमायथिया बेनि मोजां  
बिदिन्थि,

“.... खोलाहा नायहरनायसैं  
गोमसारआ । धेमसि बिलोथिं उरि माइ आरो गोजौ  
गोजौ मेथेंगाफोरखौ थोरोबजोबनानै हायाखैन्लाबो  
सोनाब फैसालियाव सैंहैनाय साननि सोरांजों  
धेमसि बिलोनि दैया ख्ला-ख्लब रुफा बादि  
मोदानखांदों । दाउब, मासलांखार, सिला, खायेम,  
दाउब हिस्त्रि हांसो सिलारि आरो मुं मिथियि  
हाग्रानि गोबां बाइदि बाइदि दाउजों लोगोसे दाउ  
गुलदुब मोन धेमसि बिलोआव” (2002:7)

आरोबाव धेमसि बिलोनि मोनसे  
फोरमायथि नायदों,

“..... सोमखोर सोमखोर उरि माइ आरो  
गोथां गाबनि गोजौ गोजौ मद' मद' मेथेंगानि  
गेजेर गेजेर भेल जावयै जावयै गोमसारमोनआ  
दाउ गुलदुब, खायेम आरो हांसो सिलारिनि  
बासाफोर नागिरनो हमनायसैं ।” (2002:20)

मोजाडैं नोजोर होब्ला नुगोन, गोजौनि  
फोरमायथियाव गोमसारमोनहा धेमसि बिलोआव  
भेल जावथिंना गेलेनाय, दाउ नायगिरथिंनायनि

रोखा सावगारि एरखांनो लिरगिरिया थासारिजों गोरोबनाय सोदोब बाहायनो नाजादों । फोरमायथिनि रावा थासारि गाहाइ । अदेबानि बे बादि फोरमायथि आरिमुवा सल 'मानि आयदानि उनफारसे सोलायलांगासिनो थादों । सल 'वा दावगालांनायजों लोगोसे जाथाय, थासारि आरो समनि दाबियाव लिरनाय आरिमुवाबो महर सोलायगोन ।

सल 'मानि आयदा ब्रैसिम गोबां जायगायाव गामिनि मिथिंगानि जोबोद रोखा आरो गुवार फोरमायथि होना थुनलाइनि फराखौ (literary test) फरायग्रानि गोसोआव नांसारहोनो नाजादों आबेगनि बिदैजों । बेखौ खालामनायनि गुबै थांखिया जानो हागौ थासारि आरो जाथायखौ फोथायथाव खालामनो नाजानाय । फोरमायथिनि मोनफ्रोमबो सोदोबा नुखानाय, खोनानाय थासारि आरो जाथायजों सोमोन्दो थाखानाय । मोनसे फोरमायथि दिन्थिदों,

“.... आवजार बिफांनि गुदिआव सोनारनानै दोननाय साथाखौ लानानै फिन खनसे सोनाब अखांनि फैसालिथिं नायहरबावनायसै गोमसारआ । आरोबाव गोबाव खालामाखिसै बियो । खोथियाथिलिआ आवजार बिफांनिफ्राय गोजानाव नड जेब्ला गामि आरो नखौ थांखिनानै आगान सुरनायनि सिगां सिगां खोथियाथिलिखौ आरोबाव फाखोसे गिदिंनानै खनसे

नायसाहैबावनायसै गोमसारआ” (2002:26)

सल 'मानि आयदा जिद 'सिमहालागै गामिनि मिथिंगा, जिबि-जुनार, आसारखान्थिनि गुवार फोरमायथि होदों । बे आयदासिम सल 'मानि सल 'वा जोबोद लासैयै दावगादों । मोनबे हांखुर गैया, जेंना-जेथो गैया । जानोहागौ बे बादि फोरमायथि आदबा लिरगिरिनि थांखिखानाय । मिथिंगानि गेजेराव जिउखुंनाय गामिनि मानसिनि जिउराहा आरो गोथों जिउखुंनायनि फोथायथाव सावगारि एरखांनो नाजादों । बेयो लिरगिरिनि थांखिखानाय फोरमायथि आदब । आरोबाव मोनसे मोखथां हारिमुवारि थासारि फोरमायना सल 'मायाव आबादरि नखरनि सावगारि एरखांदों,

“.... ननि सिथलाखौ मोनहैनायनि सिगां सिगांनो गोमसारआ नुहरनायसैदि बिफा दाब्लाया जिगाब गोराननि अरनि सायाव जिगाब गिसि, गोथां हाग्रा-बंग्रा जाबसिनना होनानै मोसौ गलिआव थुफा होदों मोसौफोरखौ थामफैजों आरजानायनिफ्राय रैखा मोनहोनो थाखै । थुफानिफ्राय फुवा फुवा ओंखारनाय उखुन्दैखौ दालाजों सिबथिंना होनानै उखुन्दैफोरखौ मोसौ गलिनि जेरैथिंबो गोसारहोदों” (2002:36)

आरोबाव दाबसे जायगायाव बाथौ दोहोरोमनि फारसे फोथायनाय, आसारखान्थि

फालिनाय बायदिसिनानि फोरमायथि होना सलमायाव हारिमुवारि थासारि सोरजिनो नाजानाया जानोहागौ लिरगिरिनि सायखना लाखानाय सोलो । 37 बिलायाव फोरमायदों ओरै,

“.... ओजोंहाय बिमा लाइसिआ खानाइ खेबुसारनानै सानजाहा बाख्रि मोखां सेरनि बाथौसालिआव गंसे आलारि बाथि फोजोंना लानानै हान्थु खेराइनानै बाथौ खुलुमबाय दं । एसे गोजौ फांसे जाखुमा बिफांजों लोगोसे फांथाम-फांब्रैसो थुलुंसि बिफां आरो जाथासि बिफांफोरबो दं । फुं-मोनाबिलि समाव बाथौसालिखौ गोथार दैजों लिरस्रानानै गोमसारनि बिमा बिलाइसिआ आलारि बाथि गंसे फोजोडे हान्थु खेरिनानै खुलुमो आरो आर 'ज मेथाइ रोजाबो ।” (2002:37)

बेल' नड, बे बादिनो आयदा 16सिम हारिमुवारि थासारिनि गोबां फोरमायथि होदों । सल'मानि सल' आरो जाथाय फोरमायनो बे बादि आदब बाहायनाया जानोहागौ सल'मानि गेजेरजों बर' समाजनि जिउखुंनायनि सावगारिखौ लिरथुमनानै दोननाय । जानोहागौ बेयो लिरगिरिनि थांखिखानाय । गोमसार, गोमबोर, सायखंमोनखौ उन्दै बैसोनिफ्राय सेंग्रा बैसोसिम गामिनि थासारिनि गेजेराव थाहोना मुखुब जाहोदों, सानहोदों, जिउजौ मोगामोगि जाहादों । बेखौ मावफुंनो थांनायाव लिरगिरिया गोलाव समफारि सायखना लानांगौ

जादों ।

कातिन्द्र सोरगियारिनि सानमोखाडारि लामाजों सल'मायाव सल'नि जाथाया लासै लासैसो खारदों । बेनि जाहोना सल'मायाव गोलाव गोलावै फोरमायथिनाय थासारिनि सावगारि । बेयाव आखला जेंना-जेथोजों मोगामोगि जाहोनायनि रोखा फोरमार्याथि गैया । अदेबानि 19 आयदानिफ्राय आखलखौ इसिं हेंथाजों दान्दिफा दान्दिफा मोगामोगि जाहोना बिफाव लाहोदों । बे आदबा सल'मानि सल' आरो जाथायखौ एसे गोखों लामाजों दैदेनलांदों । एसेल' फोरमायथिनि गेजेरजोंनो समाइसि आखलखौ इसिं हेंथाजों मोगामोगि जाहोना जोंसारहोना नाजादों । बे फोरमायथिया समाइसिनि गोरबोआव सायखंनि फारसे गोथारै गोसोथोनाय आरो बेनि खैफोद फिथायनि उन थासारिनि इसारा होना हादों । गमामायैनो आखलनि गोसो इसिंनि सानसिखौ नायबिजिरनो नाजादों । बेखौ खालामनो लिरगिरिया समाइसिखौ मोनसे गिलि बालु सिमां नुहोदों, सिमाड बारहुंखाजों मोगामोगि जाहोदों, दैमा बारहोना नाजादों, गिलुबालु जाहारबारिजों आगान सुरहोदों बायदि बायदि । दानिया मोनसे फोरमायथि नायदो,

“..... हसिखाव हसिखाव समाइसिनि गारांआ थेरलांनायसै । दैमानि दैआ फार लोमसावनानै बोहिनो लानायसै । देनि दाहारजों

बुखारजाबोनायसै बारहुंखाजों गुबुनाय दंफां-  
लाइफां। गिनायजों थोर थोर, लोहो लोहो  
खमफिनायजों लोगोसे समाइसिनि बिखाया  
मावग्लुंनायसै। बेखौ साननानै समाइसिआ गावनि  
गोसोखौ बुरखायनो नाजानायसै- 'उन्दै  
समनिफ्रायनो लावदांगिनि दैआव सानसिना  
देरबोदों। दै दाहारनि गुथाल आरो फाखनजों  
समाइसिआ थैनो हाया थैया, नंगौ थैया....'  
(2002:157)

सिमाडव नुहोदों, माबोरै खैफोदनि  
बुलियावबो सायखंआ समाइसिखौ गाबजिहरदों  
आरो बुंदों बे बादि रावजों "फै आंनि अनजालि  
समाइ, आंनि बिखा गेजेराव फै। गिनांया  
अनजालि। ..... नों खोनाहैआखै नामा  
समाइ..... दैमाखौ माबरै सानसिना बारनानै नों  
आंनि नैबे फारसे फै।"(2002:158)

आरोबाव सिमाडव नुहोदों, "दैआव  
आथें थोंसेखौ खोख्लैनाय लोगो लोगो हरखाबनो  
बागदावनायसै बियो। एफा बरफबादि गुसु दैमानि  
दैआ ? आथेंआ दैआव नांनाय लोगो लोगो गुसु  
सुहाबनाया आथेंनिफ्राय समाइसिनि खर'  
थिखिनिसिम सहैनायसै..... (2002:158)।

बेनि उनाव हरखाब सिरिमोननानै  
समाइसिया थोर थोर गिनायसै। बिखाया ग्लुब  
ग्लुब मावग्लुंनायसै। सोरांसि समनि सिमां। सानै

सानै गिनाया बांसिननायसै। लिरगिरिया  
समाइसिखौ गिलुबालु सिमांजों मोगामोगि  
जाहोनाय फोरमायथिनि गेजेरजों बिनि उना  
जिउनि खैफोदनि इसारा होनो नाजादों। सल'  
थुनलायाव सिमांनि फोरमायथियाबो माब्लाबा  
सल'नि जाथाय आरो आखलखौ बिफाव  
लाहोनायाव हेफाजाब होयो। कातिन्द्र  
सोरगियारियाबो गावनि सल'मायाव बे खाबुखौ  
लादों आरो बाहायदों। गमामायैनो बे बादि खाबुनि  
गेजेरजों समाइ आरो सायखंनि आखलनि  
psycholgical treatment खालामनो  
नाजानायखौ नुयो।

सल'मानि जोबथा आयदा 25नि  
फोरमायथिया फावथाइनि थासारिजों समायदों।  
आखलफोरखौ फावथाइनि थासारिजों दावगाहोदों  
हरखाबै। बेयाव मोननै जाथाय आरो सल'नि  
गोखै दावगानायखौ आरोबाव गोखैसिन  
खालामनो आखलनि बिफावखौ हरखाब गोखों  
खालामदों। बेनि गासै थासारिया फावथाइ आखुनि  
(dramatic)। एसे सिगाडव मोननै जाथाय आरो  
सलनि बाथा बुंदोंमोन। लिरगिरिया गोमसारनि  
गोथार जुलि, जुलिया गोबाव जानाय, गोमसारनि  
अनजालि हायनाया गोसो बोदोर जाना दाहाजों  
हरखाब सुथि गोमानाय, बिखौ मेडिकेलाव  
लांनाय, गोमसारा गावनि लोगो सायखंखौ  
थैनायनिफ्राय फोथांना फिनो हायनाखौ जुलि लानो  
सोरांसि सोरांसि समाव गुवाहाटीसिम



दावगालानाय आरो गुबुन फारसेथिं सायखंनि अनजालि समाइसिया सायखंनि खैफोदनि गुमुखौ गोमसारनिफ्राय मोनना बोदोर गोसोजों जिउनि अनसेमा सायखंखौ मोननो हांखुरै आइलि-जाइलि खारलांदों सानमोखाडारि लामाजों । सल 'नि जोबहैनाय, जोबनानैबो जोबाखै आखुनि । फरायग्रानो इसारा थामहिनबा सानना लानो खाबु होदों सल 'नि जोबथाया गोजोन ना दाहा बेखौ मिथिनो । समाइसिनि मिजिडा जाफुंगोनना ना जाफुडा आरो फारसेथिं गोमसार आरो हायनानि मिजिडाबो जाफुंगोनना जाफुडा बे जाथायखौ दिन्थिनो सलमागिरिया मोनसे फोरमायथि होदों औरै,

“..... दुब्लि गेजेरनि गाहाय-गोजौ, हाथर आरो फिसा फिसा लामाफोराव सौग्राव-सौसि निहिरजों सिग्लाबनानै थानाय दुब्रि हाग्राफोराव गाद्लिनबायनानै खुग्लुबहां खांग्रांहां जाब्लाबो समाइसिआ थांखिनि नोजोर खुलिखौ होसोनानै खारबाय थानायसै । ओजोंहाय गंथाम टेक्सि आरो गंनै बासआबो उन-उन सोदोबजों फुंबिलिनि समनि निजोमथिखौ फोजानानै खारदों थांखिनाय खुलिखौ होसोनानै । खारदोंस खारबायल थादों सिगां फारसे । गावनि थांखिखौ होसोनानै रिउ रिउ सिगां फारसे..... । गंथाम टेक्सि, गंनै बास आरो समाइसिआ सामोखांआरि लामाजों खारदों..... ।”

कातिन्द्र सोरगियारिनि सल 'मानि लिरनाय आरिमावाव मोनसे मुंखजाथाव आखुथाइ मोनबावगोन । नि बिदिन्थि दं कातिन्द्र सोरगियारिनि सल 'मानि रावाव । गाहायै सोदोब बाहायनाय, बाथा दाथाय आरो सोदोबाव ओंथि सरजाबनाय बिथिडाव (lexico-semantic level) नायनो गोनां फोरमायथि मोनगोन । गोदोनि बरपेटा जिला आरो मानगोनां बर' राव, जायखौ सोनाबारि बर' रावसा बुंनो हायो बेनि मोनसे जथाइ बाहायनाय मोनगोन कातिन्द्र सोरगियारिनि सल 'मानि रावाव । मोनसे बिदिन्थि होना सावरायनो हायो । जैरै:

“..... बियो गोमबोरनि आखाइनिफ्राय उदां मोननो थाखै गावनि फिसा फिसा नाथाय गोलाउ गोलाउ आंथेफोरखौ जोब्राबबायदों आरो गां सुथियि गांखंफोरखौ बुब्राब बुब्राब सिब सिब होननानै गावनि गोलाउ खुगाखौ जेसे गुवार गुवार फुवारनो हायो एसेबां गुवार फुवारनानै गाबदों । आगसि आखाइआव दाउ गुलदुब फिसाखौ लानानै आरो दैनफ्राय भेल सायाव उथिजोबो नाजायै नाजायै गोमबोरआ बुंनायसै: फालोसेथारमोन । मासेल हमनो हाबाय । (2002:21)

बे फोरमायथियाव थाखै, आर्थे, उथि, जेसे बायदिसिना सोदोबफोरा समाजारि थासारिनि

गोहोमाव लिरगिरिनि रावव हाबफैदों। बे बादि सोदोबनि गोबां बाहायनाय सल'मायाव दं।

सरासनम्रायै बाथ्रा बुंब्ला जॉनि रावाव मावग्रा-मावजाग्रा-थायजा गोनां बाथ्राया गनायजाथाव। नाथाय सलमानि एबा थुनलाइनि फोरमायथियाव बेखौ गनायना राव बाहायनाय जाया। बेनि जाहोना जाबाय फोरमायथिखौ मोखथांजों गोरोबहोना आखल आरो थासारिखौ फोथायथाव खालामनो नाजानाय। गोरा खान्थिनि फोरमायथिनिखुइ गुरै आरो सरासनम्रा खान्थिनि फोरमायथिया फरायग्राखौ बांसिन खाथिसिनाव बोना लाबोनो हायो। बेनि थाखायनो जानोहागौ कातिन्द्र सोरगियारियाबो रावाव-गुरै थामहिनबा थासारिजों गोरोबनाय रावखौनो बाहायदों। मोनसे बिदिन्थि नायजायो,

“..... आगोथियायै गफायनाय दाउ गुलुदुब फिसाया सायखंनि आखाइ मोजोमाव जोब्राबबायथानायसै। बिनि दुलुर दुलुर फिसा फिसा आरो गोजा गोजा मेगन थाइनैआव जेनो अरसो जोंदों। सायखंनि मेगनथिं थि थि नायहरनानै, गावनि गोलाउ गोलाउ नाथाय फिसा फिसा आर्थे थोंनैजों जोब्राबै जोब्राबै आरो गां सुथियि गांखं मोननैखौ बुब्राबै बुब्राबै सिब सिब होननानै गाबै गाबै दु गुलुदुब फिसाया जेनो सायखंखौ बुंदों, हगार हगार लांसुनियाफोर आंखौ हगार।” (2002:22)

बेयाव गोथों बाथ्राल' नडा, जथाइ बाथ्रा दाथाइ (conjoining structure) आरो जेंना बाथ्रा दाथाइबो (embedding structure) दं। बुंबोखानाय जादों, बेखौ खालामनो गोनां जादों जाथायखौ रोखायै फोरमायथिनो। थासारि आरो जाथायखौ साबसिनै फरायग्रानि गोसोआव नांसारहोनो मोनफा सोदोबखौनो गले गले बाहायनाय आदबा गेजेर गेजेर सल'मानि फोरमायथिखौ समायना आरो गेबें खालामदों। बेयो मोनसे थाखोनि सोदोब गहेना, जायखौ बिखनले थामहिनबा अनुप्रास (alliteration) गहेना बुंनो हायो। राव बाहायनाय आरिमुखान्थियाव बे बिथिंखौबो सावरायनाय जायो कातिन्द्र सोरगियारिनि सल'मायाव बे आरिमुखौ मोनो। मोनसे दाहागोनां आरो आबेगिक थासारिखौ फोरमायथिनो बिखनले गहेना बाहायदों औरै,

“बिनि दुलुर दुलुर, फिसा फिसा आरो गोजा गोजा मेगन थाइनैआव जेनो अरसो जोंदों। सायखंनि मेगनथिं थि थि नायहरनानै गावनि गोलाउ गोलाउ थानाय फिसा फिसा आर्थे थोंनैजों जोब्राबै जोब्राबै आरो गां सुथियि गांखं मोननैखौ बुब्राबै बुब्राबै सिब सिब होननानै गाबै गाबै दाउ गुलुदुब फिसाया जेनो सायखंखौ बुंदों, हागार हगार लांसुनियाफोर, आंखौ हगार” (2002:22)।

बेयाव नोजोर होब्ला नुयो, दुलुर दुलुर, फिसा फिसा, गोजा गोजा, थि थि, गोलाउ गोलोउ, सिब सिब, गाबै गाबै, बुब्राबै बुब्राबै बायदिसिना सोदोब जरानि बाहायनाया फोरमायथियाव सानस्रिनि रिसारथि सोरजिना होदों, मोनफ्रोमबो सोदोब जरा फिन रिसार सोदोब (reduplicating word) फोरमायथिनि थाखाय जा बादि थासारि आरो जाथायखौ सायखना लादों बेजों सोदोबफोरा गोरुबदों ।

राव बाहायनायनि बिथिडव आरोबाव गुबुन मोनसे आदब नुबावो । नेरसोन गोनां सावगारि आखुनि फोरमायथिया सल'मानि दाबनैसो जायगायाव फरायग्रानो गोदान खराग होदों । बिनि फोरमायथिखौ ओंथिखान्थिनि आदबजों बिजिरोब्ला गोथौ ओंथि संना मोनो । गिबियावनो समाइस्रिया सिमाडाव नुनाय गिलुबालु जाथायनि फोरमायथि होना बेनि सोमोन्दै सावरायनाय जादों । सिमांखौ सलमायाव बाहायदों आखलनि गोसो सिडव जावरिखांनाय

बायदिसिना सानस्रिनि गुमुर होनो । गोसो नायबिजिरसानथौनि हेफाजाबजों फोरमायथिखौ बिजिरोब्ला बाहायजानाय सोदोबफोरनि ओंथि (associative meaning) बेरखांनाय नुनो मोनगोन ।

आयदाखौ सावरायनायनि गिबियावनो नैजि जौथाइनि गोदान बिजिरगिरिफोरनि (New critics) थुनलाइ बिजिरनाय सानथौनि सोमोन्दै एसे फोरमायनाय जादों । थुनलाइ सोरजिनि आयदानिखुइ बेयाव बाहायनाय रावनि गोहोमा माबोरै फरायग्राखौ मुहिना गोसो रिमोनला खालामनो हायो, आरो रावा फरायग्रानि गोसोआव मा बादि अनसायजायो, बेनि सायावसो मोनफा थुनलाइ सोरजिया बेसेन मोनो । थुनलाइनि आरिमुखान्थिनि बाथ्रा सावरायनायाव रावनि गोहोमनि बाथ्रायाबो गुवारै सावरायजायो । आथिखालनि बिजिरगिरिफोरा बे बिथिंखौ जोबोद नोजोर होना सावरायो ।

### हेफाजाब बिजाब:

1. Peter Stockwell & Sara Whiteley. (2015). the Cambridge Handbook of Stylistics. New York: Cambridge University Press.
2. R. Fowler. (1986). Linguistic Criticism. Oxford: Oxford University Press.
3. ....(1977). Linguistic and Novel. London: Methuen.

## लाइमोन सम आरो बेनि बाहायथि ।

बिलिफां महिलारी

आरिमु जालिया, सेथि फरायसम

सुबुं जिउनि बयनिखइबो बेसेन गोसासिन सानानो जादों लाइमोन सम । बे समानो जादों गावनि जिउखौ दानानै लानायनि गुबै सम । जाय बे समाव आनदायनानै थागोन, बियो गासै जिउआवनो दुखु-दाहाजों गफबनानै थानांगोन ।

गोबांथार लाइमोनफोरानो लाइमोन समनि बेसेननि बागौ मोनथिया । बे लाइमोन समाव जाय गावखौ हमथानानै सोलिनो हागोन बियो गासै जिउआव जाफुंसार जाहैनो हागोन । बेनि उल्थायै जाय गावखौ हमथानानै सोलिनो हानाय नड; बिसोर जिउआव दुखु-खष्ट 'जों मोगा-मोगि जानांगोन ।

लाइमोन समा गोरलै औवा बादि । गोरलै औवाखौ जों जेरै गोसो एरै फेदेबनो हायो; बेनि उल्थायै गोरा औवाखौ फेदेबनो नाजायोब्ला बायनानै थाडे । लाइमोन समाव जों जोंखौ जोंनि गोसो बादि दानानै लानो हायो । अदेबानि लाइमोन समा बारलाडेब्ला जों जोंखौ मोजाडैदानो हानाय नड ।

थांखानाय समा गोदानै फैफिना । बेनि फारसे लाइमोनफोरा साननानै नायनांगोन । समनि हाबाखौ समावनो फोजोबनानै लानो नाजानांगोन । आरो जाय लाइमोन समजों गोरोबनानै सोलिनो हानाय नड, बियो गासै जिउआवनो दुखुखौ बजबनानै लानांगोन ।

गोबांथार लाइमोनफोरानो बिमा-बिफानि नोजोरनिफ्राय जानगाराव थानानै सोलिनो नाजायो । बेफोरनिनो सोरबाया मोजां आरो सोरबाया गात्रि लामाजों आगान सुरलांनो हमो । जाय लाइमोनफोरा गावनि बिमा-बिफाजों लोगोसे गावनि नखर आरो माननि बागै साननो रोड, बै लाइमानफोरा गात्रिनि लामाजों आगान सुलरांनो हमो आरो गावनि जिउ दानायनि राहाखौ फोजोबनानै लायो । बेबादि साननायखौ लाइमोनफोरा नागारथारनांगोन ।

गावखौ हमथानो हायैयाव गोबांथार लाइमोनफोरानो फेग्रा बेसाद बाहायग्रा जालांनो हमो । बुंनो थाडेब्ला फेग्रा बेसाद बाहायनानै जेबो

मुलाम्फा जाया मानोना बिदि खालामनोब्ला गावनि देहाजों लोगोसेनो रां रुपायासो जोबसांलांनो हमो। बेनिखायनो साफ्रोमबो लाइमोनफोरानो बेफोरनि बागै साननो रेंनांगोन आरो फेग्रा बेसाद बाहायनायनिफ्राय जानगारनांगोन।

मोजां लोगो सायख'नानै लानाया लाइमोन समनि मोनसेबाव गोनांथार हाबा। गोबांथार लाइमोनफोरानो गाज्रि लोगोजों लोगो जाफानानै गाज्रि हाबा मावनो सोलोडे, आरो माखासे आरजाथावै राव बाहायनो हमलाडे। बेफोरनि फारसे लाइमोनफोरा सांग्रां जानांगोन। सोरबादि लोगोआ नोंखौ नोंनि जिउ दानायाव हेफाजाब होनो हागोन। बेबादि लोगोखौसो सायख'नानै लानांगौ। बेनि उल्थायै सोरबा लोगोआ नोंखौ खहा खालामोब्ला एबा बिनि आखुवा मोजां नडाब्ला बेबादि लोगोनिफ्राय जानगारनो नाजानांगौ। मानोना बेबादि लोगोजों लोगो जाफायोब्ला सानसे समाव गेदेर खैफोदावसो गोग्लैनो गोनां जागोन। आब्रुथि लाखिनो सोलोंनाया लाइमोन समनि मोनसेबाव मावनांगौ हाबा। गावनि मोनफ्रोमबो हाबायावनो आब्रुथि लाखिनो रेंनांगोन। आब्रुथि लाखिनाया जोंनि जिउखौ गोजोन सुदेम खालामो। गेलेनाय, फरायनाय गासैबो बिथिडावनो आब्रुथि लाखिनो सोलोंनांगौ।

बिमा-बिफा आरो जोंनि देरसिन सुबुंफोरा जोंनि अरायबो मोजां हास्थायो। बेनिखायनो गावनि देरसिन आरो बिमा-बिफानि मोजां बोसोन बादियै सोलिलांनो हायोब्ला जिउआव सुखु गोजोनखौ मोन्नो हायो। बेनि अनगायैबो गावनि देरसिनफोरखौ मा होनाय आरो उद्वैसिनफोरखौ अननाय आरो बिसोरखौ मोजां लामाजों आगान सुरलांनो दिथा होनाया साफ्रोमबो लाइमोननिनो मावनां हाबा।

गोबांथार लाइमोनफोरानो गावनि गाज्रि साननाय हनायखौ सुफुंनो दुथां जालांनो हमो। नेमखान्थिफोरखौ मानिनानै सोलिनो हाया एबा बेफोरजों सोलिलांनो गोब्राब मोनो। बेबादि फरायसा लाइमोनफोरा जिउआव जाफुंसारनो हाया। गोबांथार लाइमोनफोरानो गुबुननि गाज्रिखौ नुनानैबो नुयै बादि खाना जानानै थायो नाथाय बेयो लाइमोनफोरनि मावनां हाबा जानो हाया। गाज्रिखौ नुयोब्ला बेफोरखौ होबथानो नाजानांगोन आरो बेफोरखौ होबथानो थाखाय देरसिन सुबुंनि हेफाजाब लानांगोन। बबेखानि होबथानो नाजायाब्ला बेबादि गाज्रि हुदाखौ बयबो सोलोंगोन आरो उनाव होबथानो गोब्राब जागोन। बेनिखायनो सोरखौबा गाज्रि हाबा मावनाय नुदोंब्ला बिखौ थाबैनो मोजां लामाजों लाबोनो नाजानांगोन।

गेलेमनाय बिफांखौ बयबो दानो।

बेबादिनो समाजाव जुदि लाइमोनफोरनि गाञ्जि  
हुदाफोरा बांलांबाय थायोब्ला जॉनि समाजा सानसे  
समाव गोग्लैसोलांगोन आरो गोग्लैसोलाडोब्ला  
गुबुन हरिया जॉनि समाजाव आगान होगोन आरो

जों गुबुन हरिनि सिं जानानै थानांगोन । बेनिखायनो  
बेफोरबादि थासारिफोरा जाहाथे इयुनाव जाया,  
बेनि थाखाय लाइमोनफोरा सांग्रां जानांगोन आरो  
मोजां लामार्जों आगान सुरलांनांगोन ।





## नारजि कारि

तमसिं ब्रह्म

आदै..... ओइ आदै ..... आदै ..... ।  
बेरे फुंजानि बबेयाव थांखो बेलाय । मादै, आदैया  
बबेयाव थांदों ?

लेट्रिनाव थांदोंमोन । एथ' गोबाव जाबाय,  
दाबो ओंखारा । उदैयासो गाज्जि जाजालायखो ना  
माखो ?

हा मानोथो गाबज्जिलाबाय थाया ?  
लेट्रिननिफ्राय ओंखारनानै बुडे आदैया, खिबाबो  
सुखखौनो खिनो मोना नोंसोरजों ।

आदै, आयं मेरगा मोनहा अमा  
सि..... । आंखौ बुंस्लाबहोवालासे थाब  
बारस'नानै बुडे आदैया - हा बेखौनो सोंलायनांगौ  
लायदो । बे गस्ला गुफुरनि सिफियाव दंमोन.राड,  
फवासेल' लाबोदो । आग्लायनाय रांया लाबोफिन,  
आंहा दा टाउनाव थांनांगौ । रांखौ बाहायजोबजानो  
गिनानै आदैआ आंखौ अवार्नि हरखादों । बाहाया  
नड आंबो बाहायो नालाय मबाइल रिसार्ज  
सोनाय, नेट फेक सोनायफ्राव ।

दे जागोन दे होन्नानै आं गोख्रै  
ओंखारबोयो ।

अमा बेदरा न'आवनो खावसे

बाहागोआनो जोबखानोसै । गामिनि अमा बयबो  
जानो मोजां मोनो । मेजेम मेजेमखौ फवासे लानानै  
आं गोख्रै फैफिनो ।

मादै नै माजों सडो, मेजेम मेजेम  
लाबोथारबाय आं ।

हनै नारजिजों जानो नो, मासिग्राब गोथाव  
मोनो बेहा ।

दे होमबालाय संदो नारजिजोंनो ।

आइ-आफा गैयैनिफ्राय आदैजों  
थाफानाया आं दिनैसिम बोसोरनैयानो जाबाय ।  
आदैखौ आं सानसेबो दिनै संख्रि नाडाख्रै, बानलु  
बारां जादों, खारै बाबदों आरिदों होननाय  
माब्लाबाबो खोनाफेराख्रै आरो माब्लाबाबो  
खोनानायबो नडगोनदां । मादैया जिबादि ओंखाम  
ओंख्रि संनो गोरों, बेखौ आं लिरनानै बुंफुजोबनो  
हानाय नड । जाय मोनजागोन बेसो मिथिगोन,  
मादै ओंख्रि संनाया बेसेबां गोथाव जायो ।

बाबु बिफा, ओंखाम खुरबाय नै । प्रियम  
नोंदाया लेंबोदो ।

आदैया खबसे ओंखाम सोहांल'  
जादोंमोन । मादैया बागदावलायनाय बुडे - आया

बावदोंसो, बाबु बिफाया खामानि गोनांआवनो नारजि कारि जालांनोसै, खामानिया जाफुडानो।

बे नारजि कारियालाय खामानिजों मा सोमोन्दो दं जाखो ? जामिबि जाम्बिलाय। आदैया बुंबावो - बिगियान मुगायावबो दासिमबो खोमसि फोथायबावो नों।

आदैया नारजि कारि जायालासे थागोनदाबि, बेबो अमा बेदरजोंसो संबावनाय। नारजिजों अमा बेदर कारिजों थेब्रे जाखांनानै टाउनाव थांनो देलाइयो आदैया। गस्लाया सार्ट आखाय गोलाव, लंपेन्टआ जांलाबलाब। आथिखालनि सेंग्राफोरनि बादि मोदोमजों सिथाबथारनाय नडा मोस्रोम मासे हाबजालांलायलायै। गोदोनायाव आर'नाय गांसे लानानै जलंगायाव गाव लिरनाय लाइजामखौ सोनानै साइकेल बोराइखौ बेल दामस्रानानै ओंखाबोयो आदैया टाउन फारसे।

बेलासिनि थाम रिंगासो जाबायमोन जानांगौ। एम सायाव गोलांनानै आं फेस बुक नायनायाव मुजिफुथरदों। बे समावनो आं आदैखौ सोरखौबा हब्रा-हब्रा रायनाय खोनायो। मादैजोंसो नांज्लायखो ना माखो आं मोजाडै थाल खालामो, अब्लासो आदैनि फंफ्रोमबो सोदोबा आंनि खोमायाव हाबफैजोबो। आदैया आंखौसो बुंगासिनो दं।

बोरो नोंसिनि बर' रावआ आसामनि लोगो सरकारि राव जानायालाय। हनै माथो BTC

सिडाव थानाय अफिसफोरावनो बाहायजाया आरो आसामनि खोथाखौलाय मा बुंबावनो ? बाद दे नगेन। आदैखौ आं गुरैयै बुजायनो सान्दोंमोन बर' रावखौ लोगो सरकारि राव जालायनायनि उनावबो दासिमबो मानो मोजांयै बाहायबोयाखै। नाथाय आंहा जोंब्लावनाय अराव घि लुसोमना होनो गोसो गैयामोन।

आदैया आंखौ एफाग्राबमानि रागा जौनाय नडामोनगोन दां। सिबाय आदै! फिसाज्ला प्रियमखौ इंराजी बिजोंआव हगारनो गोसोथारमोन। आंनि ब्रा-ब्रा बुजायनायावसो। बेनिनो खिथेर होखारखो ना माखो, आं बारा बुजियाखिसै।

आदैनि सिगाडव आं सम-सम दुगायै बुंबोदोंमोन - नायदो आदै, बर'फोराबो फेर मारिनो हाबाय। बर' रावआ आसाम हादाबनि लोगो सरकारि राव महरै गनायजाबाय, भारत संबिजिरनि 8थि फारिलाइयाव हाबबाय, इं 2005 माइथायनिफ्राय बर' थुनलाइगिरिफोराबो भारत सरकारनिफ्राय साहित्य एकाडेमि बान्था मोननो हाबाय। आरोबावसो नै बर' बिजोंनि आलादा बिथोनगिरियाबो बावैसोनि उनावनो जासिगोन। बुंनो थाडेब्ला बर' रावआ गोबां जौगाबाय। (?) नाथाय जोंसो बर' रावखौ दाबो सिनायनो रोडखै। गाव गावनि फिसाफोरखौ इंराजी बिजोंआव फरायहोयोब्ला गोरोंसिन जागोन सान्नाय, बेफोर थारैनो गोरोंन्थि साननाय आदै। जोंनि राव,



धुनलाइ, हारिमुखौ गुबुना फोथांनानै लाखिया,  
जोनो फोथांनानै लाखिनांगोन आदै। सिबाय,  
आदैया मोदै गफ्राम लायोमोन।

नाथाय बर' रावआ आसामनि लोगो  
सरकारि रावलायब्ला, अब्ला मानोथो BTC नि  
सिडव थानाय अफिसफोरावनो बाहायजालायै  
जाखो? बाथाया साननोल' गोनां गैया,  
मावनांगौबो गोबां दंबावो

अखानायै आं मादैनाव सोडे - मादै,  
आदैया मैया मानो रागा जोंदुबाया?

ए, माबा.... दरखास्त' ना एप्लिकेसन  
होनो, लिरना लांदोंमोनो बर'नि, अफिसारजों  
लाखिजायाखैनो। मा मा बुंहरजाखो बेबा?  
खामानि गोनांआव नारजि कारि दाजालां  
होनखाथारदोंमोन आं, खोथाखौनो एसेबो  
खोनासडनालाय।

आदैनि एप्लिकेसन लाखिजायैया नारजि  
कारि जालांनायनि दाबि .....? आं गोसो  
सिडवल' सानना थायो।





## गोजोन सुदेम

आलारि बसुमतारी  
आरिमु जालिया, बाथि फरायसम

फुंनि 7.00 बाजिनोसै थाबैनो इन्टारसिटि ट्रेन हमनांसिगौ हाखु दाखु बिमा बिफाजों लोगोसे सुदेमा गावसिनि जायगानिनो स्टेसनसिम सफैबाय। एसेयावनो गंसे ट्रेना पेब ... सग... सग....सग.... खारबोबाय आरो लासैनो गसाइगाव आव दोम लाखिफैबाय। सुदेमआबो ट्रेनाव गाखो हैबायमोन, सुदेमजों बिफाया ट्रेन सिडव खिरखिथिं नायथिं नायथा खालामहरब्ला सुदेमा सिंनिफ्राय खारनना बिमा बिफा आरो बिब' मोनखौ खनसे स्राय गोबाफैना उनाव ट्रेनाव गाखोफैफिनो। दसे उनाव ट्रेना खारै खारै कक्राझारनि स्टेसनाव लाखिफैबाय बेवनो सुदेमाबो ओंखारबाय, बिनि बिमाय आरो बिमानैया सुदेमनि फैगोनखौ खबर मोननानै स्टेसनाव ट्रेन सफैनाय सिगांनो नेनानै थाफै खादोंमोन। बियो PU खौ फास खालामखांनायनि उनाव बिमायनि नआव थानानैनो BA खौ KGC आव एडमिसन लाना बेवनो फरायगासिनो दं।

दिनै सुदेमनि कलेजआव गिबि सान सुदेमा कलेजनि गेटनि सिडव हाबहैनाय लोगो लोगो माखासे ज' थानाय सिनेयरफोरा सुदेमखौ

रेगिं खालामनो लिंहरो। सुदेमाबो सासे गिख' लाजि गुसु आखुनि नडामोन बिनिखायनो बियो साहस खालामना बिसोरनि सेराव गसंहैबाय अब्ला बिसोर सुदेमखौ बुंबाय जायनो कलेजनि गेटजों हौवा हाबफैगोन नों बेखौ प्रफस खालामनांगौ। बिसोरनि थिननाय बायदि सुदेमा गेटसिम थांबाय। सासे सेंग्राया फैगासिनोमोन लोगो लोगो सुदेमा बुंबाय I love you अब्ला सिनेयरफोरा बुंहरबाय बे माबायदि प्रफस खालामनाय जाखे एसे इन्ट्रेसिथिं खालाम, जायाखै। सुदेमा बुंफिनबाय, अनसुला आं नोंनि अननाय बोदोर बावलि, आंनि गोसोआथ' फाग्ली, माबा माबि जायो! ओइ अनसुला अननानै आंखौ लानानै थांदो। हा-हा- बयबो मिनिबाय। सेंग्रायाबो बुंफिनबाय I love you too सुदेमआ गल' नायहाबबाय आरो दुबफुं गसंबाय सेंग्रायाबो गाव बानाय बेगखौ हायाव जालदाब गारना हान्थु खरायना बुंबाय, ओ अनसुलि! आंबो लोगो मोनबाय, सानाखैमोन आं नोंखौ नुना एसेग्राब गलिगोन I love you too। गासिबो सेनियरफोरा गावजों गाव मिनिज्लायना ख्लास रुमाव थांजोबबाय। सेंग्राया सुदेमजों सिनायथि लाबाय,

हाय! आं गोजोन, सुदेमआ बुंबाय आं सुदेम  
इंराजी अनारस गोजोनाबो इंराजी अनारस लादों।

सानैबो ख्लास रुम सिडव हाबफैबाय  
गोजोना सुदेमनि उनाव जिरायबाय आरो बिसोर  
सानैबो गाव गावनि जिरायफानाय लोगोजों नाम  
सोंज्लायबाय सुदेमजों जिरायफानायनि मुडा  
रिमफा आरो गोजोननिया बिरखां। बिसोर  
सानफ्रोमबो लोगो मोनज्लायबाय लोगो जाबाय  
जेरावखि थाड जेखि खालामा जेरावबो ज' ज'  
थाबाय। नाथाय गोजोन आरो सुदेमनि गोसो  
सिडव मानिबा दोहौ सोमजिखांदों बे दोहौवानो  
जाबाय मोजां मोनलायनाय। नाथाय सानैबो  
गावनि मोजां मोननायखौ फोरमायलायनो  
लाजियोमोन। बिदिनो गोबां सम थांबाय उनाव  
रिमफा आरो बिरखांमोननि जंखायनायाव गोजोन  
सुदेम मोना गावसोरनि मोजां मोननायनि दोहौखौ  
बुंथिलायबाय। बिसोर साब्रैजों गोबां नायथाव  
थांथाव समायना जायगाफोराव बेरायहैबाय गोबां  
रंजानायजों बिसोर समफोरखौ बारहोलांहोबाय।

फुंबिलि जोबोद मोजां स्रो-स्रो बार  
बारदों। सुदेमनि रुमाव मालाबानो गोजोनआ  
दंफैयो। बिसिनानि सायाव मोनसे ट्रलि बेग दं।  
सुदेमा एसे गाबै-गाबै गावनि जि जोमफोरखौ  
सोजोबबाय, जायखौ नांगौ बेखौ सोखांनानै  
गोजोना बेगखौ बोबाय आरो लोगो सानैया  
स्टेसनआव दंहैखायो। गोजोन सुदेम मोना स्टेसन  
मोनहैनायनि उनावनो ट्रेनआबो सफैबाय।  
सुदेमआ गाबबाय मानोना बियो गोजोन आरो

लोगोखौ गालांना थांनो बादों। गोजोनाबो दुखु  
जादों नाथाय बियो सायाव दिनथियासै। सुदेमा  
बिब'नि हाबा जोबबानो फैफिनखागोन लोगो  
मोनफैफिनखागोन साननानै बारा गाबासै।  
सुदेमआ नआव सहैबा नुबाय लामानिफ्रायनो  
हाबानि जोंथि माथि साजायफबजोबबाय  
हाबायाबो साननै उनावनोमोन। बियो नआव  
हाबहैबाय बिमा बिफाजों रायज्लायबाय बिनि  
उनाव रुमाव बिब'नो गोजोननि बाथ्रा  
खोनथालायना मिनिलायबाय। फुंबिलि जानानै  
बेलासि जालायबाय गोजोननि बिबआ हाबानि  
सिगां लोगोफोरजों बेरायहैसानो होनना थांनाया  
दाबो फैयासै।

बिमा बिफाया जोबोद उसुखुथु जाबाय  
गोजोना रुमाव मानोबा टेबोलनि द्रयारखौ  
खेवफ्लांनायाव गांसे लायजाम मोनबाय बियो  
माबेबा साननानै फरायबाय। फरायखांना बिमा  
बिफाखौ लिंगरबाय बिसोरनो फरायखांना जोबोद  
सिन्था जाबाय अखानायैनो हाबा हौवा गोदान  
लागोनो मा होनना खिन्थानो दुखुजों ओंखाम  
जालायासै। सिरि जाहाद जाजोबबाय गासिबो  
उनाव बिफाया गोसोखांबाय गावसोरनि  
मानसनमानखौ सुदेमआनो रैखा खालामनो  
हासिगोन होनना। सुदेमखौ गावसिनि रुमाव  
लिंगरबाय बिसोर आरो बिब'नि हाबाजानो गोनां  
रबिजों हाबाजानो ब्रा ब्रा थिनबाय सुदेमा  
गोजोनजों मोजां मोनलायनायखौ बिफानो बुंथिनो  
हायासै। बियो बिफानि दुखुफोरखौ नुना गोसो

गैयाबाबो राजि जाबाय ।

रुमाव दोर दोर खारलांना जोबोद गाबहैबाय गोजोननि सावगारि नायै नायै । मेगन मेसेबबाबो उन्दुनो हाया जेब्लानो मेसेबो गोजोननिल' महर जाखांफैयो । दसे उनाव गोजोननो फन खालामहरबाय, बुंबाय जे गोजोन आं हानाय नंला आंखौ निमाहा होदो गाबोननो आंनि हाबा नों आंखौ बावदो बुंनानै जोबनायाव I love you बुंहरबावबायसो सुदेमा । हजों गोजोना सुदेमनि बिदि बुंनाय खोनानानै फाग्लाबादि जाबाय बियो मा खालामनो मा मानो जाथारबाय गोसोखौ दबथाय हायैयाव गावनि सेरनि बेसादफोरखौ गारखाव गारसि खालामजोबबाय । आरो हायाव उन्दुना हब्रा हब्रा गाबबाय । बिब्दियैनो फुंबिलि जाफिनलायबाय दावसिनफोराबो सिउ-साव मेथाय खनलांना बिरथिंलांबाय । जारौ सानाबो मिनिस्तु जाना नुजाफैबाय । गोजोना माब्लाबानो गानै जोमै लोगो सानैखौ लाना स्टेसनसिम सफैबाय आरो बेनिफ्राय थांना सुदेममोननि नसिम सहैबाय । जेरैथिंबो हाबानि साजायफबनाय, बेफारनि दावराव दावसि सोदोब एसे खायथा नायहरबावना नुबाय सुदेमा हौवा गोदानजों रायलायगासिनो । बिसोरनि खाथियाव थांना गोजोन सुदेम आरो रबिखौ हाबानि साबायखर बावबाय सुदेमा सिं सिं जोबोद गिबाय आरो दुखुबो जाबाय । गोजोना बिसोरखौ नागारना एसे खनायाव थाना जौ लोंहैबाय थाबाय । सुदेमनि नोजोरा नाथाय गोजोननिफ्राय खारासै ।

सुदेममोना मनदबआव जिरायबाय आरो बिबार माला सोलायहां जाबा गोजोन नायनो हाथारैनि जौनि ग्लासखौ आखायजों सिखुबबाय आरो खर'खौ बोरैबा मोनलाजोबबाय बियो उनाव बाज्रेद बाथेद जाना अफायबा नांथाना माखासे साजायनायफोरा गोग्लैबाय आरो गोजोननियावबो एसे होसिनफैनाय नुनानै सुदेमा खारबोबाय । आरो गोजोनखौ आदर लाफैबाय । बेखौ नुनानै बयबो गोमोबाय माबा माबि बुंलाबाय आरो हौवा गोदान मोनहाबो जोबोद राग जोंबाय । बियो मालाखौ जालदाब गारनानै बिफाखौ बुंबाय जोंखौ एफा असनमान खालामबाय बेव जों थानो हाला होनना बिफाखौ लिंबाय । सुदेमनि बिफाया थांनाड होनना लाखिसेयावबो हायासै । बियो जोबोद राग जोंना सुदेमखौ फुंसे सोबाबा आरो गोजोनखौबो हाजासे बुबाय । अब्ला सुदेमा बिफाखौ बोखाबायबाय आरो बुंबाय आं बिखौ मोजां मोनो आफा बिबो आंखौ मोजां मोजां मोनो । लासैलो एसे गोबाव बिफाया गोबां बायदिसिना सानखांफिनना फिसाजोनाव गाबनानै निमाहा बिबाय मानोना गाव फिसाजोनि खुसिखौ सानालासे गुबुनजों हाबा होबायमोन गावनि मान सनमान रैखानि थाखाय । दा बुजिफिनबाय फिसाजोनि खुसिनिखुइ मान सनमाना देरसिन नडा । उनाव बिफाया सुदेमखौ गोजोननो गथायबाय आरो गावसोरनि फरायनाय जोबबा हाबा लानो बिथोन होबाय ।

## गाहाइ नेहाथारिनि बोसोरसालिया रायफोरथि (Annual Report of the General Secretary)

आंनि बोसोरारि खेफोरथिखौ होनायनि गिबियाव रायखांनो सानो । बिथांमोना आंखौ क 'क्राझार सरकारि फरायसालिमा बर' फरायसा थुनलाइ आफादनि गाहाइ नेहाथारि महरै 28-09-2015 खालि सायख 'यो । एसेल' गोहोखौ लानानैब्लाबो बर' थुनलाइखौ सिबिनायनि राहा मोन्दोंमोन । आं सानाखैमोन क 'क्राझार सरकारि फरायसालिमायाव फैनानै बर' थुनलाइजों लोगोसे बे बायदि बिबान मोनगोनखौ ।



बै दिनखालि आंनि गोसोआव जाखांफैदोंमोन आं बे बिबानखौ लानानै हाबाफोरखौ मावलांनो हागोनना हाया । नाथाय आं जा एसे रोंग 'थि आरो लोगोसे थुनलाइ बोसोनगिरिफोरनि गाहाय सुबुरुनथाय आरो बोसोनजों आंनि बोसोरारि बिबानखौ नेहाथारि महरै मावनो नाजादों आरो मावबोदों ।

थुनलाइआ मोनसे हारिनि आयना । थुनलाइनि जौगाखांनायावनो हारिनि मान दान्दायाबो गोजौआव बेखायनो थुनलाइनि जौगानायखौ नेवसिआबालानो बेखौ हेफाजाबसो होनांगौ । थुनलाइ जौगानायनि हाबाया जों बयनिबो मावनांगौ बिबान दं होन्नानै आं सानो । क 'क्राझार सरकारि फरायसालिमा बर' फरायसा थुनलाइ आफादआ 1967 माइथायआव जोनोम मोन्नानै दासिमबो सोलिगासिनो दं । बेयो बाख्यायथावनि बाथ्रा । आंनि मावबोनाय खामानिफोरा बेसेबां जाफुंसारखो बेखौ थारैनो थुनलाइ बोसोनगिरि, फोरोंगुरु आरो फरायसुला-फरायसुलि लोगो बिथांमोनहासो होनो हासिगोन । गिबिआवनो आं मावबोनाय फिथायफोराव माबाफोर गोरोंन्थि थालाडेब्ला आंखौ निमाहा होयो ।

आंखौ गाहाइ नेहाथारि महरै सायख 'नानै आंनि मोनफ्रोमबो खामानियाव मदद होफानानै आरो बाहागो लानानै मोनफ्रोमबो हाबाफारिखौ जाफुंसार होबोनायनि थाखाय क 'क्राझार सरकारि फरायसालिमानि साफ्रोमबो बर' फरायसुला फरायसुलि बिथांमोननो आंनि गोरबोनि अन्नाय सिबिनाय वाउहरनाय जाबाय । लोगोसे आंखौ मोनफ्रोमबो खामानि मावफुंनायाव मदद होनाय जोंनि क 'क्राझार सरकारि फरायसालिमानि गोरायुं एबा क 'क्राझार सरकारि फरायसालिमा बर' फरायसा थुनलाइ आफादनि आफादगिरि मानगोनां ड' विनय कुमार ब्रह्म बिथांनिसिम आंनि गोसो गोबोंनि खुलुमनाय, सिबिनाय आरो गोजोन्नायखौ जासिहरबाय । लोगोसे क 'क्राझार सरकारि फरायसालिमा बर' फरायसा थुनलाइ आफादनि लेडइ आफादगिरि मानगोनां मुस्त्रिमा अनजालि बसुमतारि, मुस्त्रि लकनाथ गयारी आरो थुनलाइ बोसोनगिरि मुस्त्रि बारहुंखा मुसाहारि, मुस्त्रि गनेश बर', मुस्त्रि गौतम मुसाहारि बिथांमोनहा

आंखौ नांगौ बायदि हेफाजाब होनायनि थाखाय आंनि गोरबो सिंनिफ्राय खुलुमनाय सिबिनाय आरो गोजोन्नायखौ बाउहरनाय जाबाय । जोबथारनायाव क 'क्राझार सरकारि फरायसालिमानि गासै बिबुंगोरा बिथांमोननिसिम आंखौ नांगौ समाव हेफाजाब आरो बोसोन होनायनि थाखाय आंनि गोरबोनिफ्रा खुलुमनाय सिबिनाय बाउहरनाय जाबाय ।

थांखांनाय 2015 मायथाइनि 28 सेप्टेम्बर दाननि अक्ट 'आव आं गाहाइ नेहाथारि बिबानखौ मोन्नानै रोंग थि आरो थुनलाइ बोसोनगिरिफोरनि बोसोन आरो बिदिन्थि होनायजों आफादनि मावनांगौ हाबाफोरखौ मोनफा मोनफा मावबोनाय जादों । नाथाय बैफोर गोबांथार हाबायावनो गोबां जेंना जेंगोना नुजाथिफैदोंमोन आरो आं मोगा मोगि जाबोनांदों बेयो रोखा ।

आंनि बिबानाव आं जा हाबाफोर मावबोदोंमोन बैफोर हाबाफोरखौ गाहायाव होनाय जाबाय-

1. ईशान मोसाहारिनि जौथायारि जोनोम आरो खुंगा 34थि ईशान मोसाहारि गोसोखां सान फालिनाय -

इं 2015 मायथाइनि 7, 8 आरो 9 नभेम्बर अक्ट 'आव क 'क्राझार सरकारि फरायसालिमा बर' फरायसा थुनलाइ आफादा खुंनो लाहार-फाहार खालामो । आरो थारैनो जाफुंसार खालामो । केलेन्डाराव होखानाय खालारबादि जों खुंनो हायाखै माखासे खामानिफोरनि थाखाय जों गोजौआव होनाय खालारावसो खुंफुंनाय जादों ।

बे फालिनायाव गासै गं 21 फरायसालि फरायसालिमाफोरा बाहागो लाफैदोंमोन एबा नुजाथिफैदोंमोन । आरो बे फरायसालिमाफोरखौ गाहायाव होनाय जाबाय -

1. देबोरगाव गोजौसिन फरायसालि, क 'क्राझार
2. बासुगाव फरायसालिमा, बासुगाव
3. दत 'मा गोजौसिन फरायसालि
4. अदालगुरि फरायसालिमा, अदालगुरि
5. आर 'नाइ एकाडेमि, क 'क्राझार
6. थंला फरायसालिमा, थंला
7. बि.बि. किसान फरायसालिमा, जालाह
8. कमार्च फरायसालिमा, क 'क्राझार
9. गार्लस फरायसालिमा, क 'क्राझार
10. क 'क्राझार मिउजिक एन्ड फाइन आर्टस फरायसालिमा, क 'क्राझार
11. जनता फरायसालिमा, सेरफांगुरि
12. RSB फरायसालिमा, क 'क्राझार
13. क 'क्राझार सरकारि गोजौसिन फरायसालि, क 'क्राझार

14. बड 'फा इउ.एन. ब्रह्म फरायसालिमा, दतमा
15. बिगियान फरायसालिमा, क 'क्राझार
16. मुसलपुर फरायसालिमा, मुसलपुर
17. बिजनी फरायसालिमा, बिजनी
18. बंगाइगाव फरायसालिमा, बंगाइगाव
19. बैतल फरायसालिमा, बैतल
20. कयराबारि फरायसालिमा, कयराबारि
21. सेन्ट्रेल फरायसालि, रंगिया

बिथांमोना फैनानै जॉनि ईसान मोसाहारि गोसोखां सान फालिनायाव मदद होफैयो। जॉनि बे खुंनायआल गोबां आयदा एबा हाबाफारि लायो जैरै - सेथि बैखन सावरायमेल बादायलायनाय, खन्थाय आवरायनाय बादायलायनाय, सोंगाब बादायलायनाय, मेथाय खन्नाय बादायलायनाय (खुगा मेथाय आरो गोदान मेथाय), खिन्थिगासे थुनफावथाय बादायलायनाय, हानजा सावरायनाय बादायलायनाय, जायगायावनो लिरनाय बादायलायनाय (खन्थाय आरो सुंद 'सल'), मोनथिखायै बुंनाय बादायलायनाय, बाथ्रा दान्थेलायनाय बादायलायनाय। बेफोर हाबाफारिखौ मोजाडै मोजां मावफुंनाय जायो। नैथि बैखन सावराय मेलाव लानाय आयदाया जाबाय - ईसान मोसाहारिनि सुंदोब जिउ खौरां।

मासिगिरि महरै मानगोनां मुस्रि ब्रजेन्द्र कुमार ब्रह्म, लोगोसे फरायगिरि महरै जनिल कुमार ब्रह्म, (साहित्य एकाडेमि बान्था मोनगिरि)। बे हाबाफारियाव जॉनि फरायसालिमायाबो बाहागो लायो। आरो बान्थाबो मोन्नो हायो। बान्था मोनगिरिफोरनि मुंखौ गाहायाव होनाय जाबाय -

1. Miss Dibika Boro (गावनो लिरनाय खन्थाय बादायनाय नैथि बान्था)
2. Miss Bibila Dwimary and Dibika Boro (गावनो लिरनाय सुंद 'सल', थामथि बान्था)
3. Sri Rujuthai Basumatary (मिथिखायै बुंनाय बादायलायनाय - थामथि बान्था)
4. Sri Rujuthai Basumatary (बाथ्रा दान्थेनाय बादायलायनाय - सेथि बान्था)
5. Miss Anjali Basumatary (सावगारि बोनाय बादायनाय - नैथि बान्था)
6. Gitanjuli Basumatary (गोदान मेथाय खन्नाय बादायनाय - नैथि बान्था)
7. Miss Dwiji Basumatary (हारसिं मोसानाय बादायलायनाय - नैथि बान्था)
8. Miss Sidwma Rani Basumatary  
Miss Supria Dwimary (जावजा मोसानाय बादायनाय - नैथि बान्था)
9. Sri Mitishar Basumatary  
Miss Uraina Basumatary (थुनफावथाय बादायलायनाय - सेथि बान्था)

10. Sri Rujuthai Basumatary

Sri Sanswring Brhama (जायगायावनो लिरनाय खन्थाय - थामथि बान्था)

क 'क्राझार सरकारि फरायसालिमाया गासै मोन 10 बान्था मोन्दोंमोन। सेथि बान्थाया गासै मोननै (2), नैथि बान्थाया गासै मोनबा (5) आरो थामथि बान्थाया गासै मोनथाम (3) आरो साबसिन फरायसालिमा बान्था लाखिनो हादोंमोन लोगोसे बाखोनाय बान्था (Best Disciplinary) खौ B.B. Kishan फरायसालिमाया मोन्नो हायो। इसान उनसंगिरि हिसाबै सि रुजुथाय बसुमतारीआ मोन्नो हायो जोंनि क 'क्राझार सरकारि फरायसालिमानिफ्राय।

बेबायदिनो इसान मोसाहारिनि जौथायारि जोनोम आरो खुंगा 34थि इसान मोसाहारिनि गोसोखां सानआ फालिनाया गाजा गोमजायै खुंफुंजायो।

2. 16 नभेम्बर थुनलाइ आफादनि जोनोम सान -

बे सानाव बर' थुनलाइ आफादनि फिरफिलाखौ बिरहोनाय जायो। बे हाबाफारियाव गोबां फरायसुला फरायसुलिफोरा बाहागो लाफैदों। बेबादियैनो बर' थुनलाइनि जोनोम साना खुंफुंलांजायो।

3. 7-04-16 (Pre Bwsagu)

क 'क्राझार सरकारि फरायसालिमा बर' फरायसा थुनलाइ आफाद आरो क 'क्राझार सरकारि फरायसालिमा फरायसा आफाद (K.G.C.S.U.) आ गिबि खेबनि थाखाय 7 एप्रिल, 2016 खालाराव Pre-Bwisagu खौ खुंफुडे।

बे हाबाफारियाव मुस्रि बेरलाव खुंगुर खारजिआ गाहाइ आलासि महरै Pre-Bwisagu आव बाहागो लाफैयो आरो हाबाफारिजों लोब्बा लाखिनानै बेसेनगोसा बिबुंथि लाखियो। जोंनिनो फरायसालिमानि फोरोंगिरिफोराबो बाहागो लाफैनानै हाबाफारिखौ मेहेरगोनां खालामफैयो।

बे हाबाफारियाव औवा बिफां आरो थालिर बिफां लोगोसे हानजा मोसानाय बादायलायनायबो खुंनाय जादों। बे बादायलायनायाव देरहासाद जानायफोरनि मुंखौ गाहायाव होनाय जाबाय -

1) मुस्रि सोलेर नार्जारी (औवा बिफां गाखोनाय)

2) मुस्रि सिमां मोसाहारि (थालिर बिफां गाखोनाय) आरो

3) जेंग्रे हानजा (जावजा मोसानाय)

बेबादियैनो Pre-Bwisagu हाबाफारिया गाजा गोमजायै खुंफुंजायो।

4. 18 मे बर' बिजों सान -

क 'क्राझार सरकारि फरायसालिमा बर' फरायसा थुनलाइ आफादआ 18 मे, 2016 खालाराव बर' बिजों सानखौ फालियो। बे हाबाफारियाव फिरफिला बिरहोयो आरो बे सानजों लोब्बा लाखिना बेसेन गोसा बिबुंथि लाखियो। बेजों लोगोसे लकनाथ गयारि आरो आनानियास हेमब्रमआबो आलासि



महरै नुजाफैदों । आरो गोबां फरायसुला आरो फरायसुलिफोराबो फैनानै बर' बिजों सान फालिनायखौ मेहेरगोनां खालामफैदो ।

5. सेप्टेम्बर 1 निफ्राय 3 सेप्टेम्बर, 2016

बिजनी फरायसालिमायाव खुंजानाय सानजारां 'लक्षेश्वर ब्रह्म'नि रुफाथि थैनाय सान फालिनायाव जौनि क 'क्राझार सरकारि फरायसालिमा बर' फरायसा थुनलाइयारि आफादआबो बाहागो लाहैदोंमोन आरो जौनि फरायसालिमाया 'साबसिन फरायसालिमा' बान्थाखौ मोनबोनो हादोंमोन ।  
बान्था मोनगिरिफोरनि मुं -

1. Mijing Brahma, 5th Sem. (सेथि बान्था - रनसाय लिरनाय बादायनाय)
2. Rujuthai Basumatary, 3rd Sem. (सेथि बान्था, सुंद' सल' लिरनाय बादायनाय)  
(नैथि बान्था, बाथ्रा दान्थे बादायनाय)  
(नैथि बान्था, मिथिखायै बुंनाय बादायनाय)
3. Bigrai Narzary, 3rd Sem. (सेथि बान्था, हारसिं मोसानाय, गोदान मेथायजों)

क 'क्राझार सरकारि फरायसालिमा - थांनानै थार्थों

क 'क्राझार सरकारि फरायसालिमा बर' फरायसा थुनलाइ आफाद - थांनानै थार्थों

बर'राव - गोवलांथों

बर' थुनलाइ - जौगासारथों

अजिमा - जिउ लावथों

बर' हारि - देरहासार ।

नोंथांमोननि फोथायजाथाव

मुस्रि मानेक नार्जारी

गाहाइ नेहाथारी

कःसःफः बःफः थुःआः

क 'क्राइडार सरकारी फरायसालीमा बर' फरायसा थुनलाइ आफादनि  
मावफुं आफाद आरो सोद्रोमाफोर  
माइथाय : 2015-16

आफादगिरि	:	ड° बिनय कुमार ब्रह्म
लेडइ आफादगिरि	:	मुस्रिमा अनजालि बसुमतारी मुस्रि लकनाथ गयारी
थुनलाइ बोसोनगिरि	:	मुस्रि बारहुंखा मुसाहारी मुस्रि गनेश बर' मुस्रि गौतम मुसाहारी
गाहाइ नेहाथारी	:	मुस्रि मानेक नार्जारी
लेडइ नेहाथारी	:	मुस्रि सोलेर नार्जारी
गाहाइ सुजुगिरि	:	मुस्रि जोंसार अवारि
सुजुगिरि	:	मुस्रि फुंजा मुसाहारी थरायना कनिका हाज 'वारी
सोद्रोमाफोर	:	मुस्रि रैमालु ब्रह्म मुस्रि फैलाव दैमारी थरायना हानि मयी बसुमतारी मुस्रि कनकेश्वर ब्रह्म मुस्रि अलकेस ब्रह्म थरायना प्रनिता ब्रह्म मुस्रि कौसिक ब्रह्म मुस्रि मिजिं ब्रह्म मुस्रि दैथुन इसवारि थरायना निबियादिथा मुसाहारि मुस्रि मनिस बसुमतारी थरायना निबिदिथा बसुमतारी मुस्रि गेगं आफं बसुमतारी मुस्रि दानसोरां बसुमतारी थरायना दामिनि बसुमतारी थरायना बन्दना बसुमतारी मुस्रि थुलुंगा बर' मुस्रि बिलिफां बसुमतारी

आगु मावख' गाहाय बिफानारिफोरनि फारिलाइ  
क 'क्राझार सरकारी फरायसालीमा बर' फरायसा थुनलाइ आफाद

दिहुनाय	आफादगिरि	नेहाथारी	सुजुगिरि	माइथाय
सेथि	पनिन्द्र नाथ ब्रह्म	नील कमल ब्रह्म	हेरम्ब नार्जारी	1968
नैथि	-	बन्धुराम बसुमतारी	गुनेश्वर मोसाहारी	1969
थामथि	-	-	-	-
ब्रैथि	पनिन्द्र नाथ ब्रह्म	समेश्वर बसुमतारी	सुधानन्द मोसाहारी	1970-71
बाथि	-	रुधिर शंकर बसुमतारी	समेश्वर ब्रह्म	1974-75
दथि	-	रहिनाथ औवारी	नबिन औवारी	1975-76
स्निथि	-	सतिस चन्द्र बसुमतारी	बेनुधर बसुमतारी	1976-77
दाइनथि	-	अनिल कुमार बसुमतारी	बिर चरण बसुमतारी	1977-80
गुथि	-	राजेन बर'	कलेन्द्र बसुमतारी	1981-82
जिथि	दानिराम बसुमतारी	प्रबन नाथ बरगयारी	दिनेश चन्द्र बरगयारी	1982-83
जिसेथि	-	पनिराम दैमारी	रेव रेवा नारजिहारी	1984-85
जिनैथि	-	गजेश्वर ब्रह्म	सुरन नार्जारी	1985-86
जिथामथि	-	केसब दैमारी	सामल नार्जारी	1986-87
जिब्रैथि	-	अरगें नार्जारी	अबथिरा ब्रह्म	1987-88
जिबाथि	-	समेश्वर ब्रह्म मुसाहारी	बिलिफां ब्रह्म	1988-89
जिदथि	-	-	-	1989-90
जिस्निथि	-	सानसोरां मुसाहारी	जायख्तं ब्रह्म	1990-91
जिदाइनथि	-	अजागोरान बसुमतारी	बिमान ब्रह्म	1991-92
जिगुथि	-	जान्यलाल बसुमतारी	सैलेन बसुमतारी	1992-93
नैजिथि	-	कमल कुमार नार्जारी	बारफुंगोरा नार्जारी	1993-94
नैजिसेथि	जे.चि. ब्रह्म	जांखिखां बसुमतारी	कानसन नार्जारी	1994-95
नैजिनैथि	एम.चि. ब्रह्म	रैरुब ब्रह्म	समित मोसाहारी	1995-96
नैजिथामथि	-	मनजित नार्जारी	सन्दन कु. ब्रह्म	1996-97
नैजिब्रैथि	-	रहिम चन्द्र नार्जारी	जगत बसुमतारी	1997-98
नैजिबाथि	-	बिरफुं नार्जारी	उत्तम कु. ब्रह्म	1998-99
नैजिदथि	-	बुद्धदेब बसुमतारी	रुफास्त्री हाज'वारी	1999-2000
नैजिस्निथि	सुरथ नार्जारी	पद्मल 'सन ब्रह्म	सनजय नार्जारी	2000-2001
नैजिदाइनथि	-	बावफुं ब्रह्म	धृतब्रत नार्जारी	2001-2002
नैजिगुथि	-	देरहासाद ब्रह्म	इन्दिरा बसुमतारी	2002-2003
थामजिथि	-	अशक कु. बसुमतारी	निपुन गोरा बसुमतारी	2003-2004
थामजिसेथि	-	उरखाव ब्रह्म चौधुरी	नुसार बरगयारी	2004-2005
थामजिनैथि	नगेन्द्र ब्रह्म	-	कमल कुमार ब्रह्म	2005-2006
थामजिथामथि	बिनय कुमार ब्रह्म	रिमोनला बसुमतारी	डिस्क' मुसाहारी	2006-2007

दिहुन्नाय	आफादगिरि	नेहाथारी	सुजुगिरि	माइथाय
थामजिब्रैथि	-	अमल बसुमतारी	दिपक बसुमतारी	2007-2008
थामजिबाथि	-	पृथ्विराज स्वर्गीयारी	एन्थनि नार्जारी	2008-2009
थामजिदथि	-	मुसुका मुसाहारी	अमर बसुमतारी	2009-2010
थामजिस्निथि	-	निस्थार ब्रह्म	दिपक हाज 'वारी	2010-2011
थामजिदाइनथि	-	सुरज कु. बसुमतारी	मोदोमफ्रु नारजारी	2011-2012
थामजिगुथि	ड° बिनय कुमार ब्रह्म	देरहासाद बसुमतारी	बिसु कु. ब्रह्म	2012-2013
ब्रैजिथि	-	सनजय ब्रह्म	सनजित नार्जारी	2013-2014
ब्रैजिसेथि	-	मिलन मुसाहारी	सिमां कुंगुर बसुमतारी	2014-2015
ब्रैजिनैथि	-	मानेक नार्जारी	जौंसार अवारी	2015-2016

# हांख्राइ बिलाइ

ईसान मोसाहारीनि जौथायारि जोनोम  
आरो

खुंगा 34 थि ईसान मोसाहारी गोसोखां सान फालिनाय  
खालार: 7, 8 आरो 9 नभेम्बर, 2015  
थावनि: क'क्राझार सोरखारि फरायसालिमा



खुंफुंग्रा:

क'क्राझार सोरखारि फरायसालिमा बर' फरायसा थुनलाइ आफाद  
माइथाय: 2015-16

मानाव गेदेद / आंगो लोगो,

गोजोन हामब्लायथि बावहरनानै नोंथां / नोंथांमोननिसिम फोरमाय हरनाय जायोदि थांखांनाय बोसोरफोरनि बादिनो क'क्राझार सोरखारि फरायसालिमा बर' फरायसा थुनलाइ आफाद (Kokrajhar Govt. College Bodo Students' Literary Society) आ देग्लाय ईसान मोसाहारीनि जौथायारि जोनोम आरो खुंगा 34 थि ईसान मोसाहारी गोसोखां सानखौ 7, 8 आरो 9 नभेम्बर, 2015 खालाराव जुथायै फालिनो थाखाय थि खालामदों । सानथामनि हाबाफारिजों मेहेरेगोनाडै क'क्राझार सोरखारि फरायसालिमायाव खुंनो लानाय बे गोसोखां सान फालिनायनि हाबाफारियाव थुनलायारि आयदानि बायदि बायदि बादायनाय हाबाफारिफोरजों लोगोसेयै उननि बिलायाव आबुडै सरजाबफानाय हाबाफारि बादियै बर' थुनलाइनि गेदेमा खन्थाइगिरिजों सोमोन्दो लाखिनानै जुनिया हाबाफारिबो लाफानाय जादों ।

बेनिखायनो गोजौवाव मख'बोनाय अक्ट'नि हाबाफारियाव नोंथां / नोंथांमोन बयखौबो गावनि बेसेन गोसा समनि गेजेरावबो नुजाफैनो आरो गासै हाबाफारियाव बाहागो लाफैनो गुरैयै हांख्राइहरनाय जाबाय ।

गोजोन्थों

नोंथांमोननि फोथायजाथाव

ड<sup>०</sup> बिनय कुमार ब्रह्म

आफादगिरि

मुस्त्रि मानेक नार्जारी

गाहाइ नेहाथारि

क'क्राझार सोरखारि फरायसालिमा बर' फरायसा थुनलाइ आफाद

## हाबाफारि

07-11-2015

बेलासि 01:00 रिंगा: गुबुन गुबुन फसंथान/ फरायसालि/ फरायसालिमानिफ्राय  
नुजाफैनाय थान्दैफोरनि मुंसननाय (Registration)

बेलासि 03:00 रिंगा: गुबुन गुबुन फसंथान / फरायसालि / फरायसालिमानिफ्राय  
नुजाफैनो हानाय थान्दैफोरजों क'क्राझार सोरखारि फरायसालिमा बर'  
फरायसा थुनलाइ आफादनि गोजाम गोदान मावफुं सोद्रोमाफोरनि  
सिनायथि फोरबो ।

मोनाबिलि 04:00 रिंगा: खिन्थिगासे थुनफावथाइ बादायनाय  
दैदेनगिरि- बारहुंखा मोसाहारि,  
सान्थौ बिफाननि गाहाइ, क: स: फ:

मोनाबिलि 08: 00 रिंगा: मोनानि जानाय

08-11-2015

फुंबिलि 06:30 रिंगा: रेजेंगा जानाय

फुंबिलि 07:00 रिंगा: फिरफिला बिरहोनाय

बिरहोगोन: ड<sup>0</sup> बिनय कुमार ब्रह्म

आफादगिरि, क: स: फ: ब: फ: थु: आ: आरो

गोरायुं, क'क्राझार सोरखारि फरायसालिमा

फुंबिलि 07:30 रिंगा: मुंखलं खाम्फायाव बिबार बावनाय

बावजेनगोन: गपिनाथ बरगयारी,

बारग' लेडाइ आफादगिरि, बर' थुनलाइ आफाद

फुंनि 08:00 रिंगा: "अनजिमा इन्जुर लाइसि" बेखेवनाय

बेखेवगोन: राणी हेलेन औवारी, लिरगिरि आरो

फोरोंगिरि, क'क्राझार हिनजावसा गोजौसिन गेजेरारि फरायसालि

फुनि 08:30 रिगा: जायगायावनो खन्थाइ, आरो सुंद' सल' लिरनाय  
बादायनाय

दैदेनगोन - ड<sup>०</sup> लाहेराम मोसाहारी (खन्थाइ)

लोगो बिबुंगिरि, क'क्राझार गाल्स कलेज

-मुस्रि बिपुल बसुमतारी (सुंद' सल')

लोगो बिबुंगिरि, कमारच फरायसालिमा

फुनि 9:30 रिगा: खन्थाइ आवरायनाय बादायनाय

खन्थाइनि मुं 'मोनाबिलि' (ईसान मोसाहारी)

दैदेनगिरि: बिहुं ब्रह्म, लोगो बिबुंगिरि, चि: आइ: टि:

साननि 11:00 रिगा: सोंगाब बादायनाय

(ईसान मोसाहारीनि सोमोन्दै सोंखनसे सोंलु आरो,

बर' राव, थुनलाइ आरो हारिमुनि सायाव)

दैदेनगिरि: मुस्रि मिहिर कुमार ब्रह्म, बिबुंगिरि, जनता फरायसालिमा

सानजौफु 12:00 रिगा: सानजौफुनि जानाय

बेलासि 02:00 रिगा: हानजा सावरायनाय (Group discussion) बादायनाय

आयदा: "सुबुं-लांखारनाया बर' समाजनि मोनसे गिख्रंथाव जेंना"

(Human trafficking is a thread to the Bodo Society)

दैदेनगिरि: मुस्रि गौतम मोसाहारी

जारिमिन बिफाननि लोगो बिबुंगिरि, क: स: फ:

बेलासि 01:30 रिगा: मेथाइ खन्नाय बादायनाय (हारसिं)

(क) खुगा मेथाइ

दैदेनगिरि: प्रानसिस नार्जारी, कम्पिउटार बिगियान बिफाननि गाहाइ,

(ख) गोदान मेथाइ

दैदेनगिरि: ममता नार्जारी, राजखान्थि बिगियान बिफाननि गाहाइ



बेलासि 03:00 रिगा: गोदान मोसानाय बादायनाय (बर' मेथाइनि केसेतजों)

(क) हारसिं मोसानाय

दैदेनगिरि: आयनी बसुमतारी, राजखान्थि बिगियान बिफाननि  
लोगो बिबुंगिरि, क: स: फ:

(ख) जावजा मोसानाय

दैदेनगिरि: धननजय नार्जारी, लाइफां बिगियान बिफाननि गाहाइ

मोनाबिलि 05:00 रिगा: ईसान मोसाहारीनो जौथायारि जोनोम मान बाउनाय

बाउजेनगोन: नखरनि सोद्रोमा

मोनाबिलि 05:30 रिगा: ईसान मोसाहारीनि थुनलायारि सोर्जिखौ फावथाइ  
महरै दिन्थिफुनाय

बेखेवगिरि: ड<sup>०</sup> मंगलसिं हाज'वारी, बारग' गोरायुं,

कक्राझार फोरोंगिरि फोरोंथाइ सोरखारि फरायसालिमा

मोनाबिलि 08:00 रिगा: मोनानि जानाय

**09-11-2015**

फुंबिलि 06:30 रिगा: रेजेंगा जानाय

फुंबिलि 08:00 रिगा: मिथिखायै बुंनाय बादायनाय

बुंथिगिरि: मुस्रि सांग्रां गोरा ब्रह्म, लाइब्रेरियान,

मिरुवारि आरोंदायारि फसंथान (चि: आइ: टि:)

फुंनि 09:30 रिगा: बाथ्रा दान्थे बादायनाय

आयदा: "इन्टारनेटआ बर' समाजाव गाञ्जि गोहोम खोख्लैगासिनो"

दैदेनगिरि: मुस्रि कमल बड'सा,

रांखान्थि बिगियान बिफाननि गाहाइ

सानजौफुनि 12:00 रिगा: सानजौफुनि जानाय

IGNOU  
1962-2002

NOTICE  
BOARD



बिजनी फरायसालिमायाव खुंफुंजानाय सानजारां लक्षेश्वर ब्रह्मनि  
रुफाथि मायथाइ गोसोखां सान फालिनायाव साबसिन बादायारि फरायसालिमा बान्था मोन्नाय।



क 'क्राइर सरकारि फरायसालिमा बर' फरायसा थुनलाइ आफ्फाद  
आरो फरायसा आफ्फाद 2015-16